

S T E N O G R A M
29. RADNE SJEDNICE SKUPŠTINE KANTONA SARAJEVO,
ODRŽANE U Ponedjeljak, 28.09.2020. godine sa početkom rada u 10,00
sati (online)

Predsjedavajući:

Otvaram 29. Radnu sjednicu Skupštine Kantona Sarajevo.

Pozdravljam uvažene kolegice i kolege zastupnike, članove Vlade i sve koji prate rad današnje sjednice. Svima nama želim uspješan rad i ugodnu radnu atmosferu.

ONLINE sjednici prisustvuje 31 zastupnik, što je dovoljan broj za punovažan rad i odlučivanje.

Kašnjenje je najavio Konaković, a kolegica Kerla odsustvo.

Prijedlog dnevnog reda 29. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 14.09.2020.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo, dana 24.09.2020. godine, prihvatio je da se Prijedlog dnevnog reda 29. radne sjednice, dopuni sa sljedećim tačkama:

- 1.Prijedlog Odluke o davanju saglasnosti na prijedlog Sporazuma o rješavanju problema preduzeća KJKP "GRAS" d.o.o. Sarajevo (razmatraće se kao tačka 5.);
- 2.Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta "Energetske efikasnosti-dodatno finansiranje" (razmatraće se kao tačka 7.);
- 3.Prijedlog Odluke o davanju saglasnosti na nacrt ugovora o prenosu prava vlasništva i posjeda bez naknade na Kanton Sarajevo na parceli označenoj kao k.č. 2152/33 površine 332 m2 upisanoj u zk.ul. 22713 K.O. SP_Gornji Butmir što po novom premjeru odgovara parceli broj 2051/3, PL/KKU 1125 K.O. Stup u svrhu izgradnje Spomen obilježja ubijenim civilima Kasindolske ulice, koji će Zavod za izgradnju Kantona Sarajevo, kao Prenosilac, zaključiti sa Sticaocem nekretnine; (razmatraće se kao tačka 8.);
- 4.Prijedlog odluke o davanju naziva saobraćajnici u izgradnji (I Transverzala) na području Općine Centar; (razmatraće se kao tačka 22.);
- 5.Prijedlog odluke o izmjeni naziva dijela-kraka ulice, odnosno preimenovanju dijela-kraka ulice na području Općine Vogošća; (razmatraće se kao tačka 23.);
- 6.Program rada Javne ustanove "Služba za zapošljavanje Kantona Sarajevo" Sarajevo za 2020. godinu (razmatraće se kao tačka 24.);
- 7.Program rada i Finansijski plan Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" za 2020. godinu; (razmatraće se kao tačka 25.);
- 8.Program rada i Finansijski plan Javne ustanove Terapijska zajednica – Kampus Kantona Sarajevo za 2020. godinu; (razmatraće se kao tačka 26.).

Prije prelaska na utvrđivanje Dnevnog reda podsjetio bih vas da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

U okviru prethodnog postupka prelazimo na **Prijedlog Zakona o izmjenama i dopunama Zakona o policijskim službenicima Kantona Sarajevo, po hitnom postupku.**

Ima li potrebe da predstavnik Predlagača obrazloži razloge donošenja ovog Zakona po hitnom postupku? Molim da se javite u Viber grupu ukoliko ima potrebe da obrazloži. Molim zastupnike da se bar izjasne ili da damo riječ uvaženom ministru Jusku za. Ministre.

Ministar Ismir Jusko:

Poštovanje i pozdrav svim zastupnicima i zastupnicama i našim gledaocima koji nas gledaju ispred malih ekrana. Trenutno važeći Zakon o unutrašnjim poslovima Kantona Sarajevo je u primjeni pokazao određene nedostatke i pravne praznine. Kako predložene izmjene nisu obimne i nisu suštinske izmjene, predloženo je da se donese po hitnom postupku da bi bili efektivniji i efikasniji u svemu onome što želimo provesti u narednom periodu, a prije svega želimo nadopuniti veliki nedostatak policijskih službenika koji nedostaju u ovom momentu, negdje oko 330 po sistematizaciji. Inicirano je da ide po hitnom postupku. Tako da sa te strane zamolio bih uvažene zastupnice i zastupnike da predlože ovu inicijativu i da ove izmjene Zakona idu po hitnom postupku.

Predsjedavajući:

Zahvaljujem ministre. Ima li pitanja? Ukoliko se niko ne javlja, otvaram raspravu. Uvaženi zastupnik Aljoša Čampara pitanja. Kolega Čampara imate riječ, izvolite.

Poslanik/zastupnik Aljoša Čampara:

Ne znam da li me čujete dobro predsjedavajući. Ma ništa ja sam htio samo pitati, pošto nisam stigao da se uključim na vrijeme, obzirom da sam i ja podnio iste zakone, isti tekst, već znam svi historijat i hronologiju, ja još nikada nisam dobio nikakvo obavještenje od Skupštine odnosno od Kolegija da li su i moji zakoni uvršteni ili je sve spojeno u jedan pošto se radi o istom tekstu Zakona da li je to Vlada razmatrala ili nije razmatrala, onako interesovalo bi me šta je bilo i kakav ste zaključak donijeli vezano za ovo?

Predsjedavajući:

Uvaženi zastupniče Čampara mi nismo u skupštinsku, odnosno ja kao predsjedavajući nisam dobio stavove Vlade ni Zakonodavno pravne komisije. Kolega Čampara jel imate još potrebu za diskusijom ili?

Poslanik/zastupnik Aljoša Čampara:

Nije mi jasno zašto nismo dobili ni stavove Vlade nit stav ZPK? Je li zato što sam ja predložio et zakone pa je to na nekoj ličnoj osnovi ili su to možda neki drugi razlozi, jer ja kao zastupnik imam pravo da predložim zakone. Zakoni su isti kao što ih je Vlada predložila. Dakle uopšte ne želim da problematiziram tu stvar, ali mislim da je bilo korektno da dobijem neko obavještenje i da se moji zakoni uvrste u proceduru kao što bi trebali od svakog zastupnika koji podnese zakone. Iz tog razloga sam evo postavio pitanje, malo mi je onako nejasno. A evo iskreno da vam kažem imalo čudno.

Predsjedavajući:

Zahvaljujem. Evo uvaženi zastupniče Čampara sada su mi javili da je Zakonodavno pravna komisija bilo je na dnevnom redu ZPK, međutim kao predlagač vi niste vjerovatno imali, odnosno niste se pojavili na toj sjednici ZPK, a kada nema predlagača i ne razmatra se tačka na samoj sjednici ZPK. To je ovo što imam informaciju, zaista. Kolegica Jasna Duraković ima pitanje. Kolega Poturak je za raspravu. Pa evo Jasna Duraković izvolite, imate riječ kolegice.

Poslanik/zastupnik Jasna Duraković:

Pa dobro jutro, zahvaljujem predsjedavajući. Naravno pozdravljam i vas i sve kolegice i kolege, tako i sve one koji prat današnji rad sjednice. Dakle ja se javljam po istom osnovu kao i kolega Čampara, za razliku od njega, ja jesam bila prisutna na sjednici ZPK, gdje sam i sama predložila izmjene i dopune Zakona o socijalnoj zaštiti. A evo vidim da to nije uvršteno na dnevni red, pa bih vas molila za neko obrazloženje. Da li, mislim da je Vlada imala dovoljno vremena da se izjasni po ovom prijedlogu, pa evo zanima me zašto nije došlo do toga. Hvala toliko.

Predsjedavajući:

Ja bih vas lijepo molio sve zastupnike da se vratimo na dnevni red. Razmatramo u skladu sa Poslovnikom članom 161 o prethodnom pitanju za utvrđivanje dnevnog reda na Zakon o izmjenama i dopunama Zakona o policijskim službenicima Kantona Sarajevo po hitnom postupku. Evo to možemo kroz poslanička pitanja i inicijative i naravno da će Vlada odgovoriti odnosno ZPK. Ili već ko bude trebao da odgovori. Kolega Poturak je tražio riječ za raspravu. Izvolite kolega Poturak imate riječ.

Poslanik/zastupnik Dževad Poturak:

Zahvaljujem predsjedavajući. Srdačno selamim i pozdravljam sve prisutne kao i one koji nas prate putem TV ekrana. Ja želim prokomentarisati da ovaj ponuđeni materijal Zakona o izmjenama dopuna Zakona o policijskim službenicima Kantona Sarajevo predstavlja kvalitetno usklađivanje određenih normi koje su do sada.

Predsjedavajući:

Kolega Poturak ja bih vas lijepo molio to je za raspravu. Kada usvojimo dnevni red ja bih vas lijepo molio. Govorimo samo o prethodnom postupku za donošenje Zakona po hitnom postupku. Raspravu o samom Zakonu ćemo kada dođe tačka na dnevni red. A sada govorimo o. Prethodni postupak.

Poslanik/zastupnik Dževad Poturak,

Ja želim samo reći da ovaj prijedlog se treba podržati i generalno pratiti cjelokupno stanje u vezi policijskih organa u Kantonu Sarajevo. Ništa više. Svakako ću komentarisati.

Predsjedavajući:

E OK, ostavite vašu diskusiju za kada budemo otvorili tačku dnevnog reda. Kolega Čampara izvolite.

Poslanik/zastupnik Aljoša Čampara:

Zahvaljujem predsjedavajući. Dakle sada vodimo raspravu o prethodnom pitanju odnosno da li zakone treba razmatrati po hitnom postupku. Ja mislim da su u potpunosti ispunjeni uslovi da raspravljamo zakone po hitnom postupku. Na žalost zbog određenog politikantstva i svega onoga što se radilo ovo smo mogli imati prije 3 mjeseca. Sada smo mogli imati i raspisane konkurse. Mislim da ima uslova za hitnost, prije svega što se radi o velikom broju policajaca koji nam nedostaju i što je Uprava policije jednostavno zakočena sada u svim procesima. I u procesima činovanja i unapređenja i prijema novih policijskih službenika. Mislim da su poslovnički i na svaki drugi način ispunjeni svi uslovi da se ovi zakoni razmatraju po hitnom postupku i ja se nadam radi naših građana i radi naše policije da će danas biti usvojeni po hitnom postupku. Zahvaljujem.

Predsjedavajući:

Zahvaljujem uvaženi zastupniče Čampara. Imamo li još nekoga prijavljenog za raspravu po hitnom postupku prethodno pitanje. Kolega Zvonko Marić. Kolega izvolite.

Poslanik/zastupnik Zvonko Marić:

Zahvaljujem. Pozdravljam sve prisutne, dame i gospodu, drugarice i drugovi. Poštovano gledatelje. Pa kao predsjednik Komisije za sigurnost Skupštine Kantona Sarajevo a i sudjelovao sam u ovoj radnoj grupi koja je radila izmjene i dopune Zakona o policijskim službenicima i MUP-u, smatram da moram reći da je postignuto jedno suglasje koje mi daje za pravo da kažem je potpuno opravdano da raspravljamo po hitnom postupku o ovim zakonima i da nema ni jedne zapreke da to uradimo. Na žalost, trebali smo to učiniti i mnogo ranije iz prostog razloga što upravo ono o čemu je gospodin Čampara govorio nije to samo zaposlenje ili popuna policijskog kadra, koji nedostatan u ovom trenutku i već duže vremena već i o činovanju policajaca. Dakle ti procesi svi su zaista u zastoju i ne doprinose bilo

kakvom dobrom ambijentu da bi policajci obavljali svoj posao na kvalitetan način. zato zdušno podržavam ovu inicijativu da se ovi zakoni razmatraju po hitnom postupku. U suprotnom zaista produžit ćemo vrijeme i onda potrošenih tri mjeseca ko zna još koliko itd. Ukoliko se upustimo u nešto što neće dati određene rezultate koji će doprinijeti efikasnosti rada policije i ako ne ulažemo u zdravlje ili sigurnost i onda ovo društvo nema šanse i zato i jesmo možda nesretno društvo jer ne vodimo računa o tome nego o nekim efemernim stvarima koje nisu bitne za građane. Hvala.

Predsjedavajući:

Zahvaljujem uvaženi zastupniče Mariću. Imamo li još nekoga prijavljenog za diskusiju? Konaković ne može da otvori, moramo mu ponovo proslijediti link za sjednicu. Ubrzo će doći kolega pa će proslijediti link. Pa će se moći uključiti uvaženi zastupnik Konaković. Ukoliko se više niko ne javlja za riječ, zaključujem raspravu.

Molim zastupnike da pristupe izjašnjanju da se **Prijedlog Zakona o izmjenama i dopunama Zakona o policijskim službenicima Kantona Sarajevo** donese po hitnom postupku.

Sekretara molim da napravi anketu i da glasamo u Viber grupi. Otvaram glasanje.

ZA JE GLASALO 32 ZASTUPNIKA, SUZDRŽANO I PROTIV nije bilo.

Konstatujem da je Skupština usvojila Prijedlog da se **Zakon o izmjenama i dopunama Zakona o policijskim službenicima Kantona Sarajevo** donese po hitnom postupku.

Također, u okviru prethodnog postupka imamo **Prijedlog Zakona o izmjenama i dopunama Zakona o unutrašnjim poslovima Kantona Sarajevo, po hitnom postupku.**

Ima li potrebe da predstavnik Predlagača obrazloži razloge donošenja ovog Zakona po hitnom postupku, iako su ova dva Zakona vezana. Možemo dati riječ uvaženom ministru Juski ako ne.

Ministar Ismir Jusko:

Apsolutno isto kao što je vezano i za prvi Zakon urgentnost donošenja po hitnom postupku i ovog drugog Zakona pošto su jedan i drugi povezani. Tako da nemam ništa dodati osim da je izuzetno bitno da se podrži i donošenje ovog Zakona po hitnom postupku. Zahvaljujem.

Predsjedavajući:

Zahvaljujem uvaženi ministre. Ima li pitanja? Ukoliko nema niko za pitanja otvaram raspravu. Ima li pitanja? Ukoliko se više niko ne javlja za riječ, zaključujem raspravu.

Molim zastupnike da pristupe izjašnjanju da se **Prijedlog Zakona o izmjenama i dopunama Zakona o unutrašnjim poslovima Kantona Sarajevo** donese po hitnom postupku.

Sekretara molim da napravi anketu a zastupnike molim da glasaju u Viber grupu. Zaključujem glasanje.

ZA JE GLASALO 32 ZASTUPNIKA, SUZDRŽANO I PROTIV nije bilo.

Konstatujem da je Skupština usvojila Prijedlog da se **Zakon o izmjenama i dopunama Zakona o unutrašnjim poslovima Kantona Sarajevo** donese po hitnom postupku.

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Na osnovu naprijed navedenog, Prijedlog dnevnog reda današnje, 29. Radne sjednice, glasi:

1. Poslanička/zastupnička pitanja, inicijative i odgovori;

2. Prijedlog Zakona o izmjenama i dopunama Zakona o policijskim službenicima Kantona Sarajevo-hitni postupak;
3. Prijedlog Zakona o izmjenama i dopunama Zakona o unutrašnjim poslovima Kantona Sarajevo-hitni postupak;
4. Prijedlog Zakona o izmjenama i dopunama Zakona o obrazovanju odraslih;
5. Prijedlog Odluke o davanju saglasnosti na prijedlog Sporazuma o rješavanju problema preduzeća KJKP "GRAS" d.o.o. Sarajevo ;
6. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za Projekat „Javni prevoz Sarajevo Dio 3“;
7. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta "Energetske efikasnosti-dodatno finansiranje" ;
8. Prijedlog Odluke o davanju saglasnosti na nacrt ugovora o prenosu prava vlasništva i posjeda bez naknade na Kanton Sarajevo na parceli označenoj kao k.č. 2152/33 površine 332 m² upisanoj u zk.ul. 22713 K.O. SP_Gornji Butmir što po novom premjeru odgovara parceli broj 2051/3, PL/KKU 1125 K.O. Stup u svrhu izgradnje Spomen obilježja ubijenim civilima Kasindolske ulice, koji će Zavod za izgradnju Kantona Sarajevo, kao Prenosilac, zaključiti sa Sticaocem nekretnine;
9. Prijedlog Odluke o davanju saglasnosti za potpisivanje ugovora o zamjeni nekretnina između Kantona Sarajevo i Omerbašić Nurije u skladu sa članom 23. Zakona o eksproprijaciji FBiH radi izgradnje dvocijevnog tunela „Kobilja glava“ - saobraćajnica I transverzala od granice sa Općinom Centar do kraja tunela u Vogošći (Omerbašić Nurija);
10. Prijedlog Odluke o usvajanju "Bilansa energetske potrebe Kantona Sarajevo za 2020. godinu";
11. Prijedlog Odluke o davanju saglasnosti na nacrt ugovora o kupoprodaji u stambenom objektu K-37, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Amel Ajdinović);
12. Prijedlog Odluke o davanju saglasnosti na nacrt ugovora o kupoprodaji u stambenom objektu B1-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcima nekretnine (Dautović Dženana i Sadik Dautović);
13. Prijedlog Odluke o davanju saglasnosti na nacrt ugovora o kupoprodaji u stambenom objektu B1-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcima nekretnine (Drinjaković Larisa i Drinjaković Gorica);
14. Prijedlog Odluke o davanju saglasnosti na nacrt ugovora o kupoprodaji u stambenom objektu K-36, izgrađenom u naselju Šip, općina Centar, Sarajevo, koje će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Buzar Benjamin);
15. Prijedlog Odluke o davanju saglasnosti na nacrt ugovora o kupoprodaji u stambeno – poslovnom objektu "O-2", izgrađenom u naselju Rosulje, općina Vogošća, Sarajevo, koji će Fond Kantona Sarajevo za izgradnju stanova za članove porodica šehida i poginulih boraca,

ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Plakalo Kemal);

16.Prijedlog Odluke o davanju saglasnosti na nacrt ugovora o kupoprodaji stana u stambeno-poslovnom objektu Niz B, Lamela B 3, izgrađenog u naselju Dobrinja V, općina Novi Grad Sarajevo, koji će Kantonalni stambeni fond Sarajevo, kao Prodavac, zaključiti sa kupcima stana Čaušević Nedim i Čaušević Nejra;

17.Prijedlog Odluke o davanju saglasnosti na nacrt ugovora o kupoprodaji u stambenom objektu B1-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Kepeš Jasmin);

18.Prijedlog Odluke o davanju saglasnosti na nacrt ugovora o kupoprodaji u stambenom objektu 3C, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Kahriman Paša);

19.Prijedlog Odluke o davanju saglasnosti na nacrt ugovora o kupoprodaji stana u stambenom objektu B1-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Mirvić Sanela);

20.Prijedlog Odluke o davanju saglasnosti na nacrt ugovora o kupoprodaji stana u stambeno – poslovnom objektu "O-2", izgrađenom u naselju Rosulje, općina Vogošća, Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Kaplan Salmir);

21.Prijedlog Odluke o davanju saglasnosti na nacrt ugovora o kupoprodaji stana u stambenom objektu 3C, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Polunić Nada);

22.Prijedlog odluke o davanju naziva saobraćajnici u izgradnji (I Transverzala) na području Općine Centar;

23.Prijedlog odluke o izmjeni naziva dijela-kraka ulice, odnosno preimenovanju dijela-kraka ulice na području Općine Vogošća;

24.Program rada Javne ustanove "Služba za zapošljavanje Kantona Sarajevo" Sarajevo za 2020. godinu

25.Program rada i Finansijski plan Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" za 2020. godinu;

26.Program rada i Finansijski plan Javne ustanove Terapijska zajednica – Kampus Kantona Sarajevo za 2020. godinu;

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Sekretara da napravi anketu. Otvaram glasanje i molim zastupnike da glasaju. Molim zastupnike da glasaju.

ZA JE GLASALO 25 ZASTUPNIKA, PROTIV niko i SUZDRŽANIH 4.

KONSTATUJEM DA UTVRDILI DNEVNI RED ZA 29. RADNU SJEDNICU SKUPŠTINE KANTONA SARAJEVO, KAKO JE I PREDLOŽEN.

Kao informativni materijal dostavljeno vam je:

- Izvještaj o korištenju sredstava Tekuće rezerve iz Budžeta Kantona Sarajevo za period od 01.01. do 30.06.2020. godine;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec juli 2020. godine;
- Informacija u vezi sa realizacijom Zaključka Skupštine Kantona Sarajevo broj: 01-04-20911-1/20 od 16.06.2020.godine, koju je pripremlilo Ministarstvo prostornog uređenja, građenja i zaštite okoliša Kantona Sarajevo;
- Informacija u vezi sa realizacijom Zaključka Skupštine Kantona Sarajevo broj: 01-04-20911-2/20 od 16.06.2020.godine, koju je pripremlilo Ministarstvo prostornog uređenja, građenja i zaštite okoliša Kantona Sarajevo;
- Izvještaj o provođenju Zakona o državnoj službi u Kantonu Sarajevo ("Službene novine "Kantona Sarajevo", broj: 31/16 i 45/19) u organima uprave i službama Kantona Sarajevo za 2019.godinu.

Prije izjašnjenja o zapisnicima i stenogramima imamo prijavljene zastupnike oko dnevnog reda. Kolegica Jasna Duraković, Vildana Bešlija, a ostalo su sve pitanja i inicijative. I nakon kolegica ćemo dati riječ i premijeru, i on je tražio riječ. Kolegica Duraković, izvolite, imate riječ.

Poslanik/zastupnik Jasna Duraković:

Zahvaljujem predsjedavajući. Pa evo ja se izvinjavam na prethodnoj preuranjenoj reakciji i dakle vezano je za dnevni red. I ponovo ću postaviti isto pitanje. Zašto nakon što je ustanovljen pravni osnov na Zakonodavno pravnoj komisiji nije uvršten na dnevni red Prijedlog Zakona o izmjeni Zakona o socijalnoj zaštiti i zaštiti civilnih žrtava rata i zaštiti porodica sa djecom koji sam uputila u proceduru i predložila i evo prošlo je dovoljno vremena da se Vlada o istom izjasni. Evo to me zanima, hvala vam.

Predsjedavajući:

Kolegica Vildana Bešlija imate riječ kolegice. Kolegice ako vi niste spremni, Damir Marjanović je također tražio prijavu za dnevni red.

Poslanik/zastupnik Vildana Bešlija:

Oprostite evo spremna sam. Izvolite, imate riječ. Iako ne vidim razloga (nerazumljivo) moja reakcija s obzirom da je dnevni red usvojen, ja sam se javila prilikom rasprave, odnosno da postavim pitanja u vezi usvajanja samog usvajanja dnevnog reda jer me konkretno, i naravno nisam glasala za usvajanje dnevnog reda, kao što mislim da nisu ni moje kolege, zato što ste ignorisali činjenicu da sam se javila i to po pitanju zaključaka koji stoje na čekanju, odnosno nisu realizovani, a radi se o nečemu što sam pokrenula 28. Jula. Znači, zašto Ministarstvo za obrazovanje, nauku i mlade Kantona Sarajevo nije pripremlilo Nacrt Zakona o visokom obrazovanju, kada je još 28.jula Skupština Kantona usvojila zaključke kojim se predložila i prema kojima je to trebalo biti tačka na prvoj redovnoj sjednici Skupštine. Ovo je podsjećam druga redovna sjednica Skupštine od 28. Jula. Također me zanima zašto nije na dnevnom redu sjednice tačka o stanju prostornog uređenja, građenja, te zaštite šuma naprostoru planina Bjelašnica i Igman. Napominjem također da je Skupština Kantona 28.jula usvojila zaključak da ova informacija bude na prvoj narednoj redovnoj sjednici. Također ovo je druga redovna sjednica. I za ovu Informaciju se obavezala Vlada Kantona Sarajevo, resorna Ministarstva, Kantonalna uprava za inspeksijske poslove kao i općine Trnovo, Ilidža i Hadžići. Zamolila bih da se odgovori zašto se Skupština već drugu redovnu sjednicu ignoriše, zašto odluke Skupštine ne dolaze na realizaciju, zašto Vlada ne postupa i rukovodstvo Skupštine prema njima? Hvala vam.

Predsjedavajući:

Rukovodstvo Skupštine je uputilo svakako dva prijedloga urgencije vezano za realizaciju zaključaka od strane Skupštine, tako da je rukovodstvo Skupštine uradilo svoj dio posla za Zakona koje su predložili ranije zastupnici, nismo dobili od materijala da bi razmatrali na Kolegiju, odnosno na Skupštini Kantona Sarajevo. Prethodno pitanje je da se riješe mišljenja kako Ureda za zakonodavstvo i ostalih resornih ministarstava koji su nadležni za provođenje tog Zakona. Tako kada se stvore uslovi za realizaciju tog zaključka, odnosno Zakona, mi ćemo svakako kao rukovodstvo Skupštine donijeti ispred Kolegija i te tačke će vjerovatno biti usvojene da idu na sjednicu Skupštine Kantona Sarajevo. Premijeru vi ste tražili riječ, izvolite.

Premijer Mario Nenadić:

Jesam predsjedavajući, dobro jutro vama, dopredsjedavajućim, zastupnicama i zastupnicima, te članovima Vlade i građanima Kantona Sarajevo. Ja sam imao jedan prijedlog obzirom da sam se prethodno informirao da nije u suprotnosti sa Poslovnikom o radu Skupštine. Naime, kako je jedna od tačaka usvojenog dnevnog reda danas materijal vezan za Gras, moj je prijedlog da se tačka 5. Usvojenog dnevnog reda danas razmatra kao tačka 1. dakle, Sporazum o rješavanju problema u poslovanju preduzeća KJKP Gras d.o.o. Sarajevo a razlozi za takav prijedlog su problemi, nagomilani problemi u Grasu i činjenica da bi bilo jako važno donijeti danas zaključke vezano za Gras i za ovaj Sporazum jer je sedmica u kojoj jesmo važna i zbog nabavke energenata obzirom da evo u Informaciji ćemo čuti ako se prijedlog i usvoji i ne usvoji, svakako ćemo čuti da je zaustavljeno poslovanje Grasa, da su blokirani računi u Upravi za indirektno oporezivanje i u Poreskoj upravi i u korespondentnoj banci. Da su problemi sa tim uzrokovani i problemi sa nabavkama goriva i drugih energenata. I obzirom da se ovdje radi o prijedlogu stabilizacije stanja i rješavanju ovih urgentnih potreba, moj je prijedlog ukoliko je moguće da se kao tačka 1 danas rješava pitanje Grasa. Hvala.

Predsjedavajući:

Zahvaljujem premijeru. Međutim, mi ćemo prvo morati usvojiti zapisnike sa stenogramima pa ćemo svakako dati riječ uvažanim zastupnicima koji su se prijavili ali evo, prije nego što pređemo na realizaciju prve tačke dnevnog reda obavezni smo da razmatramo Zapisnik sa stenogramom sa 25. Radne sjednice, koji vam dostavljen uz poziv za sjednicu.

Imate li primjedbi na prijedlog zapisnika sa 25. Radne sjednice?

a)

Ukoliko nemate molim vas da se izjasnite o Zapisniku sa 25. Radne sjednice Skupštine Kantona Sarajevo.

Molim sekretara da napravi anketu a kolegice i kolege zastupnike da glasaju u Viber grupi. Otvaram glasanje. Molim zastupnike koji nisu glasali da to učine u Viber grupi,. Zaključujem glasanje.

ZA je glasalo 29 zastupnika, PROTIV i SUZDRŽANIH nije bilo.

Konstatujem da je Skupština potvrdila Zapisnik sa 25. Radne sjednice Skupštine Kantona Sarajevo održane 18, 19 i 21.05.2020. godine.

Tražio je prvo dopredsjedavajući Vibor Handžić riječ. Nakon dopredsjedavajućeg Handžića, kolega Čampara, samo molim vas da ispravite ovo replika, da tražite poslovničku intervenciju. Evo ispravio je. I kolegica Jasna Duraković je tražila također riječ, pa idemo tim redoslijedom.

Dopredsjedavajući Vibor Handžić.

Zahvaljujem predsjedavajući. Da li se čujemo, vidimo? OK. Zahvaljujem što ste mi dali riječ. Dobar dan svima pošto se javljam prvi put. Naravno da je tačka 5 o kojoj premijer govori u

uvodnom izlaganju jako važna, s tim se apsolutno i slažem i naravno da je danas treba razmatrati i usvajati. Međutim imam jako loše iskustvo sa 27. Radne sjednice kada su tačke pomjerena pa ona nikada do danas nije nastavljena i pitam zašto se ovo radi, jel imamo namjeru prekidati sjednicu pa ne završavati kompletan dnevni red, jer ne vidim problem da kompletan dnevni red iscrpimo u toku današnjeg dana. Eto zahvaljujem.

Poslanik/zastupnik Aljoša Čampara:

Zahvaljujem predsjedavajući. Da li se čujemo? OK. Vrlo kratko. Ja se u potpuno slažem sa uvaženim primjerom i mislim da je njegova namjera sigurno dobra, ali isto tako pored pitanja kao što je Gras koje je jako važno mislim da su dva Zakona vezano za policiju u Kantonu Sarajevo jako važna i jako bitna i ja mislim da ćemo izgubiti možda 10 minuta na ove zakone obzirom da smo jednoglasno svi glasali za proceduru i mislim da nema potrebe za pomjeranjem tačaka. Posebno što imamo jedno ružno iskustvo da smo prekidali sjednice onako kako nekome odgovara vezano za tačke. Mislim da bi na taj način narušili i Poslovnik i prekinuli eventualno sjednicu a da ne bi smo ove zakone donijeli. Iz tog razloga ja neću moći podržati ovu inicijativu uvaženog premijera. Mislim ukoliko svi budemo radili i koristili racionalno svoje vrijeme da možemo stići sve uraditi. 20 minuta ništa ne znači za Gras. Imali smo evo 30 godina, pa prema tome mislim da za ovih 20 minuta stvarno ništa nećemo primijeniti. Peta je tačka, tako da će sigurno doći na dnevni red. Hvala.

Poslanik/zastupnik Jasna Duraković:

Zahvaljujem predsjedavajući. Evo ja sam imala ispravku krivog navoda jer ste maločas rekli da vam materijali za ove predložene zakone nisu došli na vrijeme. Ja vas moram demantovati jer ja znam da sam lično uputila ovo prije gotovo 3 sedmice u proceduru, tako da me evo zaista ne razumijem zašto to nije moglo biti uvršteno na dnevni red, pa voljela bih čuti možda odgovor od premijera ako je to dakle ako je to mogućnost. To bih vas voljela demantovati mislim da niste u pravu kada kažete da niste dobili materijale. To je apsolutno netačno.

Predsjedavajući:

Kolegice Duraković, ja nisam rekao da nisu došli materijali. Vi me niste očito čuli. Možda ste reagovali preuranjeno. Ali ja vam kažem procedura za donošenje bilo kojeg Zakona je prethodno potrebno dostaviti mišljenja. Ja kao predsjedavajući sam dobio materijale i u skladu s Poslovnikom prosljedio Vladi i Zakonodavno pravnoj komisiji. Znači ZPK i Vlada kada dostave i kada vi kao predlagač dostavite sva potrebna mišljenja Ureda za zakonodavstvo, Ministarstva finansija, pravde i uprave, i resornog Ministarstva, tada može Skupština odnosno Kolegij dobiti materijale i da razmatra materijale da li mogu ići na Skupštinu. Ja nisam kazao da vi niste dostavili materijal ali nije skupštinska procedura samo da se dostavi na protokol na ruke predsjedavajućeg i da ide na Skupštinu. Svi zakoni, bilo ko da predlagač ili zastupnik ili Vlada moraju imati mišljenja Ured za zakonodavstvo. I vas prijedlog je prosljedjen i sekretar Skupštine je prosljedio sve te materijale Uredu za zakonodavstvo kako bi se i Ured očitovao. Znači nije do rukovodstva Skupštine niti do bilo koga. Kada materijali budu pripremljeni, mi ćemo svakako vama prosljediti sve te materijale i svakako našim uvaženim kolegicama i kolegama.

Premijeru da li ostajete pri vašem prijedlogu da damo na glasanje? Premijeru da li se čujemo? Imate riječ premijeru.

Premijer Mario Nenadić.

Ništa, ja sam naveo razloge zbog kojih sam smatrao da je danas posebna situacija u Grasu, obzirom da evo i druge institucije koje također zavise od usvajanja Zakona hajde da kažem funkcionišu kako –tako u ovom času, naravno u otežanim uslovima, zato zakoni i jesu predviđeni da ih se unaprijedi. Gras je zaista u jednom potpuno složenoj situaciji, kompletan Gras je blokira, to nam prije zaustavljanje saobraćaja i ostalo. Međutim, ukoliko smatramo da

ćemo mi to u nekom brzom roku jutros, evo kako su zastupnici i govorili realizirati, ja s tim nemam problem, tako da.

Predsjedavajući:

Molim sekretara da napravi anketu i da damo prijedlog uvaženog premijera Nenadića na glasanje. A to je da se tačka 5. Razmatra kao tačka 1. A sve ostale tačke da budu razmatrane po redosljedu kako sam i pročitao za dnevni red. Evo molim trenutak da sekretar samo napravi anketu. Otvaram glasanje, izvolite glasati u Viber grupu. Zaključujem glasanje. Za je glasalo 16 zastupnika, protiv 11, suzdržanih je bilo 7.

Konstatujem da nismo usvojili prijedlog zaključka premijera da se tačka 5. Razmatra kao tačka 1.

Prelazimo na realizaciju tačke 1.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

I to redosljedom, uvaženi zastupnik Čampara je prvi.

Poslanik/zastupnik Aljoša Čampara:

Zahvaljujem predsjedavajući. Da li se čujemo? Ja imam inicijativu.

U svjetlu navedenih događaja koji se odnose na koruptivne aktivnosti određenog broja policijskih službenika Uprave policije MUP-a Kantona Sarajevo te činjenice da je javnost smatra da je u policiji i te kako primjetan ovaj vid nedozvoljenog postupanja policijskih službenika, naročito policijskih službenika koji rade u patrolama, podnosim sljedeću inicijativu.

Da se izvrši prioritarna nabavka kamera za snimanje aktivnosti policijskih službenika koje se nose na odgovarajućim dijelovima policijske uniforme (body-worn camera) kao i pripadajuća oprema neophodna za funkcionisanje cjelokupnog sistema (licencirani softver, odgovarajući nosač, sistem za pohranu podataka i sl.) za potrebe Uprave policije Ministarstva unutrašnjih poslova Kantona Sarajevo., te da se Vlada Kantona Sarajevo obaveže da obezbijedi novčana sredstava za realizaciju navedene nabavke.

Svi ćemo se složiti da je poboljšanje standardna rada u Upravi policije te zakonit i transparentan rad policijskih službenika prioritet, te se navedenim postupanjem doprinosi uspostavi nepristrasne, depolitizirane i prije svega odgovorne policije te stvaranje čvršćih veza sa zajednicom i unapređenje ambijenta međusobnog povjerenja građana i policije. Nadalje, kako je za korupciju potrebno dvoje, smatram da će ova inicijativa doprinijeti i većoj zaštiti policijskih službenika obzirom da neće biti opterećeni eventualnim lažnim i neosnovanim prijavama za koruptivne aktivnosti te će i građani koji eventualno nude mito biti adekvatan procesuirano. Korupcija u policiji je devijacija protiv koje je neophodno boriti se svim snagama, te bi se usvajanjem ove inicijative postiglo niz pozitivnih efekata i doprinijelo u efikasnoj borbi protiv korupcije i omogućilo lakše dokazivanje iste. Zahvaljujem.

Predsjedavajući:

Zahvaljujem uvaženi zastupniče Čampara. Kolegica dopredsjedavajuća Kristić ima riječ. Kolegice da li ste spremni? Dopredsjedavajuća Kristić? Hajte da damo riječ uvaženom zastupniku Marjanoviću a kolegica Kristić kada bude online mi ćemo joj dati odmah riječ. Kolega Marjanoviću da li ste vi spremni?

Poslanik/zastupnik Damir Marjanović.

Zahvaljujem predsjedavajući. Vjerujem da me čujete. Bit ću veoma kratak. Imam set pitanja za Ministarstvo obrazovanja, nauke i mladih Kantona Sarajevo.

Zahtijevam pismeni odgovor i na jedno usmeni. Znači pismeno da me obavijeste da mi daju informaciju o realizaciji zaključaka sa tematske sjednice o obrazovanju koja se desila u oktobru 2019 da vidimo gdje smo i što smo sa tim.

Druga, u kojoj fazi je realizacija kurikularne reforme? Treća u kojoj fazi je uspostavljene Instituta za douniverzitetsko obrazovanje?

Ono što me usmeno zanima jeste Kada će biti realizirana raspodjela sredstva za znanstveno istraživačke projektima po javnom pozivu objavljenom 12.06.2020, za sada nemamo nikakvu informaciju po tom pitanju?

Vezano za zdravstvo zanima me usmeno Ministarstvu zdravstva pitanje U kojoj fazi je proces realizacije zaključaka sa sjednice od 25.08.2020.godine?

I ako mi dozvolite samo ću da dam jednu najavu, ovo će biti inicijativa koja je već otišla jutro prema vama. Kolegica Danijela i ja smo pokrenuli inicijativu za sazivanje Hitne sjednice vezano za usvajanje izmjene Zakona o visokom obrazovanju. Vjerujem da ste dobili u petak informaciju koja je došla od Ureda za zakonodavstvo Kantona Sarajevo koja je ukazala na određene administrativne neću reći nepravilnosti, daleko od toga, nego nepreciznosti, tako da smo mogli zaključiti da je ova tačka možda s velikom vjerovatnoćom mogla da bude na ovoj sjednici, no međutim, desilo se što se desilo. Nema nikakvog zamjeranja, srećom možemo to ispraviti vrlo brzo, tako da vjerujem da i kolege to očekuju, a i javnost to očekuje od nas da u toku ove sedmice imamo hitnu sjednicu po pitanju ovog Zakona, jer sljedeći ponedjeljak počinje nova akademska godina. Zahvaljujem se.

Predsjedavajući:

Zahvaljujem uvaženi zastupniče. Da li je uvažena kolegica Kristić sada spremna?

Dopredsjedavajuća Danijela Kristić.

Spremna sam. Da li me čujete sada? Zahvaljujem predsjedavajući. Pozdravljam sve kolegice i kolege, kao i gledaoce kraj malih ekrana. Ja imam jedan zaključak ispred Kluba zastupnika Naroda i pravde, Kluba zastupnika Naše stranke, zastupnika SDP-a BIH i zastupnika NBL i Samostalnih zastupnika.

Na osnovu člana 117. i 120 Poslovnika Skupštine Kantona Sarajevo, predlažem da Skupština Kantona Sarajevo donese sljedeće zaključke:

1.Zabranjuje se Vladi Kantona Sarajevo i resornim ministarstvima davanje saglasnosti za prijem u radni odnos uposlenika na određeno i neodređeno vrijeme, za zaključivanje ugovora o djelu i ugovora o privremenim i povremenim poslovima u organima uprave Kantona Sarajevo, zavodima, direkcijama, agencijama, upravnim organizacijama, pravnim licima sa javnim ovlaštenjima na teritoriji Kantona Sarajevo, javnim preduzećima i javnim ustanovama čiji je osnivač Kanton, budžetskim i vanbudžetskim fondovima, te u privrednim subjektima u kojima Kanton učestvuje sa najmanje 50% ukupnog kapitala.

2.Nalaže se svim subjektima iz tačke 1. Zaključaka da obustave sve aktivnosti na izmjenama i dopunama osnivačkih akata i pravilnika o organizaciji i sistematizaciji radnih mjesta. Također se nalaže obustavljanje internih premještanja zaposlenika unutar ustanova, preduzeća, organa uprave i ministarstava.

3.Iz tačke 1. Zaključka izuzimaju se odgojno – obrazovne, visokoškolske ustanove, zdravstveni radnici u zdravstvenim ustanovama, Uprava policije, Ured za borbu protiv korupcije i upravljanjem kvalitetom Kantona Sarajevo za hitna i opravdana zapošljavanja uz obaveznu prethodnu saglasnost Vlade Kantona Sarajevo. Izuzima se i zapošljavanje preko programa Službe za zapošljavanje KS.

4.Iz tačke 1. Zaključaka izuzimaju se subjekti koji su već dobili saglasnost Vlade za prijem uposlenika na određeno vrijeme gdje postoji opasnost da bi zbog započetih poslova u procesu rada isticanjem ili prekidom ugovora na određeno vrijeme mogle nastupiti veće štete za predmetnog subjekta.

5.Subjekti navedeni u tački 1. Zaključaka obavezuju se da odmah i bez odlaganja ponište

javne konkurse za prijem u radni odnos koji su u toku, kao i da obustave prijem u radni odnos bez javnog konkursa, a sve prema ranije dobivenim saglasnostima nadležnog organa.

6. Obavezuje se Vlada Kantona Sarajevo, nadzorni i upravni odbori, ovisno o nadležnosti, da ponište pokrenute konkursne procedure i obustave sve dalje postupke razrješenja, izbora i imenovanja direktora i članova Uprava, Upravnih i Nadzornih odbora javnih subjekata iz tačke 1. Zaključka.

7. Zaključci stupaju na snagu danom donošenja i primjenjivat će se 90 dana, ukoliko Skupština drugačije ne odluči.

8. Obavezuje se Vlada Kantona Sarajevo da putem resornih ministarstava odmah pristupi realizaciji prethodno navedenih zaključaka i da o tome obavijesti Skupštinu Kantona Sarajevo.

Ja imam još dva zaključka, ali obzirom da vjerovatno nemam vremena, poslat ću ih sekretarki pa ću moliti također da se Skupština izjasni o njima. A sva pitanja i inicijative također ću dostaviti nadležnim službama.

Predsjedavajući:

Zahvaljujem uvažena dopredsjedavajuća. Poturak Dževad je sljedeći. Izvolite.

Poslanik/zastupnik Dževad Poturak:

Zahvaljujem predsjedavajući. Ja za danas imam dvije inicijative. Prvu inicijativu podnosim Ministarstvu komunalne privrede i infrastrukture Kantona Sarajevo koja se odnosi na problem kvara velikog kolektora kanalizacione cijevi u Azićima, konkretno na potezu ulice Bojnička a koji datira više od godinu dana. Veliki broj domaćinstava bukvalno se nalazi i plovi u kanalizaciji, te da navedeno može dovesti do opasnih oboljenja i posljedica za građane Kantona Sarajevo. A posebno u vidu trenutnog stanja i pojave pandemije korona virusa. Također, uslijed navedenog problema nije isključena mogućnost totalnog oštećenja stambenih objekata na navedenom lokalitetu gdje kolektor pravi ogromne probleme. Želim da napomenem da sam kao zastupnik za vrijeme prošlog saziva Vlade Kantona Sarajevo ministru ministarstva komunalne privrede i infrastrukture Kantona Sarajevo Srđanu Mandiću u više navrata upućivao molbe da se ovaj problem riješi, međutim ministarstvu na čelu sa gospodinom Mandićem je to odugovlačilo (snimak loš) iz mjeseca u mjesec i taj problem se nije riješio. Također uprkos mojim molbama i upozorenjima dobio sam tople pozdrave bivšeg ministra Mandića sa riječima, citiram: „Neka mi to završi budući ministar resornog ministarstva“. Takav odnos ministra je zaista poražavajući te pokazuje opasan vid nebrige za svoje sugrađane u Kantonu Sarajevo. Za vrijeme trenutnog saziva Vlade Kantona Sarajevo i resorne ministricе Nihade Glamoč, tokom cijelog ljetnog perioda i mojih inicijativa, za popravak kolektora, ministrica je saslušala moju inicijativu te su uposlenici nadležnog komunalnog preduzeća izašli na lice mjesta, ali su samo otkopali mjesto gdje se nalazi kolektor i odmah to isto mjesto zatrpali bez uopšte bilo kakvog pokušaja da izvrše popravku kolektora i tako spase građane od štetnih dejstava kanalizacije i opasnih hemijskih sastojaka. Čak su uposlenici preduzeća kazali da nemaju namjeru da riješe ovaj problem. Do dana današnjeg ništa ne ukazuje na to da će doći do popravke ovog kolektora i rješavanje ovog problema. A svjesni smo da dolazi jesen i velike kiše. A zatim i zima, te samim tim mnogo veći problem za stanovnike tog područja Kantona Sarajevo. Stoga tražim od ministricе Nihade Glamoč da nađe način da ovaj problem riješi. Ja očekujem hitnu reakciju da već koliko je sutra ekipe izađu na teren i otklone ovaj kvar.

Moja druga inicijativa jeste prema Ministarstvu kulture i sporta Kantona Sarajevo za potrebu izmjena i dopuna Zakona o sportu Kantona Sarajevo sa ciljem propisivanja prava na naknadu za ostvarene vrhunske sportske rezultate sportistima koji su osvojili medalje na olimpijskim i grama ili paraolimpijskim igrama, kao i na svjetskim prvenstvima u olimpijskim sportovima ili na svjetskom seniorskom prvenstvu u paraolimpijskim sportovima kao i na svjetskim

prvenstvima u sportovima koji nisu na programima olimpijskih igara, priznati od Međunarodnog olimpijskog komiteta. Ovakav vid izmjena i dopuna Zakona bi predstavljao motivaciju za mlade osobe u Kantonu Sarajevo da se bave sportom, jer bi time znali da u slučaju ostvarenja vrhunskih rezultata imaju osiguran vid satisfakcije i pažnje zbog navedenog. Zahvaljujem predsjedavajući.

Predsjedavajući:

OK, hvala vam kolega Poturak. Uvažena zastupnica Bešlija Vildana ima riječ.

Poslanik/zastupnik Vildana Bešlija:

Hvala predsjedavajući. Prvo bih tažila usmeni odgovor za inicijativu koju sam podnijela 01.09. a vezano je za početak školske godine. Da li je Vlada u saradnji sa ministarstvom obrazovanja nauku i mlade i ministarstvom za rad i socijalnu politiku Kantona Sarajevo poduzela aktivnosti u svrhu pronalaženja rješenja za besplatno korištenje Interneta uz odgovarajuće uslove za praćenje nastave za djecu socijalno ugroženih kategorija. Npr. omogućavanje korištenja sigurnih prostora za učenje Udruženja građana, Centara za kulturu, biblioteke i slično. Kroz određene subvencije samohranim majkama u socijalnoj potrebi i slično. S obzirom da je danas 28 dan od početka školske godine, te kako nisam dobila odgovor na pokrenutu inicijativu molim da mi se usmeno odgovori da li su obezbijedeni jednaki uslovi za pohađanje online za svu djecu u Kantonu Sarajevo? Također za ostale inicijative tražim pismeni odgovor, da li je izvršena proljetna faza sistematske deratizacije na području Kantona Sarajevo propisana Programom mjera obavezne preventivne sistematske deratizacije za period 2020-22, a koja je predviđena da se vrši u periodu od 01.04. do 30.05.. ovo pitanje sam postavljala i ranije, odgovoreno mi je prije nekih mjesec dana možda da nije izvršena, što znači da kasnimo. Također me zanima da li su izvršene sve pripreme za obavljanje jesenje deratizacije na području Kantona Sarajevo koja je predviđena da se vrši u periodu od 01.10 do 30.11.2020.godine. Također da li je Vlada Kantona Sarajevo i ministarstvo zdravstva Kantona Sarajevo da li su formirali koordinaciono tijelo sastavljeno od stručnjaka iz oblasti mentalnog zdravlja koji bi ponudili preporuke i neophodne mjere u očuvanju mentalnog zdravlja za Kanton Sarajevo? Napominjem da su Vlada i Ministarstvo zdravstva Kantona Sarajevo obavezani zaključkom Skupštine da to urade. U kojoj fazi je realizacija usvojenog zaključka? Molim da navedete aktivnosti koje su poduzete u proteklom periodu po ovom pitanju? Također me interesuje koje su aktivnosti poduzete u svrhu realizacije džender akcionog plana Kantona Sarajevo za period 2019-.2022. ovo pitanje sam također postavila u junu mjesecu, do dana današnjeg nisam dobila odgovor. S obzirom da već ulazimo u zadnje tromjesečje 2020 godine molim da mi se što hitnije odgovori po ovom pitanju pismeno. Hvala vam.

Predsjedavajući:

Zahvaljujem uvažena kolegice Bešlija. Ja bih vas lijepo molio sekretar Skupštine je uputio jednu poruku na viber grupu da mail službeni ne radi pa molim da šaljete na mail koji je predložila skupstina@skupstina.ks.gov.ba sve vaše zastupničke inicijative i prijedlog zaključaka.

Kolegica Admela Hodžić je tražila pauzu od pola sata i na osnovu člana 93. Poslovnika dajem pauzu pola sata.

NASTAVAK NAKON PAUZE

Predsjedavajući:

Evo samo TVSA da kažu da su spremni za nastavak i možemo krenuti. TVSA jel OK?

Zahvaljujem. Nastavljamo sa radom. Kolegica Amra Hasagić je sljedeća. Kolegice Hasagić da

li ste spremni?

Poslanik/zastupnik Amra Hasagić:

pozdravljam rukovodstvo Skupštine, kolegice i kolege, članove Vlade, kao i Smiljana Viteškić eone koji na bilo koji način prate rad današnje sjednice. Ja upućujem inicijativu Ministarstvu saobraćaja Kantona Sarajevo da se u ulici Blagovac 1, MZ Blagovac, opština Vogošća izvrši postavljanje saobraćajnih znakova kojim se ograničava brzina kretanja motornih vozila kao i da se izvrši postavljanje horizontalnih usporivača brzine na dvije ili više tačaka duž navedene ulice. Hvala vam puno.

Predsjedavajući:

zahvaljujem uvažena zastupnice Hasagić. Kolegica Duraković je sljedeća. Kolegice Duraković imate riječ.

Poslanik/zastupnik Jasna Duraković:

zahvaljujem predsjedavajući. Nadam se da se čujemo. Evo ja ću pokušati biti vrlo kratka pošto imam nekoliko pitanja za Ministarstvo obrazovanja i nauke i pitanje koje upućujem premijeru Nenadiću. Naime, ja sam prije tri sedmice uputila jedan zaključak, prijedlog zaključka i tražila sam izjašnjenje Vlade Kantona Sarajevo prije izjašnjavanja Skupštine Kantona Sarajevo. Međutim, nisam dobila nikakav odgovor u međuvremenu. Ali evo ja bih da pročitam zaključak ako se slažete.

Dakle prijedlog je da se izmijeni Odluka Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu (broj 02-05-19288-9/09 od 11.06.2009), te da se u navedenu odluku uključi oslobađanje od troškova studija (uključujući školarinu prilikom upisa odgovarajuće godine prvog ili drugog ciklusa studija prvi put, upisne materijale, te prijavu i odbranu završnog rada) po osnovu pripadanja određenoj ranjivoj kategoriji društva (studenti iz porodica šehida i poginulih boraca, studenti iz kategorije djece bez roditeljskog staranja, odnosno studenti koji su u sistemu alternativne brige o djeci bez roditelja, studenti s poteškoćama u razvoju i sa invaliditetom i studenti iz socijalno ugroženih porodica).

Dakle ovi studenti trenutno nemaju navedeni tretman. Navedenom izmjenom odluke Vlada Kantona Sarajevo pokazuje se neophodna društvena odgovornost, osjetljivost i razumijevanje za studente iz ranjivih kategorija društva kojima se omogućava studiranje pod jednakim uslovima kao i studentima koji su materijalno bolje situirani a što je u skladu s alinejom e) člana 88 Zakona o visokom obrazovanju Kantona Sarajevo kojom se garantuje ravnopravnost u pogledu uslova studija i tretmanu u visokoškolskoj ustanovi. Voljela bih čuti šta premijer može reći za ovo. Da li da idemo da se izjašnjava danas Skupština ili na narednom redovnom zasjedanju. Evo to ću ostaviti njemu.

Sljedeći set pitanja upućujem ministru obrazovanja i nauke.

Već je kolega Marjanović postavio pitanje pa bih se ja samo nadovezala kada će komisija za kurikularnu reformu završiti s radom? Možete li opisati način tj postupak biranja članova ove komisije, po kojim kriterijima su birani? I da li se komisiji plaća naknada za rad po završenom sastanku ili po sjednicama komisije? Koliko je komisija do sada imala sjednica? I još nekoliko pitanja vezano za rješenje koje je Ministarstvo izdalo za imenovanje komisije za izradu Okvirnog plana i programa za predškolski odgoj i obrazovanje za djecu sa poteškoćama u razvoju i revidiranog nastavnog plana i programa za radno osposobljavanje djece sa poteškoćama u razvoju. Obje za Centar, odgoj i rehabilitaciju Vladimir Nazor. Komisije su završile sa radom prije roka ali ova dva plana i programa još uvijek čekaju na žalost i time otežavaju rad djeci i instituciji. Mene zanima od ministra zašto i ubog čega i da li vi možete garantovati da ovaj dokument ovdje autentičan samo za Kanton Sarajevo jer je dosta preuzeto iz zemalja regiona? Zanima me koliko je novaca izdvojeno za rad ove višočlane radne grupe i to u vrijeme kada su mnogi ljudi ostajali bez posla zbog

pandemije korona virusa. Molim vas da mi date usmene odgovore. Hvala vam.

Predsjedavajući:

zahvaljujem uvažena zastupnice Duraković. Sljedeći je zastupnik Stojanović, ukoliko je još uvijek Stojanović, Igor.

Poslanik/zastupnik Igor Stojanović:

predsjedavajući uspio sam zadržati prezime. Hvala lijepo. Ja ću krenuti odmah pošto imam mnogo pitanja i inicijativa. Prvo pitanje i inicijativa je usmjerena ka ministru kulture i sporta odnosno cijeloj Vladi. Podnosim inicijativu za jednokratnu pomoć KK Bosna u iznosu od 2 miliona KM. Ovo je prilika da svi, pogotovo svi zastupnici i ministri u Vladi Kantona Sarajevo, koji često pričaju o patriotizmu dokažu svoju patriotizam na KK Bosna. Posljednjih sedam godina Dodikova Igokea predstavlja BIH u Jadranskoj ligi a Bosna već 13 godina nije igrala ligu. I Dodikova Igokea ne nosi čak ni zastavu Bih na svojim dresovima. Dosta nam je priče o referendumima, priče o tome kako Dodik ruši državu. Ovo je prava prilika i pravi patriotizam da se pokaže da mi možemo na bazi tradicije izgraditi jači klub, jači brend i braniti boje BIH bolje, mi iz Sarajeva koji som to dokazivali prije 40 godina, da tako možemo i sada jače dokazati od Milorada Dodika i od Igokee.

Također, prije godinu i po dana podnio sam inicijativu za tematsku sjednicu o KK Bosna kako bi se trajno riješio ovaj status. Na Kolegiju smo dogovorili da ta sjednica ide pod sjednicom o kompletnom sportu na nivou Kantona Sarajevo. Nikada se nije desila. Ja također ne mislim da KK Bosna treba da bude dio priče o kompletnom sportu. Tražim ponovo tematsku sjednicu o KK Bosna kako bi konačno donijeli pravo rješenje i kako ne bi dalje uništavali tradicionalne vrijednosti Sarajeva i BH.

Jš također pitanje koji bi volio usmeni odgovor od ministra sporta, dobio je zahtjev od Rukometne reprezentacije gluhih koja bi trebala da nastupi na Europskom prvenstvu u rukometu u Hrvatskoj. Mene zanima da li će on udovoljiti njihovim molbama s obzirom da su se ljudi prijavili, čak su skupili nešto novca. Zanima me da li će ih ministar podržati za njihov nastup na EU. Dakle Rukometna reprezentacija gluhih BIH.

Također pitanje vezano za ministara obrazovanja. Odnosi se na JU Djeca Sarajeva. Zašto je ministar poništio regularni javni poziv za UO iz februara kada se prijavilo dovoljno kandidata za UO? Sproveo se konkurs za direktora, zašto do danas nije regularno izabran UO sedam mjeseci i jel znamo da je ministar imenovao svoje ljude u UO, oni su pravili konkurs. Nakon toga je došla inspekcija, kako je dozvolio da UO poslije upozorenja inspekcije nastavi sa konkursom za direktora, a sigurni smo da i Ministarstvo dobija zapisnike Prosvjetne inspekcije i nakon toga UO je također dobio i kaznu kao JU, međutim nastavili se bez obzira na upozorenje inspekcije sa imenovanjem direktora i zašto je on, sam znajući za upozorenje od strane inspekcije, predložio direktora na Vladi koji kako se iz rješenja može vidjeti uopšte ne ispunjava uslove propisane konkursom? I moje posljednje pitanje vezano za DZ.

Predsjedavajući:

samo vrijeme-. Već smo vam dali 3,5 minute. Malo požurite kolega.

Poslanik/zastupnik Igor Stojanović:

samo za Domove zdravlja. Zanima me zašto se i dalje plaćaju komisije i to u administraciji a ne za radnike u DZ, kada je donošena odluka Vlade da se ni jedno više tijelo za vrijeme korone zbog finansijske situacije ne plaća, zašto se troši više sredstava. To je pitanje za Vladu, pošto nema ministra zdravstva da mi odgovori da li ima nedostatka materijalnih sredstava u DZ? Eto toliko hvala.

Predsjedavajući:

evo ja ću iskoristiti priliku da vama i vašoj supruzi čestitam i da vam poželim puno sreće u narednom periodu, odnosno puno zdravlja, sreće i svega onoga što donosi vaš čin koji ste

učinili. Hvala vam još jednom Stojanoviću. Kolega Mekić Amel.

Poslanik/zastupnik Amel Mekić:

hvala vam predsjedavajući. Pošto se prvi put javljam želim da pozdravim gledaoce ispred TV ekrana, Vladu, kolege, službe i goste. Pitanja za ministricu komunalne privrede gospođu Nihade Glamoč.

1. Da li je prilikom nabavke GIS softvera izabran isti ponuđač u Ministarstvu komunalne privrede kao u KJKP Sarajevogasu?
2. Ko je pripremao i potpisao tehnički dio specifikacije na osnovu koje je izabran ponuđač? Molim da mi dostavite tehničku specifikaciju koja je ovjerena i potpisana od strane tehničkih lica koja su pripremala specifikaciju.
3. Ko je i na osnovu čega izvrtio procjenu navedene nabavke (mislim na nabavku GIS softvera)? Dostavite mi imena i prezimena osoba koja su vršila procjenu kao i samu specifikaciju procjene.
4. Da li je Ministarstvo komunalne privrede pokrenulo nabavku projekta "jedinstveni informacioni sistem", obzirom da su u Budžetu planirana sredstva od 2 miliona maraka? Da mi se dostave imena i prezimena osoba koja su izvršila procjenu i na osnovu kojih parametara je izvršena procjena. Da li je tačno da je nabavka ovog softvera uvod za uvođenje firme Unimos u sva komunalna preduzeća?

Pitanja za ministra kulture i sporta gospodina Kenana Alikadića. Kada će biti održana tematska Skupština o sportu u Kantonu Sarajevo. Da napomenem da je Skupština Kantona na sjednici održanoj dana 16.06.2002.godine na prijedlog zastupnika Amela Mekića donijela zaključak za održavanje tematske sjednice Skupštine Kantona Sarajevo o stanju u sportu najdalje za 60 dana. Inicijativa je prihvaćena ali tematska Skupština o sportu nije bilo, pa da pitam hoće li je uopšte biti pošto je prošlo već 114 dana? Molim za pismene odgovore u roku koji su definisani Poslovníkom Skupštine Kantona Sarajevo član 219. hvala vam.

Predsjedavajući:

zahvaljujem uvaženi zastupniče Mekić. Kolegica Junuzović Kaljić Amra je sljedeća. Kolegice jeste li vi spremni?

Poslanik/zastupnik Amra Junuzović Kaljić:

spremna. Hvala predsjedavajući. Srdačan pozdrav svim kolegama i kolegicama. Članovima Vlade, svima prisutnim i svima koji nas prate. Kratko ću, odnosno sve je u pismenoj formi poslato na adresu koju ste priložili, koju ste zatražili. A niz pitanja i inicijativa je sadržano u sljedećem dokumentu koji upućujem Ministarstvu kulture i sporta, prije svega Ministarstvu pravde i uprave, Ministarstvu finansija, budžetskom inspektoratu, te Uredu za borbu protiv korupcije i upravljanje kvalitetom Skupštine Kantona Sarajevo. Pitanje je sljedeće, odnosno prvo među tim pitanjima :

Koji je pravni osnov za odlučivanje o dodjeli sredstava iz Javnog poziva za predlaganje projekata kulture i sporta radi sufinansiranja iz sredstava Ministarstva kulture i sporta Kantona Sarajevo za 2020. godinu, koji je osnov i zašto su se odobravale dodjele sredstava, pravnim licima i s njima u vezi fizičkim licima, po istom tematskom sadržaju i aktivnostima. Također u tom kontekstu tražim da obrazložite proceduru i način izbora i imenovanja članova Komisije za provođenje javnog poziva Ministarstva.

Da li je slučajno ili tendenciozno došlo do odobravanja sredstava svim sportskim udruženjima a koji su u suštini odgovarajućeg sporta kojim se dugo vremena aktivno i dan danas pasivno bavi resorni ministar?

Da li su propisani kriteriji projekata koji se biraju, odnosno odobravaju za finansiranje ? Da li je realno dodjeljivati novčana sredstava po Javnog oglasu za projekte koji evidentno i notorno se neće ni održati jer je trenutno širom svijeta pandemija koronavirusa?

U vezi svega prednje navedenog, ja podnosim inicijativu na nadležno postupanje Upravnom Inspektoratu, Ministarstva pravde i uprave Kantona Sarajevo, da izvrši pregled dostavljene dokumentacije predlagača projekata po predmetnom javnom pozivu, da utvrdi da li je osnovano i srazmjerno Izvještaju Komisije za provođenje javnog poziva svi oni koji su evidentni da ispunjavaju, odnosno ne ispunjavaju uslove.

Nadalje Uredu za borbu protiv korupcije i upravljanje kvalitetom Kantona Sarajevo podnosim zahtjev za nadzor nad izborom i imenovanjem Komisije za provođenje javnog poziva, utvrđivanje sukoba interesa, zloupotrebe položaja, organizovanja u grupe lica s ciljem stjecanja finansijske koristi i vršenjem utjecaja.

Budžetskom Inspektoratu podnosim zahtjev za nadzor nad finansijskom dokumentacijom koja se zaprimila od strane Komisije kao uredna ili eventualno neuredna. Hvala vam lijepa.

Predsjedavajući:

Zahvaljujem uvažena kolegice. Suljević Samir je sljedeći zastupnik. Kolega Suljeviću d ali ste vi spremni?

Poslanik/zastupnik Samir Suljević:

Jesam hvala predsjedavajući. Pozdravljam sve prisutne kao i gledaoce pored malih ekrana. Imam nekoliko zastupničkih pitanja.

Prvo postaviti ću direktoru preduzeća Pokop i nadležnom ministru hoće li se i kada izvršiti ograđivanje groblja Vlakovo i onemogućiti šetnja krava po mezarima i grobovima?

Drugo, predsjedavajućem Skupštine Kantona Sarajevo i premijeru Vlade Kantona Sarajevo da nas obavijesti u vezi statusa predmeta u kojem je Ministarstvo prostornog uređenja, građenja i zaštite okoliša obavijestilo Vladu KS u vezi prijave protiv Adnana Efendića, bivšeg direktora Kantonalnog stambenog fonda, inače kadra Stranke demokratske akcije koji je prijavljen Uredu za borbu protiv korupcije zbog dodjele osam stanova Kantonalnog stambenog fonda bez javnog poziva ili saglasnosti Vlade KS?

Treća, zastupnička pitanja su na fonu mog kolege Igora Stojanovića koincidencija ili ne uglavnom pitanja, upućena su Ministarstvu obrazovanja i nauke, ministru Anisu Kriviću zašto je poništen konkurs za izbor predsjednika i članova UO JU Djeca Sarajeva? Zašto je imenovani v.d. predsjednika i članova UO JU Djeca Sarajevo ne odražavaju nacionalnu strukturu zajednice u kojoj predškolska ustanova djeluje? Zašto je Ministarstvo dozvolilo da se nastavi sa konkursom za izbor direktora JU ako je UO dobio upozorenje da procedura nije ispoštovana što je rezultiralo kaznom u iznosu od 3000 KM ustanovi? Sljedeće, zašto se na sjednici Vlade Kantona našao prijedlog za imenovanje direktora ako se znalo za upozorenje od strane inspekcije i da će sljedeća inspekcija biti spomenuta kazna? I peto, u kojem je statusu NO JU Djeca Sarajeva? Hvala vam puno.

Predsjedavajući:

zahvaljujem uvaženi zastupniče Suljeviću. Kolega Delalić Sabahudin je sljedeći. Kolega Delalić da li se čujemo, izvolite imate riječ ukoliko se čujemo.

Poslanik/zastupnik Sabahudin Delalić:

zahvaljujem predsjedavajući. Sve vas srdačno selamim i pozdravljam. Imam pitanje za ministra za boračka pitanja a vezano je za mezarje Vlakovo Aleju veterana da li je dobio i jedan zahtjev od JKP Pokop za proširenje tog mezarja i ako jeste kada će reagovati? Zahvaljujem.

Predsjedavajući:

Zahvaljujem uvaženi zastupniče Delalić. Kolega Vreto Elvis je sljedeći. Kolega Vreto imate riječ.

Poslanik/zastupnik Elvis Vreto:

Hvala predsjedavajući. Koristim priliku da pozdravim sve prisutne kao i građane koji nas prate. Ja imam nekoliko pitanja i inicijativa. Prvo želim da se osvrnem na odgovor koji sam dobio vezano za inicijativu pokrenutu na prethodnoj sjednici oko održavanja javne rasvjete koja je u katastrofalnom stanju u Lužanima i Pejtonu. Navodi se da će predstavnici Ministarstva izaći na teren, napraviti snimak stanja i izvršiti procjenu potrebne sanacije sa predstavnicima općine. Postavljam pitanje i tražim informaciju je li se izašlo na teren, i ustanovilo stanje obzirom na zapuštenost koje je nebrigom ministarstvo prouzrokovalo jer je u obavezi na redovno održavanje. Na žalost doveli se do toga da je neophodno izvršiti potpunu rekonstrukciju dijela javne rasvjete. Postavljam pitanje da li Ministarstvo svjesno zapušta javnu rasvjetu kako bi na kraju dio tereta prebacilo na lokalne zajednice, dok građani ispaštaju. Posebno u današnjem vremenu i migrantske krize koja dodatno narušava sigurnost. Drugo pitanje se odnosi na Ministarstvo obrazovanja. Zašto nije provedena inicijativa o smanjenju takse kod registracije autoškola iako postoji obaveza koju je 25. Februara naložila Skupština Kantona koja je jednoglasno usvojila navedeni iznos. Kako je moguće da Ministarstvo ne provodi odluku Skupštine Kantona Sarajevo više od 6 mjeseci, iako su stvoreni svi formalno pravni uslovi. Podsjećam da se radi o odluci koja je klasični parafiskalni namet. U međuvremenu smo usvojili i tzv. kantonalni korona Zakon koji je u principu temeljen na smanjenju parafiskalnih nameta, pa ispada da je Vlada u koliziji sama sa sobom. Neshvatljivo je da Ministarstvo izigrava provođenje volje Skupštine. Naredno pitanje upućujem prema Ministarstvu saobraćaja i kantonalnoj direkciji, šta se poduzima i kada će početi gradnja isključne trake za Vlakovo na brznoj cesti M17 iz pravca Hadžića, odnosno na Mostarskom raskršću.

Također postavljam pitanje u kojoj su fazi pripreme i kada će početi radovi na izgradnji XII transverzale na Stupu? Naredno pitanje se odnosi na Ministarstvo komunalne privrede i javna preduzeća, šta se poduzima i kada će početi gasifikacija domaćinstava u ulici Vlakovo? Tačnije više krakova navedene ulice gdje se nalazi ogroman broj domaćinstava kao i šta se poduzima i kada će biti započeta izgradnja kanalizacione mreže u ulici Sastavci. Također postavljam pitanje o statusu projekta i jel istim planirano postavljanje novih vodovodnih cijevi uz izgradnju kanalizacione mreže? Radi se o projektu za izgradnju separatne kanalizacione mreže za obuhvat ulica Hendekusa, Osijek, Bratunačka cesta i Osječki put. Tražim također odgovor vezano za kanalizaciju kada će doći do zamjene izgradnje separatne kanalizacione mreže većim profilom u ulici Olivera Ibrahimovića, MZ Stupsko Brdo ? koje se također aktivnosti poduzimaju i kada će biti riješen problem sa slabim pritiskom u vodovodnim cijevima u naselju Donji Kotorac? Prema Zavodu za izgradnju imam pitanje koliko je podnesenih i riješenih zahtjeva građana za otkup zemljišta u vodozaštitnoj zoni Sarajevsko polje.

Predsjedavajući:

Vrijeme kolega, samo evo ako možete ubrzati.

Poslanik/zastupnik Elvis Vreto:

Evo ja ću samo još ove dvije inicijative, njih ću uputiti u pisanoj formi. Jedna se odnosi na donošenje Zakona o zaštiti od svjetlosnog onečišćenja, cilj Zakona je u smislu energetske efikasnosti da smanji potrošnju električne energije za javnu rasvjetu. Hvala i izvinjavam se na vremenu.

Predsjedavajući:

Hvala kolega Vreto. Dizdarević Neira je zastupnica koja ima sljedeća riječ. Kologice izvolite.

Poslanik/zastupnik Neira Dizdarević:

Hvala predsjedavajući. Također pozdrav svim građanima koji prate naš današnji rad. Pozdrav kolegicama i kolegama koji su tu. Ja za danas imam nekoliko zastupničkih pitanja i

inicijativa. Shodno vremenu, uputit ću dva pitanja na koja molim usmene odgovore.

Moje prvo pitanje jeste za ministra Jeličića, odnosi se na Kantonalnu listu Esencijalnih lijekova. Zašto ista nije usklađena sa federalnom? Ko su članovi komisije za lijekove? Na kojim principima radi komisija, odnosno koje su smjernice komisije? Povod za pitanje jeste to što mi se javila majka djeteta sa 100 % invaliditetom, koje koristi lijek za plućnu hipertenziju naziva SILDENAFIL koji na mjesečnom nivou košta 700 KM. Ova majka pita zašto Komisija, ili neko od nadležnih, ne uzme u obzir pedijatrijski uzrast (djecu od 1 mjesec do 15 godina) koji moraju svakodnevno koristiti ovaj lijek, nekad i čitav život? Kome se uopšte obratiti kada je čitav ovaj proces u potpunosti netransparentan? Ja se kao zastupnica obraćam vama ministre Jeličiću svjesna teške uloge koju obavljate u ovom trenutku kao v.d. ministra zdravstva iz matematičkih razloga znamo, ali evo molim vas za usmeni odgovor, jer ovo neusklađivanje liste je udar na budžet hroničnih bolesnika koji ne mogu nabaviti lijek od kojih im možda zavisi lijek. Dakle ko su članovi komisije, da li se komisija sastaje, koje su smjernice, kada će doći do usklađivanja kantonalne liste sa federalnom i zašto čitav ovaj proces nije javno objavljen i transparentan na stranici Ministarstva zdravstva?

Moje drugo pitanje upućujem ministru Kapidžiću, također za usmeni odgovor. Na području Kantona Sarajevo prema zadnjih informacijama kojima ja raspolazem 1084 lifta, odnosno njih gotovo 64% je u funkciji a nemaju obavljen redovni godišnji tehnički pregled. Dok i federalna i kantonalna inspekcija izjavljuju da nisu nadležni za inspeksijski nadzor takvih liftova mi već imamo slučajeve ugrožavanja ljudi, propadanja lica u okno lifta prilikom čega su utvrđene teže tjelesne povrede zbog neispravnih vrata lifta, na adresi Semira Frašte 18. Dovoljan je znak da e po ovom pitanju nešto hitno mora poduzeti. Upravitelji na terenu očito ignorišu ovakvo stanje trošeći novac etažnih vlasnika na stvari koje nisu predviđene zakonom, a niti godišnjim planom održavanja zgrada, dok stambeni fond s više aspekata propada. Uvaženi ministre Kapidžiću šta će ministarstvo prostornog uređenja, građenja i zaštite okoliša poduzeti po ovom pitanju? Moje pitanje je ujedno i glasno upozorenje Ministarstvu, inspekcijama i javnosti, etažnim vlasnicima, da izvrše pritisak na upravitelje da hitno poduzmu potrebne korake ka poboljšanju sigurnosti liftova dok ne budemo imali ne daj bože više nesrećnih slučajeva uslijed ove situacije. Toliko. Ostale ću dostaviti u pismenoj formi, hvala vam.

Predsjedavajući:

Zahvaljujem uvažena zastupnice Dizdarević. Kolegica Bilsena Šahman je sljedeća. Kolegice da li ste vi spremni?

Poslanik/zastupnik Bilsena Šahman:

Jesam. Zahvaljujem predsjedavajući. Pozdravljam sve kolege i sugrađane koji prate današnju sjednicu koju se nadam da ćemo završiti do kraja. Prva moja inicijativa je i želim današnje izjašnjenje s obzirom da smo prekidali dosadašnje nekoliko sjednice da danas donesemo odluku o davanju saglasnosti za Nacrt sporazuma o rješavanju prostora Fakulteta zdravstvenih studija jer ne postoji niti jedna prava niti bilo koja prepreka da hiljade studenata Fakulteta zdravstvenih studija dobiju svoj prostor za nesmetano odvijanje nastavnog procesa,. Druga inicijativa bi bila da se da se prestane sa štampanjem materijala za sjednice Skupštine Kantona Sarajevo. Naime, svaki klub dobije isprintani materijal iako imamo u elektronskoj verzije, to su stotine kilograma papira i sigurna sam da bi to bila prilična ušteta a štitili bi i okolinu. I jedno pitanje za Vladu Kantona, nastavljam na par kolega su rekli za nepoštivanje odluka Skupštine i donošenje naših zaključaka i inicijativa. Vidim da se mnoge ne sprovode kao i pitanje šta se desilo s inicijativom kolege Zvonka Marića i moje vezano za finansiranje sindikata predškolskog i školskog odgoja jer je to presedan u segmentu sindikalne borbe. Ne adresiram pojedinačno jer znam da su u pregovaračkom timu bilo nekoliko ministara koji su morali znati skupštinske odluke. Da li će finansiranje sindikata ostati i dalje iako smo u vremenu pandemije i sve teže finansijske situacije u Kantonu? Zahvaljujem.

Predsjedavajući:

Zahvaljujem. Kolegica Segmedina Srna Bajramović je sljedeća zastupnica. Izvolite. Imate riječ.

Poslanik/zastupnik Segmedina Srna Bajramović.

Zahvaljujem predsjedavajući. Pozdravljam sve prisutne. Pa evo ja također imam više pitanja i inicijativa koje ću dostaviti upisanoj formi skupštinskim službama poštujući Poslovnik i vaše vrijeme, vrijeme svih nas zadržat ću se na jednom pitanju i sljedećim zaključcima.

- 1. Obavezuju se sve institucije javnog sektora Kantona Sarajevo da HITNO izvrše ažuriranje podataka u registru zaposlenih u javnom sektoru, uključujući evidenciju ugovora o djelu, kao i ugovora na određeno vrijeme.*
- 2. Obavezuju se sve institucije javnog sektora Kantona Sarajevo da HITNO izvrše ažuriranje podataka u registru imenovanih lica.*
- 3. Obavezuju se sve institucije javnog sektora Kantona Sarajevo da prema gore navedenim zaključcima postupe odmah, a Skupštinu Kantona Sarajevo izvijeste o poduzetim radnjama u roku od 7 dana od usvajanja ovih zaključaka.*

Obrazloženje: u skorije vrijeme putem medija pristižu informacije o učestalijim predizbornom stranačkom zapošljavanju i imenovanjima a da pri tome registri uposlenih i imenovanih lica Kantona Sarajevo nisu ažurirani već mjesecima. Ured za borbu protiv korupcije je dana 18.09.2020.godine odaslao informaciju svim institucijama javnog sektora u Kantonu Sarajevo u kojem upozorava na već prijavljene i utvrđene nepravilnosti u vezi zapošljavanja te stoga smatram da je potrebno da Skupština Kantona Sarajevo svojim zaključkom iskaže jasan stav po ovom pitanju i pruži podršku naporima Ureda za borbu protiv korupcije.

I još jedno pitanje. Zamolila bih i naglašavam usmeni odgovor premijera. Naime, radi se sljedećem, na 34 sjednici Vlade Kantona Sarajevo kao tačka dnevnog reda nalazi se Prijedlog odluke o davanju saglasnosti na Pravilnik o izmjeni pravilnika o unutrašnjoj organizaciji kabineta predsjedavajućeg Skupštine Kantona Sarajevo. Molim premijera da nam objasni zašto se vrši izmjena ovog Pravilnika? Nadam se da vi kao premijer koji je najavio europski put Vlade Kantona Sarajevo ne bi ste dozvolili da se izmjena vrši radi stalnog zapošljavanja uposlenice kabineta predsjedavajućeg Skupštine, koja je trenutno zaposlena na ugovor o djelu ili na određeno. Dakle ovdje tražim usmeni odgovor.

Predsjedavajući:

Zahvaljujem uvažena zastupnice Segmedina Srna Bajramović. Milavica Sead je sljedeći zastupnik. Kolega Milavica da li ste svi spremni?

Poslanik/zastupnik Milavica Sead:

Zahvaljujem predsjedavajući. Lijep pozdrav vama, svim prisutnima koji nas prate pored malih ekrana, Vladi i kolegama zastupnicima. Ja za današnju Skupštinu imam dvije inicijative. Za prvu inicijativu bih molio da se Skupština izjasni, odnosno da glasa Skupština. Radi se o sljedećem.

Pokrećem inicijativu prema Vladi Kantona Sarajevo da se izvrši promjena naziva JU Zavod za zaštitu žena i materinstva u JU Zavod za zaštitu žena i materinstva - Belma Šoljanin.

Obrazloženje: Belma Šoljanin bila je aktivistica i osnivač Udruženja centar za trudnice i mlade majke te je u ogromnoj mjeri pomagala svim trudnicama u razmjeni iskustava u trudnoći, prevazilaženju porođajnih procesa. Njen prerani odlazak gubitak je za društvo jer njen aktivistički rad u ogromnoj mjeri pomogao mnogim majkama trudnicama, kako u BIH

tako i regionu da savladaju trudničke i porođajne probleme. Svojom neiscrpnom energijom, bezrezervno se zalagala za proces donošenja novog života na ovaj svijet novepečene majke ne dožive sa ogromnim strahom. Ovu inicijativu pokrećem u ime svih majki kojima je Belma Šoljanin svojim savjetovanjem olakšala, pojednostavila i (nerazumljivo) proces donošenja na svijet novog života. Dakle o ovoj inicijativi molim da se Skupština izjasni.

Druga moja inicijativa danas je: Pokrećem inicijativu prema Vadi Kantona Sarajevo i resornom Ministarstvu, da u saradnji sa Općinom Ilidža pokrenu aktivnost sa ciljem planiranja sredstava za otkup zemljišta u vodozaštitnoj zoni Hrasnica, građanima kojima je onemogućeno korištenje ovog zemljišta.

OBRAZLOŽENJE:

Shodno odgovor Ministarstva Privrede Kantona Sarajevo, a vezi sa pitanjem postavljenim na 27.sjednici Skupštine Kantona Sarajevo, pokrećem inicijativu da se pokrenu aktivnost ka rješavanje pitanja zemljišta koje je proglašeno vodozaštitnom zonom u naselju Hrasnica i da se u saradnji sa Općinom Ilidža krene u planiranje sredstava i aktivnost kako bi građani konačno riješili nemogućnost korištenja vlastite imovine. Toliko. hvala,

Predsjedavajući:

Zahvaljujem kolega Milavica. Jakupović Vedran, kolega Jakupoviću da li ste vi spremni? Kolega Jakupović ukoliko nije u mogućnosti, kolega Marić Zvonko pa ćemo se vratiti i dat ćemo riječ kolegi Jakupoviću. Mi vas čujemo, kolega Jakupović ima riječ. Samo stišajte TV prijemnik malo.

Poslanik/zastupnik Vedran Jakupović:

Dobro. Pozdravljam vas i sve kolege i gledaoce pored malih ekrana. Kolegica Bilsena Šahman je već pomenula jednu inicijativu o Fakultetu zdravstvenih studija. Ja ću zamoliti da se evo sada ću pročitati inicijativu.

Odnosno tražit ću zaključak da kolege ako su u mogućnosti da se danas izjasnimo o tom zaključku.

Podnosim inicijativu za donošenje zaključka kojim će se Predsjedavajući Skupštine Kantona Sarajevo obavezi da zakaže nastavak 27.radne sjednice u periodu od 7 dana od današnjeg dana. **Obrazloženje:** 27. Radna sjednica Skupštine Kantona Sarajevo prekinuta je na 11 tački samoinicijativno od strane predsjedavajućeg bez konsultacija sa dopredsjedavajućim. Obrazloženje za prekid tačke bio je nedostatak dokumentacije za 11 tačku. Na Kolegijima sam dva puta postavljao pitanje o nastavku sjednice i dobio neodređene odgovore od predsjedavajućeg. Također zastupnica Neira Dizdarević je na Kolegiju 20.08. postavila isto pitanje i dobila odgovor da će nastavak biti naredne sedmice. Prošlo je više od mjesec dana, zakazane su još dvije redovne i još jedna hitna sjednica a nastavak 27 sjednice je zaustavljen. Ova 11. Tačka odnosi se na Prijedlog odluke kojom se daje saglasnost na Nacrt sporazuma koji se zaključuje između UNSA, Fakulteta zdravstvenih studija UNSA, i JU Studentski centar Sarajevo o ustupanju na dugoročno korištenje objekata paviljon 8 i 9 u okviru JU Studentski centar. Riječ je o izgradnji zgrada za Fakultet zdravstvenih studija koji 47 godina nakon osnivanja bez zgrade. Deložiran s par lokacija, između ostalog iz kruga Kliničkog centra. Studenti nastavu imaju na različitim dijelovima grada, studenti rade u nemogućim uslovima, kao podstanari u popodnevnim satima. I ono što je još najbitnije u svemu da su vlastita sredstva koja su planirana za izgradnju zgrade dobili i finansijsku podršku UNDP koja bi mogla izostati ako Skupština Kantona Sarajevo bude odugovlačila s donošenjem ove odluke. Ja ću zamoliti kolege da se izjasne. Poslao sam već ovu inicijativu.

Imam dva pitanja. Prvo kako riješiti problem prema ministarstvu zdravstva i eventualno Zavodu za hitnu medicinsku pomoć kako riješiti problem uputnicama tokom noćnih sati, posebno zbog zauzetosti službe hitne pomoći u rubnim područjima. Mislim na Vogošću, Ilijaš itd. Riječ je o tome da urgentni centri u bolnicama, ranije u KCUS i u Općoj bolnici, imaju zahtijevaju uputnice a ta uputnica se navečer može dobiti uglavnom u hitnoj pomoći. Dakle da

ovako malo oslikamo. Ako se desi saobraćajna nezgodna na Kobiljoj glavi, morate otići po uputnici u Vogošću. Desi se da je taj jedan doktor na intervenciji onda morate ići do Ilijaša da bi se vratili nazad do bolnice, ili Koševo ili Opće bolnice. Tako da ovo onemogućava dostupnost zdravstvene zaštite, i može biti opasno za građane u slučaju nekih hitih stanja. I drugo pitanje.

Predsjedavajući:

Vrijeme kolega, već ste četiri minute.

Poslanik/zastupnik Vedran Jakupović:

(nerazumljivo jer su paralelno govorili predsjedavajući i zastupnik) za ministra Adija Kalema, ministra saobraćaja Kantona Sarajevo da li je i ako nije kada planira uraditi Pravilnik i implementirati Zakon o izmjenama dopunama Zakona o cestovnom prijevozu FBiH kojim će se osobama sa invaliditetom u Kantonu Sarajevo omogućiti prijevoz taksi vozilima. Odnosno da ta vozila budu registrovana na ispravan način. Zakon je nedavno donesen u Parlamentu FBiH i ove osobe imaju jako.

Predsjedavajući:

Ponovo, kolega Jakupoviću evo dali smo vam četiri minute.

Poslanik/zastupnik Vedran Jakupović.

Imaju redovan prijevoz taksi vozilima. Hvala vam.

Predsjedavajući:

Kolega Marić Zvonko ima riječ. Kolega izvolite.

Poslanik/zastupnik Zvonko Marić:

Nadam se da se sada čujemo. Zahvaljujem predsjedavajući. S obzirom da imamo jednu veoma značajnu tačku danas koja je uvrštena na dnevni redi premijer je obrazložio zašto bi trebalo raspravljati prioritarno o njoj, evo ja neću čekati tu tačku dnevnog reda ali ću postaviti pitanje koje mislim od krucijalnog značaja za rješavanje ovoga problema. Ne možemo mi rješavati neki problem ukoliko ne uđemo u uzroke tog problema. Zato bih molio Vladu posebice resornog ministra Kalema da mi odgovori na pitanje ili da izvijesti Skupštinu i cjelokupnu javnost o tome kako je Gras dospio ovdje gdje je danas. Ko su odgovorni ljudi, da u tom smislu pokrene inicijativu ili da nas izvijesti ako je već to učinjeno, ko su odgovorni ljudi koji su doveli ovo poduzeće koje je od krucijalnog značaja za građane Kantona Sarajevo i za cjelokupni život u ovom Kantonu. Tražim po periodima kako je nastala ova dubioza od 300 miliona KM, ko su ti ljudi koji su upravljali tim poduzećem jer očigledno da gdje god država upravlja nečim da je to potpuno neuspješno iz prostora razloga što je država dokazala ili vlasti koje su obnašale dužnost da nisu bili dostojni te zadaće i prema tome da su loše gazdovali tim poduzećima. Dakle bez toga i bez pozivanja na odgovornost tih ljudi koji su doveli Gras do propasti zaista ne znam onda o čemu mi možemo govoriti i kakvu poruku šaljemo cjelokupnoj javnosti. Poznato je da je u proteklom periodu nekoliko navrata ova Vlada pokušavala u nekoliko navrata i uspijevala da nabavi gorivo koje nedostajalo. S tim se problemom i sada suočavamo, upitno je, svi su računi blokirani. Jer država zapravo nije, odnosno nosioci državnih funkcija nisu ispunjavali svoje obaveze prema državi. Nije plaćan porez, PIO/MIO, zaposlenicima nisu mogli mnogi da odu u mirovinu, ili kada su otišli dugo vremena su se borili da bi dobili mirovnu. I da ne nabrajam sve te silne probleme koje imaju i molim i pokrećem inicijativu da istražni organi napokon kažu nekoliko stvari koje će ukazati na to da se bave ovim gorućim problemom.

Druga moja inicijativa odnosi se na to da znamo kako Opća bolnica i šta ona zapravo znači za Kanton Sarajevo. A s obzirom da prolazi kroz brojne peripetije i kroz brojne poteškoće u

svom djelovanju znamo koliko to doprinosi manjoj efikasnosti te zdravstvene ustanove, pogotovo u ovim teškim vremenima, s obzirom da je njen status nekako pun nedorečenosti, iz prostog razloga što je Opća bolnica a ne kao što je primjer u drugim kantonima Sarajevo, gdje postoje kantonalna bolnica, u Kantonu 10, Bihaću, Zenici, i da ne nabrajam i funkcioniraju bez većih poteškoća ili bez poteškoća s kojima se suočava Opća bolnica. U tom smislu i u funkcionalnom i svakom drugom molim predstavnike Vlade a nadam se da će i Skupština poduzeti određene aktivnosti iz svoje nadležnosti da ispitaju mogućnost i zapravo pravne mogućnosti da se stvore pretpostavke kako bi se ova bolnica proglasila kantonalnom bolnicom. Dakle bolnicom Kantona Sarajevo i da nas izvijeste o tome u što kraćem vremenu.

Predsjedavajući:
Vrijeme kolega Mariću.

Poslanik/zastupnik Zvonko Marić.
Evo završavam. Dakle to ću napisati u inicijativi u molit ću kolege zastupnike da se o tome izjasne s obzirom da te aktivnosti ne zahtijevaju finansijska izlaganja. Hvala puno.

Predsjedavajući:
Hvala. Admela Hodžić je sljedeća zastupnica. A molim ostale zastupnike da isključe mikrofone kod koga je ostao uključen. Kolegice Admela Hodžić da li ste spremni?

Poslanik/zastupnik Admela Hodžić.,
Predsjedavajući da li me čujete? Zahvaljujem predsjedavajući. Pozdravljam sve kolege i kolegice i sugrađane koji prate rad današnje naše sjednice. Pokrećem inicijativu prema Ministarstvu privrede Kantona Sarajevo, Ministarstvu za rad, socijalnu politiku, raseljena lica i izbjeglice Kantona Sarajevo i Ministarstvu finansija Kantona Sarajevo, da se u što skorijem periodu objavi Javni poziv za dodjelu sredstava za finansiranje dijela minimalne mjesečne neto plaće (u FBiH) za april i maj 2020. godine za Kanton Sarajevo, za privredne subjekte koji su Javnim pozivom broj 05-02-45-18053/20 od 05.06.2020. god. isključeni postavljenim kriterijima, vezujući pravo na naknadu za evidentirani promet preko fiskalnih uređaja registrovanih u Poreznoj upravi FBiH.

Obrazloženje: ZAKON O FISKALNIM SISTEMIMA ("Službene Novine Federacije BiH", broj: 81/09) član 28. (Definisanje naziva i adrese prodajnog mjesta)

Obveznik je dužan da u zahtjevu za fiskalizaciju definiše naziv i adresu prodajnog mjesta, tako da oni odgovaraju: a) nazivu i adresi prodajnog mjesta na kome obveznik registruje promet preko fiskalnog uređaja ili b) nazivu i adresi mjesta na kome je obveznik registrovao svoju djelatnost, isključivo ako obveznik obavlja promet na uobičajenim pokretnim tezgama, preko lica koje dolazi na vrata kupcu ili preko putujućih prodavaoca. Fiskalni printeri po Zakonu o fiskalnim sistemima Federacije BiH privredni subjekti obavezni su imati u registrovanim prodajnim mjestima, veleprodajama i maloprodajama dok u svim drugim poslovnim jedinicama u sklopu privrednog subjekta nisu dužni imati fiskalni printer.

Također, privredni subjekti su dužni sve radnike prijaviti prema sistematizaciji i opisu radnog mjesta u poslovne jedinice u kojima rade. Kriterijima koji su postavljeni u Javnom pozivu koji sam već navela od 05.06.2020. privredni subjekti su prava naknade za minimalne plaće mogli ostvariti samo za radnike koji su registrovani u PU na mjestima gdje se evidentira promet. Ovakvim načinom i određivanjem kriterija, službenici nadležnog su automatski i iz samo njima poznatih razloga, iz prava za dodjelu sredstava za finansiranje dijela minimalne mjesečne neto plaće isključilo radnike iz proizvodnje, skladišta i uprava poslovnih subjekata.

Prema svemu navedenom možemo zaključiti da je veliki broj radnika isključen iz prava za dodjelu sredstava za finansiranje dijela minimalne mjesečne neto plaće jer se poslodavcima ne daje druga mogućnost ukoliko ih ne mogu plaćati da ih mogu otpustiti jer za njih neće ostvariti prava kao za ostale radnike.

Ako u skorije vrijeme ne ispravimo ovu grešku sasvim je sigurno da ćemo se u narednom periodu suočiti sa masovnim otpuštanjima radnika. Ovakvim kriterijima dajemo jasnu poruku da su radnici u proizvodnji, inženjeri, KV, VK radnici, skladištari, viljuškaristi, pomoćni radnici u skladištu, radnici u upravi preduzeća kako što su administrativni radnici, pravnici, inženjeri, projektanti, knjigovođe i ostali visokostručni kadar potpuno nebitni i bez ikakvih problema mogu na biro.

Još jednom naglašavam da u svim poslovnim jedinicama koje su sastavni dio preduzeća ne mora biti instaliran fiskalni printer, a u nekima čak i ne smije iz bezbjednosnih razloga, te se kriteriji za dodjelu sredstava ne smiju na takav način određivati.

Privredni subjekti se moraju posmatrati u cijelosti jer su kao takvi i zaduženi za plaće, doprinose i poreze u PU FBiH, a za njihov promet i uspjeh, odnosno bilans stanja i uspjeha u poslovanju zaduženi svi radnici i uprava podjednako. Zahvaljujem. Toliko.

Predsjedavajući:

Zahvaljujem kolegice Hodžić. Kolega Dopredsjedavajući Handžić. Nakon Handžića Dević, pa Nikšić, Konaković, Okerić, i ostali zastupnici ukoliko imaju pitanja i inicijative neka to učine kako bi mogli i mi blagovremeno reagovati. Kolega dopredsjedavajući Handžić, izvolite, imate riječ.

Dopredsjedavajući Vibor Handžić:

Zahvaljujem predsjedavajući. S obzirom da imam dosta važnih inicijativa pokušat ću da budem što brži.

Dakle na prošloj sjednici sa podnio jednu inicijativu prema Ministarstvu saobraćaja vezano za Uredbu o organiziranju parkiranja na javnim parking površinama da mi u skladu sa članom 18. Stav 5) dostavi koliko je u kojoj zoni rezerviranih parking mjesta, jer Uredba kaže da može do 5%. Ja ne znam da li je Ministarstvo to uopšte pročitao moju inicijativu ali sam dobio odgovor sa podacima vezano za član 19. Stav 1) koji se odnosi na dodjelu besplatnih parking mjesta institucijama, vjerskim organizacijama itd. Pa molim Ministarstvo da ponovo pročita inicijativu i da m odgovori ono što sam tražio.

Sljedeća inicijativa u Službenim novima Kantona Sarajevo 32/20 od 20.08 objavljene su izmjene Statuta KJKP Pokop d.o.o. Sarajevo izvršena je izmjena člana 85 Statuta u kojem je propisano da se Statut po potrebi objavljuje u Službenim novinama, a brisane su riječi po potrebi i na Internet stranici preduzeća. Član 4. Uredbe o vrsti i postupku objavljivanja propisa i javnosti propisana obavezna objava akata u Službenim novinama i na web stranici, pa između ostalog i Statuta preduzeća. Stoga ukoliko je ovo slučaj, zaista, predlažem da se u skladu sa članovima 12 i 13. Uredbe izvrši izricanje prekršajne kazne i pokretanje postupka smjene odgovornog lica.

Zatim sljedeća inicijativa molim Kantonalni Zavod za planiranje razvoja da mi u što kraćem roku dostavi pojašnjenja određena iz rješenja vezano za Izmjene i dopune Regulacionog plana "Poslovna zona Šip" - parcela K9 - skraćeni postupak. Da li je kod izrade Smjernica za izradu Izmjena ovog Plana, kao i kod same izrade Plana, vođeno računa o načelu g) usaglašavanja zakonitosti proisteklih iz prethodnih faza razvoja analizom stanja izgrađenog prostora?

da li je ispoštavan član 39. Stav 3) Zakona o prostornom uređenju koje kaže da se skraćeni postupak može provoditi samo ako se bitno ne mijenja osnovna koncepcija tog planskog dokumenta a da li je pretvaranje stambenog u stambeno poslovni objekat poštivanje tog člana? Ako je u prvobitnom planu visina planiranog objekata bila 10 m, izmjenama i dopunama plana iznosi 19, 5 metara da li je povrijeđen ovaj član Zakona? Da li bi i sam naziv Elaborata Izmjena i dopuna Regulaciono plana "Poslovna zona logično trebao da navodi da u ovom predmetnom obuhvatu predstavlja prostor na kojoj je dozvoljena izgradnja samo poslovnih objekata a ne stambeno poslovnih objekata. Molim odgovore na ova pitanja.

Dalje, koliko je trenutno bivših uposlenik KJKP "GRAS" d.o.o. Sarajevo koji ne mogu da ostvare pravo na penziju iz razloga što im nisu isplaćivani doprinosi u ranijem periodu, te

koliki je broj onih koji će primati minimalnu penziju jer im nisu isplaćivani puni doprinosi? Molim da mi odgovori Ministarstvo koliko je iznos potreban i šta će uraditi Ministarstvo u budućnosti po ovom pitanju.

Dalje inicijativa, ovo je za MUP i Ministarstvo saobraćaja u rješavanju ogromnog problema u rješavanju ogromnog problema saobraćaja u mirovanju ulici Husrefa Redžića opština Centar Sarajevo. Saobraćaj u mirovanju u ulici je vjerujte mi apokaliptičan i pored garaže i gornje etaže koju iznajmljuje KJKP RAD Sarajevo, pored toga što su auti parkirani sa desne i lijeve strane ulice, skoro je nemoguće u pojedinim momentima proći s autom jer su auti parkirani i na trotoaru, na pješačkim prelazima itd. I molim vas da se ovaj problem riješi. Dalje imam pitanje.

Predsjedavajući:

Vrijeme kolega. Evo 3,5 minute.

Dopredsjedavajući Vibor Handžić:

Molim vas, vrlo ću kratko i završavam. Molim vas jako mi je bitno. Imam pitanja također pošto nikako da nastavimo ovu sjednicu a cilju bolje pripreme vezano za Izvještaj o radu 18 i 19 BAGS Energotehnika. Molim da mi dostave pitanje odgovore na nekoliko pitanja vezano za tendersku dokumentaciju za učešće u postupku javne nabavke i odluke o izboru najpovoljnijeg ponuđača za nabavku grijnih energenata. Molim ako nije problem da mi dostave Statut preduzeća, kao i ugovor za koncesionu naknadu na ime zahvaćene vode sa izvorišta Peračko vrelo. Ko je sastavio u zašto ej ovaj ugovor na snazi potpisan koji je poguban za ovo preduzeće? I završavam s ovim predsjedavajući. Ponovo podnosim inicijativu Ministarstvu komunalne privrede i infrastrukture da u komunikaciji i saradnji sa opštinom Stari Grad Sarajevo konačno pristupi projektu rekonstrukcije kanalizacione mreže u ulici Bakarevića Opština Stari Grad Sarajevo na način a se izvrši razdvajanje trenutno spojenim sistema fekalnih i oborinskih voda jer svaka veća kiša prouzrokuje apsolutni kaos u ovoj ulici tako što se bukvalno u 21. Stoljeću u glavnom gradu države fekalije u jednoj gradskoj ulici izliju poslije svake kiše na ulicu. I ogroman je problem to za građane. Zahvaljujem. I izvinite što sam malo odužio.

Predsjedavajući:

Hvala vam kolega Handžiću. Kolega Dević Mahir je sljedeći. Kolega deviću da li ste vi spremni?

Poslanik/zastupnik Mahir Dević:

Čujemo li se predsjedavajući? Zahvaljujem. Jedno pitanje kratko za ministra prostornog uređenja. Ja sam na nekoj od prethodnih sjednica pokrenuo inicijativu za izmjenu Zakona a vezano za legalizaciju bespravno izgrađenih objekata na području Kantona Sarajevo kojih prema našim dostupnim informacijama ima nekoliko desetina hiljada. Na način što smo usvojili Zakon kojim smo onemogućili legalizaciju takvih bespravno izgrađenih objekata mi naravno nismo riješili taj problem. Znači nekih 20-tak do 30-tak hiljada je takvih objekata i mislim da bi kroz izmjenu novog Zakona ili određenog člana po hitnoj proceduri trebalo donijeti takvu izmjenu koja bi omogućila barem nekom dijelu tih ljudi koji su izgradili takve bespravne objekte da uđu u pravo. Vama kao što je poznato svima mi imamo strašno problema za ZK izvadcima u smislu prava vlasništva nad zemljištem, imamo desetine situacija u kojima ljudi nisu mogli dobiti građevinske dozvole zato što zemljište nije bilo na njima 1/1. U međuvremenu su uspjeli riješiti to pitanje da li putem suda, da li putem izlaganja i stvorili sve predzakonske uslove da legaliziraju te bespravno izgrađene objekte. Evo konkretno na građevinskom zemljištu. I sada to nisu u prilici. Prema tome molio bih ministra da mi ukratko obrazloži kada on planira da napravi jednu takvu vrstu izmjene Zakona kojim bi se omogućilo da se legaliziraju bespravno izgrađeni objekti na području Kantona Sarajevo. Zahvaljujem predsjedavajući.

Predsjedavajući:

Zahvaljujem vama kolega Deviću. Kolega Damir Nikšić je sljedeći kolega. Imate riječ. Izvolite.

Poslanik/zastupnik Damir Nikšić:

Hvala. Moje pitanje je upućeno ministru kulture i sporta. Molio bih da mi dostavi imena građana koji su svojevremeno odbili biti dio UO i NO Zavoda za zaštitu kulturno historijskog i prirodnog naslijeđa zbog malih naknada. Pa je onda Ministarstvo bilo prinuđeno upravljati direktno ovim Zavodom. Ako može, ako je u prilici neka ih usmeno navede u usmenom odgovoru na ovo pitanje.

Drugo pitanje isto upućeno istom ministru, da mi dostavi primjerke ugovora koje su potpisivali dobitnici sredstava zadnjeg konkursa Ministarstva kulture i sporta Kantona Sarajevo pa da onda na osnovu toga priprelim nova pitanja.

I zastupnička inicijativa. Predlažem da se Skupština Kantona Sarajevo izjasni o inicijativi za proglašenje arhitektonskog kompleksa Skenderija za arhitektonsko i kulturno nasljeđe prvog reda. Obrazloženje: Kompleks KSC Skenderija je davno trebao biti proglašen arhitektonskim i kulturno nasljeđe prvog reda jer se radi o prvoklasno arhitektonskom djelu svoga vremena. Ne govorim o bivšem socijalističkom režimu, već o modernizmu i arhitekturi zapada koja je bila poznata kao brutalizam. Eto to su moja pitanja i inicijative. Hvala.

Predsjedavajući:

Zahvaljujem uvaženi zastupniče Nikšić. Kolega Konaković Elmedin ima riječ.

Poslanik/zastupnik Elmedin Konaković:

Predsjedavajući jesam spreman. Čujete li me? Hvala vam predsjedavajući. Pozdravljam vas, cijenjeno rukovodstvo, cijenjene kolegice i kolege, gledaoce pored malih ekrana, pošto se javljam prvi put.

Ima dva pitanja i za oba tražim usmene odgovore. Prvo pitanje je da li se testovi koje građani Kantona Sarajevo rade u privatnim ordinacijama PCR ili serološki dostavljaju i nalaze u bazi podataka neke naše institucije? Dakle da li je taj sistem uvezan? Pošto sam se uvjerio da ima veliki broj (nerazumljivo) PCR i serološke testove, da li ih integriraju, jer ima slučajeva oboljelih od COVID 19 i kome se eventualno kojoj službi dostavljaju. Traćim usmeni odgovor od Ministarstva zdravstva.

Drugo pitanje da li može premijer reći koje aktivnosti je Vlada poduzela po pitanju uposlenika Agencije poslovnost, kojima je zabranjen ulaz na posao. Znamo da postoji sudska izvršna odluka a vidim danas da ponovo ti ljudi protestuju, da traže svoja prava na ulici. I tražim od premijera da odgovori da li je Vlada Kantona Sarajevo poduzimala bilo šta po ovom pitanju? Hvala.

Predsjedavajući:

Zahvaljujem uvaženi zastupniče Konakoviću. U nastavku sjednice kada se budete javljali morat ćemo nešto promijeniti, slabo vas čuju zastupnici, pa evo ili da promijenite uređaj sa kojeg govorite ili da ponovo koristite slušalice i mikrofona. Kolega Okerić Elvedin je sljedeći. Zastupniče da li ste vi spremni?

Poslanik/zastupnik Elvedin Okerić:

Jesam predsjedavajući. Zahvaljujem. Obzirom da se prvi put javljam sve selamim i pozdravljam pored malih ekrana kao i zastupnice i zastupnike u Skupštini Kantona Sarajevo.

Predsjedavajući:

Kolega Okeriću.

Poslanik/zastupnik Elvedin Okerić:

Za premijera Marija Nenadića. Zbog čega Mirza Bilajac kao predsjednik NO nikada nije sjednicu zakazao u skladu sa statutom i pravilnikom o radu NO. Tu prije svega mislim na to što navedeno lice nije sjednicu zakazalo u roku koje je određeno statutom. Zatim što u predviđenom roku nije kao tačku dnevnog reda stavio smjenu direktora i uprave VIK-a, već je prema našim saznanjima zakazao sjednicu sa nekoliko tačaka dnevnog reda a koje nemaju nikakve veze sa bilo kakvim smjenama. Da bi u toku same sjednice promijenio dnevni red i dodao novu tačku koja nije bila predviđena dnevnim redom u odnosu na koju niko iz VIK nije znao da će biti na dnevnom redu. Pitanje za premijera Nenadića glasi zbog čega je smjena direktora Envera Hadžiahmetovića izvršena netransparentno i nezakonito jer.

Predsjedavajući:

Kolega Okeriću mi vas nismo čuli, ja vas lijepo molim. Kolega Okeriću nismo vas zaista čuli, evo možete li ponoviti zadnje tri četiri rečenice. Imate prekide u konekciji pa evo molim vas da ponovite.

Poslanik/zastupnik Elvedin Okerić.

Pitanje za premijera Nenadića glasi zbog čega je smjena direktora Envera Hadžiahmetovića izvršena netransparentno i nezakonito jer 17.09 bi trebalo da je zakazano održavanje sjednice za dan 25.09.2020. Poslovníkom je predviđeno da se zakazuje 14 dana ranije. Istina postoji mogućnost sazivanja u roku od tri i pet dana u izuzetnim i hitnim situacijama što ovdje nije bio slučaj jer je direktor Enver Hadžiahmetović smijenjen zbog neusvojenog izvještaja a glasanje je bilo 30.06. 2020. Napomena: zakonom je rečeno da će se kraći rok za sjednicu od 14 dana može utvrditi samo statutom a što u VIK nije urađeno. Tako da je skraćivanje roka Poslovníkom također nezakonitost.

I još jedno pitanje, molim za pojašnjenje, jer prema našim saznanjima, trenutni saziv NO angažovao je advokata za predmetni postupak bez da je proveo postupak javnih nabavki. Zahvaljujem se. I molim usmeni odgovor.

Predsjedavajući:

Zahvaljujem uvaženi zastupniče Okeriću. Imamo li još nekoga od zastupnika da nisam prozvali a da je imao pitanje ili inicijativu? Evo sačekat ću. Možete se javiti u viber grupu. Evo i ja ću iskoristiti priliku da podnesem jednu inicijativu i da se svakako Skupština izjasni o njoj. I postaviti ću jedno pitanje za ministra kulture i sporta i tražiti ću naravno usmeni odgovor.

Zastupnička inicijativa upućujem inicijativu ministarstvu kulture i sporta Kantona Sarajevo koje se odnosi na uvrštavanje Udruženja građana Princes krofne u budžet. Obrazloženje: Gore navedeno Udruženje je 2009.g. zaključilo Sporazum o saradnji na provođenju javnog interesa u oblasti dječjeg i muzičkog kulturnog stvaralaštva sa resornim ministarstvom, u okviru kojeg je imalo stalni izvor finansiranja za svoje aktivnosti. Smatram daje potrebno sarajevskom dječjem horu „Princes krofne“ vratiti poziciju koju je 2009 i 2010 imalo kao udruženje od javnog interesa, na godišnjem nivou u iznosu od 60.000 KM. Na taj način bi se omogućilo njegovo normalno funkcioniranje, obzirom da svojim djelovanjem podstiču druženja djece i mladih, kako u procesu sticanja osnova muzičke kulture, tako i socijalne etike. Tražim da se o ovoj inicijativi izjasne zastupnici povodu ove inicijative. I pitanje usmeno za ministra Alikadića je zašto Muzej Srebrenice nije na budžetu Kantona Sarajevo. To je jedini muzej koji se ne finansira iz budžeta Kantona Sarajevo. Znamo šta nama predstavlja taj Muzej i evo zaista bih molio ministra Alikadića da iznađe mogućnost kako bi se i Muzej Sarajeva našao u budžetu Kantona Sarajevo.

Obzirom da smo iscrpili sva pitanja i inicijative, zamolit ću premijera da krenu odgovore a resorne ministre da se predstave radi stenograma i da odgovaraju na usmena pitanja koja su bila postavljena od zastupnika. Premijeru da li ste spremni? A nakon toga ćemo poslati sve

zastupničke inicijative koje se traže za izjašnjenje pa ćemo se o njima i izjasniti a molit ću sekretara Skupštine da proslijedi sve zastupničke inicijative koje traže izjašnjenje skupštine da proslijedi u viber grupu. Možemo mailom proslijediti sve inicijative koje traže izjašnjenje. Premijeru da li ste spremni da krenete u odgovore?

Premijer Mario Nenadić.

Poštovani predsjedavajući evo evidentirali smo sva pitanja koja su postavljena od strane uvaženih zastupnica i zastupnika. Ja mislim da je u skladu sa uvedenom praksu da bi bilo dobro da nam se da 15 do 20 minuta, ili pola sata pauze da pripremimo odgovore na pitanje jer ima puno pitanja koja su zaista postavljena i nenadležnim ministrima i da se dogovorimo ko kako će odgovoriti. Evo ja imam tri pitanja, moram sa dva nadležna ministra da vidim oko odgovora na njih. Tako da ja bih zamolio ako može pauza, ako ne mi ćemo krenuti pa vidjet ćemo kako će to izgledati.

Predsjedavajući:

Zahvaljujem. Evo neko bi od šefova klubova trebao podnijeti inicijativu da se da pauza. Mogu i ja dati pauzu veću od pola sata. Ali obzirom daje vrijeme ručka, pa možemo dati pauzu za ručak. Ako se kolegice i kolege slažu. Evo neko od šefova klubova neka se prijavi i ako se slaže da podnese inicijativu da se napravi pauza kako bi se i Vlada pripremila za odgovore a i ovi zaključci koji su potrebni za izjašnjavanje. Kako bi se iz procedure skupštinske prosljedili zastupnicima i o njima mogli izjasniti. Kolegica Danijela Kristić je tražila riječ izvolite.

Dopredsjedavajuća Danijela Kristić:

Ja zahvaljujem predsjedavajući. Pa ako može prijedlog da ne idemo sada opet sa pauzom jer stvarno imamo bitne tačke. Da se mi izjašnjavamo o zaključcima jer koliko sam vidjela ima dosta zaključaka i inicijativa o kojima se Skupština treba izjasniti. Pa dok se premijer i ministri pripreme da odgovore na pitanja mi možemo ovaj dio da riješimo oko zastupničkih inicijativa za izjašnjavanje. To je moj prijedlog.

Predsjedavajući:

Zahvaljujem. Kolega Marić poslovnička intervencija. Izvolite kolega.

Poslanik/zastupnik Zvonko Marić:

Zahvaljujem predsjedavajući. Ja sam zaista mislio da odgovore ako je moguće Vlada ali evo ima poteškoća predstavnici Vlade na zastupnička pitanja. Ali ovo usaglašavanje vezano i koordinacija. Moramo ipak neke inicijative nismo očekivali a s obzirom da nismo istom mjestu nama bi trebalo da se konsultiramo u okviru Kluba vezano za sve inicijative koje su podnesene. Pa ne znam dali je zgodno da sada kako dopredsjedavajuća evo kaže pauzu za ručak ili nešto ili na koji način. ali uglavnom da li da idemo sa ovim usmenim odgovorima pa da onda tražimo pauzu za ručak i eventualno za konsultacije vezano za zastupničke inicijative. Evo kako god odluče kolege ja sam za to. Ali sasvim sigurno da nam treba vrijeme za inicijative da razmotrimo i da vidimo da otklonimo neke nejasnoće i nedoumice. Pa vi kako god, kako god hoćete. Možete i dati da se na izjašnjavanje ovo što sam predložio.

Predsjedavajući:

U svakom slučaju nama treba pauza bar 10 minuta kako bi prosljediti zastupnicima sve zastupničke inicijative o kojima se traži izjašnjenje. Tako da možemo dati pauzu na zahtjev Kluba SBB pola sata ili ako se kolege i kolegice slažu pauza za ručak od sat vremena. To je opcija na koju evo i kolega Marić se slaže. I nama treba pauza svakako deset najmanje 15 za ovo što sam već kazao. Pa ukoliko se kolegice i kolege slažu sat vremena pauza. Ukoliko se ne slažu pola sata pauze. Evo dat ćemo na glasanje prijedlog Marića da ide svakako pauza i za ručak sat vremena. Da nastavimo u 14,00 sati. Možete napraviti anketu. Ako ne, dat ćemo

pauzu od pola sata kako bi pripremili sve materijale za zastupnike da se možemo o njima očitovati.

Molim zastupnike da glasaju u viber grupu. Molim samo da isključite mikrofon kolega Mariću. Molim zastupnike da glasaju u viber grupu kako bi mogli dati pauzu ili od sat ili pola sata. Zaključujem glasanje.

Za je glasalo 19 zastupnika, protiv 7 suzdržanih 4.

Konstatujem da smo usvojili prijedlog Marića za pauzu od jedan sat. Nastavljamo u 14,00 sati. Zahvaljujem.

NASTAVAK NAKON PAUZE

Predsjedavajući:

TVSA samo kada budete spremni, mi smo spremni za nastavak, možete nam javiti samo da. Za minutu ćemo krenuti s radom. Nastavljamo sa radom. 29. Radna sjednica Skupštine Kantona Sarajevo. Došli smo do tačke 1. Poslanička pitanja i inicijative. Kada Vlada odgovara na postavljena pitanja. Premijeru da li ste spremni sada da odgovorite na postavljena pitanja?

Premijer Mario Nenadić:

gospodine predsjedavajući, Vlada je tokom ove pauze pripremila odgovore na pitanja. U jednom dijelu korigovali smo samo one koji će odgovarati. U dijelu kako su im pitanja adresirana od strane uvažениh zastupnika u smislu da će na pitanja odgovarati nadležni ministri. Krenut ćemo sa Ministarstvom kulture i sporta, resornim ministrom Kenanom Alikadićem. Ministre.

Predsjedavajući.

Izvolite ministre Alikadiću.

Ministar Kenan Alikadić:

Uvažени predsjedavajući da li se čujemo? Uvažени predsjedavajući, zastupnici i zastupnice, članovi Vlade Kantona Sarajevo, uvažени premijeru, svi oni koji prate današnju sjednicu Skupštine Kantona Sarajevo sve vas srdačno pozdravljam. Krenut ću po onom redoslijedu kako su pitanja, odnosno zaključci delegirani, tako da ću prvo se osvrnuti na zaključak gospodina Stojanovića da se KK Bosna izdvoji 2 miliona iz budžeta Kantona Sarajevo za obnavljanje onoga što je KK Bosna bila. Svi smo mi bili svjedoci da je KK Bosna i ostali klubovi Bosna, koji su bili iz sportskog društva, kakvi su bili brendovi, sinonim ovog grada. Ono što želim da kažem jeste da je 2014 godine zadnji put KK Bosna apliciralo na sredstva Ministarstva kulture i sporta u onom obliku kako je bio ranije registrovan i poznat. Nakon toga došlo je do određenog ugovaranja sa jednim udruženjem Royal tako da je ove godine KK Royal se prijavio na sredstva koja se dodjeljuju putem javnog poziva. Ono što je vrlo bitno jeste da je njihova aplikacija koja je neophodna da bi kompletnu 2020 godinu proveli svoj takmičarski, trenazni proces, iznosila 514.000 KM. Mislim da je problem Bosne znatno veći od 2 miliona koja se navode ovdje. Ali ja nemam nikakav problem, sva ulaganja u sport ukoliko se Skupština Kantona Sarajevo odluči, su za mene ispravna. Mislim da je puno veći problem, ali naravno podržavam inicijativu da se ulaže u sport u povećanom obimu tako da ću svakako podržati da se ovo u rebalansu budžeta Kantona Sarajevo ukoliko će riješiti problem KK Bosna u potpunosti usvoji. Kada je u pitanju Rukometna reprezentacija gluhih, kada nam je to jutros delegirano, nisam imao taj dopis, međutim provjerom u sistemu, vidjeli smo da je taj dopis predat danas. Rukometno prvenstvo za gluhe je u 2020, ali obzirom da Ministarstvo kulture i sporta podržava 99% Reprezentacija BIH, da su u prethodnom periodu utkali u sve rezultate koje postižu reprezentacije BIH, finansirajući nerijetko njihove nastupe, onda kada je zakazala država, oni koji su bili pun pozvaniji da to rješavanju. Naravno Ministarstvo kulture i sporta će podržati jedan ovakav projekat. Kada je u pitanju tematska sjednica koju je

delegirao moj uvaženi kolega i prijatelj gospodin Amel Mekić, zna se kom se procedurom zakazuju sjednice, tako da ja sam spreman za tu sjednicu. Samo kada kažete da se ona organizuje, možemo doći i razgovarati o problemima u sportu kojih zaista ima mnogo u Kantonu Sarajevo, gdje su sportisti i treneri u vrlo lošem statusu, gdje nemaju naknadu ni nagradu za sve ono kako predstavljenu BIH i Kanton Sarajevo na domaćoj i ino sceni i u potpunosti se zalažem zajedno sa kolegama kojih mislim da ima dovoljno u Skupštini Kantona Sarajevo koji bi bili voljni da se ovaj problem jednom konačno riješi. Razmišljao sam čak da se krene u realizaciju, odnosno usvajanje Zakona o pravima i obavezama vrhunskih zaslužnih sportista u Kantonu Sarajevo kako bi sa nekim pravima i obavezama definisali, imali mogućnost da tim ljudima damo podstrek za sve ono što rade i način na koji predstavljaju BIH. Kada je u pitanju uvažena zastupnica dr. Junuzović ona je delegirala pitanja koji je osnov za dodjelu sredstva. Moram reći da je osnov isti onaj koji je propisan u javnom pozivu. Taj osnov je ona kao zastupnica u Skupštini Kantona Sarajevo usvojila 28. 02.2019 godine. On je objavljen u Službenim novinama 9/19 tako da ukoliko ima nekih nejasnoća po pitanju kriterija može ih naći tamo. Ove godine, znate da je javni poziv raspisan vrlo transparentno, da su svi rezultati javni, da je to nešto što je bilo neophodno, kako bi svi imali priliku da vide kako se dodjeljuju sredstva koja su sredstva građana Kantona Sarajevo. Ističem da je ovo prvi put u poslijeratnom periodu da je javni poziv organizovan na ovaj način, tako da su kriteriji koji su precizirani u javnom pozivu, koji su decenijama ranije donešeni a doživjeli su svoje izmjene i u novom obliku su usvojene kao što sam rekao 28.02.2019 godine. Zašto neka fizička i druga lica, dobijaju sredstva na istu temu. Pa obzirom da je BIH vrlo demokratska država da svi imaju pravo prijave na javni poziv, nemoguće je zabraniti nekom fizičkom licu ili drugom aplikantu da se prijavi sa nekom temom koja je vezana za Srebrenicu. Mi ove godine imamo desetine aplikanta koji su se prijavili sa tom temom i bilo bi apsurdno reći da ukoliko samo jedan aplikant dobije temu Srebrenice da niko više ne može da dobije Srebrenicu. Pa tako npr. neko dijete koje je preživjelo golgote Srebrenice nema pravo kao fizičko lice napisati knjigu koja se tiče njegovih vrlo loših i bolnih sjećanja kada je u pitanju Srebrenica. Kada je u pitanju zašto su karate klubovi u Kantonu Sarajevo dobili, opet se vraćam, mi smo demokratsko društvo, svi oni koji ispune propozicije, uslove javnog poziva, imaju pravo da se finansiraju. Ja dolazim iz porodice karate sportova. Bio sam jedan od onih koji su osvojili 5 europskih medalja na EU i dvije svjetske. I ovom prilikom sam želim reći jednu stvar. Ukoliko bi dodjela sredstava karate klubovima u Kantonu Sarajevo bilo problem zato što sam ja ministar koji dolaze iz porodice karate sportova, ja ću odmah sutra podnijeti ostavku jer neću dopustiti da karate sport u BIH, koji je najtrofejniji sport, koji je proslavio ovu državu, koji je zaista sinonim jednog reprezentativnog djelovanja kako se bori za svoju državu. Nisam spreman podnijeti tu žrtvu da sport ispašta zbog mene i ukoliko je to cijena koju ja moram platiti, zato što su karate klubovi dobili sredstva. Svi su ispunili uslove iz javnog poziva, imaju i svjetsku medalju iz prethodne godine. Imaju i kandidati koji se spremaju za olimpijske igre i nisam spreman kao ministar, generalno da sport u Kantonu Sarajevo ispašta zbog toga što sam ja iz porodice karatea. A pogotovo karate koji je stvar koju najviše volim u sportu. Zašto su neki aplikanti dobili sredstva za projekte koji neće biti realizovani? Mi smo sredstva dodjeljivali, potpisivali smo ugovore za sve one aplikacije, odnosno projekte koji su aplicirani na sam javni poziv. Tako ukoliko neko ko je potpisao ugovor ne bude u mogućnosti da realizuju svoj projekat naravno bit će obavezan da vrati sredstva u budžet Kantona Sarajevo. To su projekti koji su nama delegirani i kao takvi nisu imali nikakav osnov ukoliko neko ne odustane, a bilo je par onih koji su odustali jer su rekli da ne mogu realizovati svoje projekte, tako da oni neće ni biti realizovani. Svi ovi koji ne uspiju realizovati svoje projekte, dobili su sredstva i potpisali ugovor, bit će obavezni da ih vrate u budžet Kantona Sarajevo. Vrlo mi je drago da je uvažena doktorica delegirala uključivanje inspektorata i Ureda za borbu protiv korupcije u rad Ministarstva kulture i sporta Kantona Sarajevo. Ovo je najtransparentniji poziv poslije rata. I vrlo mi je drago. Mislio sam na kraju godine da uputim dopis, ali obzirom da je ona delegirala ovo pitanje, već sutra ću uputiti dopis nadležnim institucijama, odnosno inspekcijama da se uključe u kontrolu svih

onih aplikanata koji su dobili sredstva u Kantonu Sarajevo. I naravno to ćemo predočiti nakon toga. I mislim da će konačno građani Kantona Sarajevo moći da vide koji su rezultati ovog vrlo transparentnog javnog poziva koji je bio ove godine. I naravno imat će mogućnost da vide kakvi su bili javni pozivi prethodnih decenija u Kantonu Sarajevo i mislim da će to dati najbolju sliku i priliku onoga kako je radilo Ministarstvo kulture i sporta Kantona Sarajevo u periodu kada sam ja došao na čelo istog. Kada je u pitanju Zavod za zaštitu kulturno historijskog naslijeđa, odnosno pitanje uvaženog gospodina Marjanovića želim reći da ne znam tačno sada imena osoba koje su se odrekle rada u UO zbog svoje naknade. Mi u četvrtak na sjednici Vlade imamo na dnevnom redu imenovanje 12 UO i NO ustanova kulture u Kantonu Sarajevo. Zaključak koji ste danas delegirali će onemogućiti da se ti UO i NO konstituiraju tako da kulturne ustanove mogu, kad je u pitanju moj resor, mogu u narednom periodu očekivati da će imati potpunu blokadu u svom radu. Također gospodin Marjanović rekao da mu se dostavi ugovor. Nije nikakav problem. Ugovori su tipski. Tamo su navedene neke stvari koje su da kažem povjerljive, kao što su matični brojevi, ukoliko se radi o fizičkim licima ili o maloljetnim licima za koje potpisuju roditelji. Mi imamo oko 620 ugovora koje ćemo svakako čim se ukaže prilika skenirati i dostaviti na uvid. Oni nemaju ništa sakriti. Vrlo su javni i transparentni. Tako da su tipski ugovori koji su definisali prava i obaveze koje smo mi dogovorili odnosno precizirali u samom javnom pozivu, odnosno aplikant sa njegovim projektom. Tako da nije nikakav problem. Mi ćemo te ugovore dostaviti onog trenutka kada bude sve spremno po samoj proceduri. Kada je u pitanju inicijativa gospodina predsjedavajućeg, Princes krofne. Zna se kako neko udruženje ulazi u budžet Kantona Sarajevo. Zato je neophodno da se ono proglašeno od interesa za Kanton Sarajevo, zato su potrebne detaljne analize koje mi naravno možemo uraditi. Uraditi inspekcijski nadzor po pitanju poslovanja, sredstava koja su ranije dobijali, kako su ih pravdali. Možemo taj materijal spremati. Ukoliko Skupština Kantona Sarajevo smatra da jedno udruženje kao što je ovo navedeno trebalo da bude na budžetu Kantona Sarajevo da bude proglašeno od značaja za Kanton Sarajevo, ja kao ministar nemam nikakvo pravo da se protivim tome jer je to isključivo nadležnost Skupštine jer sva ona udruženja koja vi predložite da budu od značaja za Kanton Sarajevo i budu finansirana pod drugačijim uslovima koja su propisali i koje smo ugovore potpisivali, ja u potpunosti podržavam tako, jer je to isključiva volja Skupštine. Kada je u pitanju Muzej Srebrenice, Muzej Srebrenice se nije prijavljivao na javni poziv u 2020. naravno mi stoji na raspolaganju i uvijek ćemo podržati sve one projekte koji evociraju sjećanja na rat, pogotovo na najveću svetinju Bošnjaka, kao što je Srebrenica. Tako da postoji mogućnost djelovanja ministra diskrecionog gdje može dodijeliti određena sredstva ukoliko se pokaže da je neki projekat vrlo bitan. Muzej Srebrenice samo je bitno da se obrati Ministarstvu kulture i sporta sa konkretnim prijedlogom a ne sa zahtjevom za plate. Mi ćemo svakako udovoljiti jednom takvom zahtjevu jer svi znamo kakav je Muzej Srebrenice. I kakav on ima značaj za sam rat odnosno agresiju BIH? Hvala.

Predsjedavajući:

zahvaljujem uvaženi ministre Alikadiću. Premijeru ko nam je sljedeći?

Ministrica Nihada Glamoč:

cijenjeni predsjedavajući čujemo li se? Cijenjeni predsjedavajući, uvaženi zastupnici, cijenjeni gledaoci srdačno vas pozdravljam pošto se prvi put javljam. Ja ću evo pokušati da odgovorim na sva postavljena pitanja ko ja ste danas uputili., prvo pitanje odnosi se od cijenjenog zastupnika Poturka, kada je u pitanju sanacija kanalizacione mreže u ulici Bojnička. On od prvog dana kada je uputio zahtjev Ministarstvo je reagovalo i po pitanju preduzeća VIK i u saradnji s općinom gdje se na terenu ekipe VIK-a su utvrdile da bilo kakva privremena sanacija na jednom objektu Bojnička 95 bi ugrozio stabilnost postojećeg objekta. Uradilo se tehničko rješenje, doduše i to je privremenog karaktera, i gdje će preduzeće VIK, sačinjena je specifikacija, ti troškovi iznose negdje oko 42.000 KM, izmjestiti će se dionica od 90 metara, tako da će se izvršiti samo sanacija od 3 objekta. Od broja 92 do broja 95, a iznalazimo

shodno regulacionom planu, zajedno sa općinom Ilidža trajno rješenje gdje bi se u narednoj godini izvršila sanacija kompletnog kanalizacionog cjevovoda, odnosno rekonstrukcija u dužini od 900 metara. Ja se iskreno nadam da će VIK prije ovih završetka sezone građenja izvršiti ovu sanaciju. Drugo pitanje, ujedno ću odgovoriti i na pitanje cijenjenog zastupnika Mekića i zastupnika Vrete što se tiče nabavke GIS sistema javne rasvjete. Ovo ipak prilika i jako mi je drago cijenjeni zastupniče što ste uputili pitanje nabavke ovog samog sistema i da imam priliku da sve zastupnike u Kantonu Sarajevo i cijenjenog predsjedavajućeg da upoznam s ovim projektom. Nabavka GIS sistema javne rasvjete u Kantonu izuzetno neophodna. U Ministarstvu komunalne privrede trenutno postoje 2 osobe, jedan elektroinženjer, i jedan zaposlenik sa SSS gdje zaprimaju sve kvarove na sistemu javne rasvjete. Što se tiče samog održavanja javne rasvjete, smatram lično da treba puno više uraditi, i sigurno ne samo kroz ovaj sistem nego u narednom periodu i puno toga preko lokalnih zajednica i Kantona da se uradi. Znači u periodu kada sam došla u ovo Ministarstvo uradili smo pravilnik za izgradnju i održavanje javne rasvjete usaglašen sa lokalnim zajednicama. Bio je u javnoj raspravi mjesec dana i u junu mjesecu je usvojen. Nakon toga je Ministarstvo komunalne privrede formiralo komisiju za nabavku softvera i izradu projektnog zadatka i samog projektnog zadatka za nabavku GIS sistema javne rasvjete i ostalih modula koje u ovom trenutku. U komisiju je angažovano pet članova od toga su tri člana iz Ministarstva komunalne privrede, dva člana eksterni članovi. I u komisiji su dva člana elektroinženjera, dva mašinska inženjera i jedan ekonomista. Znači.

Predsjedavajući:

gospođo Nihada ja bih vas lijepo molio samo da odgovarate na postavljena pitanja za koja su tražili usmeni odgovor. Kolega Mekić je tražio pisani odgovor i to je evo na grupi nama proslijedio. I molim vas da se držite u skladu s Poslovníkom koliko Poslanik/zastupnik ima pravo da postavi pitanje toliko vi imate isto da odgovorite. Znači 3 minute imate i vi da odgovorite na postavljena pitanja. I da vodite računa o tome. Hvala vam.

Ministrica Nihada Glamoč:

hvala predsjedavajući. Zahvaljujem. Znači što se tiče GIS sistema javne rasvjete izabran je dobavljač Gaus, u Sarajevo gasu je taj dobavljač od 2009 godine, a GIS sistem u Sarajevo gasu je od 1995 godine. Znači o izboru dobavljača kada je bilo i izvođača niti sam učestvovala niti sam radila na izboru tih dijelova. To je što se tiče tog pitanja. Pitanje drugo koje se odnosi na informacioni sistem, apsolutno je netačna bilo kakva da se radi trenutna specifikacija za bilo kojeg dobavljača. Ono što je trenutno u planu nabavke jeste da se nabavi jedinstven informacioni sistem za sva komunalna preduzeća. Trenutno se obilazi četvrto preduzeće gdje se snima i pravi se analiza stanja gdje će u konačnici učestvovati svi. Svako preduzeće će predložiti člana jednog koji će raditi na evaluaciji i izboru samog informacionog sistema. Znači trenutno se radi analiza u Toplanama, završeni su Sarajevo gas, RAD i VIK. I u naredne tri sedmice će biti analiza stanja u ostalim preduzećima na osnovu čega će se formirati komisija koja će napraviti specifikaciju i nakon toga će se uraditi izbor informacionog sistema. Kada je rekonstrukcija javne rasvjete odgovor cijenjenom zastupniku Vreti. Apsolutno na području Lužana i Pejtona je neophodna rekonstrukcija javne rasvjete i trenutno sa opštinom radimo na izradi plana kako bi se u narednom periodu kompletna ulica Jahijela Fincija i ovaj drugi dio Pejtona u cijelosti mogao zamijeniti. Ono što je u nadležnosti Ministarstva komunalne privrede zamjena i samog održavanja to smo obišli teren i koliko je moguće to ćemo izvršiti zamjenu svjetiljki, međutim zbog neophodnosti rekonstrukcije to neće moći odmah u ovom trenutku biti realizovano. Još jedno pitanje koje je bilo odgovorit ćemo po pitanju preduzeća VIK koje je bilo upućeno premijeru, ja ću da odgovorim. Što se tiče samog zakazivanja sjednica shodno i dopune dnevnog reda, shodno članu 12 i 15. sjednica je zakazana shodno Poslovníku i isto tako izvršena u Poslovníku članom 12 i dopuna dnevnog reda je izvršena shodno članom 15 Poslovníka o radu NO. Da li je izvršena smjena

na zakonit i transparentan način direktora Envera Hadžiahmetovića iskreno rečeno mogu samo da evo konstatujem u ovom trenutku, pošto pravi odgovor ne znam, na pitanje prošle godine kada smo uputili Vladi Kantona na isti način kada je izvršena smjena direktorice Sarajevo gasa, isto na dopuni dnevnog reda. Dobila sam odgovor da je urađeno sve u skladu sa zakonom i transparentno. Pa onda nemam nikakvu dvojbu da i ovaj put nije urađeno na taj način. I drugi dio da li je Skupština preduzeća dala ovlaštenje u skladu sa zakonom advokatskoj kancelariji. Po onim saznanjima koje sam dobila u ovom trenutku od preduzeća je upućen dopis 29.07. od uprave preduzeća da se Skupština preduzeća prema općinskom sudu mora očitovati 04.augustu i znači 29. Skupština preduzeća je donijela odluku i ovlastila punomoć advokatskoj kancelariji. Zahvaljujem. Sljedeći je ministar Kalem.

Predsjedavajući:

zahvaljujem uvažena ministrice. Ministre Kalem izvolite.

Ministar Adi Kalem:

zahvaljujem predsjedavajući. Poštovani predsjedavajući, dopredsjedavajući, uvaženi zastupnici, gledaoci pored malih ekrana sve vas srdačno selamim i pozdravljam. Imao sam jednu inicijativu i par pitanja. Svakako pokušat ću na sva pitanja da odgovorim. Inicijativa uvažene zastupnice Amre Hasagić je bila vezano za ulicu Blagovac 1 da se postave saobraćajni znakovi i usporivači saobraćaja. Ja sam već promptno reagovao, proslijedio sam inicijativu Direkciji za puteve Kantona Sarajevo i sektoru za sigurnost saobraćaja. Naravno oni će skupa sa lokalnom zajednicom iznaći najbolje rješenje jer jako su nam biti životi građana i djece koji se kreću tim putem. Između ostalog, uvaženi zastupnik Elvis Vreto je pitao kada će se raditi isključna traka prema Vlakovu od strane Hadžića? Ovo nije u direktnoj nadležnosti ni Ministarstva ni Direkcije za puteve Kantona Sarajevo obzirom da postoji projekat koji se realizuje kroz javno preduzeće Autoceste FBiH koliko po mojim informacija tri ili četiri puta je padao tender. Radi se o LOT 3B gdje će napokon biti riješeno pitanje priključka za Vlakovo sa te lokacije. Uvaženi zastupnik Vedran Jakupović je postavio pitanje vezano za Zakon o izmjenama i dopunama Zakona taksi prijevoza. Sa akcentom da se omoguće vozila za osobe sa invaliditetom. Komisija je formirana 15.09. je dostavljen materijal komisiji na razmatranje. Tako da očekujemo da ćemo imati Zakon pred skupštinom Kantona Sarajevo. Uvaženi zastupnik Zvonko Marić zahvaljujem se na postavljenom pitanju obzirom da i danas razmatramo tačku koja se tiče Grasa i stanja u kojem se nalazi Gras. Svakako da ćemo pripremiti i pismenim putem dostaviti o tome ko su ti odgovorni ljudi, naravno aludirajući i na ministre u Vladi Kantona Sarajevo i aludirajući na upravljačke strukture u Grasu. I imam još dva pitanja a tiču se pitanja uvaženog zastupnika Vitora Handžića. Ja se stvarno izvinjavam ako ste dobili pogrešan odgovor. Dostavit ćemo vam adekvatan i pravovremen odgovor za parking mjesta. I pitali ste me koliko ima ljudi koji ne mogu otići u penziju zbog neplaćenih penzija Grasa i koliko ima ljudi koji su otišli u penziju po nepovoljnim uslovima. Svakako ova Vlada od aprila mjeseca radi na penzionisanju uposlenika u Grasu. Mi smo već uplatili određeni iznos od 1,2 miliona Km za penzionisanje 37 osoba. Obzirom da je kada sam sjeo na ovu funkciju bilo oko 135 osoba koje su otišle po nepovoljnijim uslovima, mi smo počeli da uvodimo i novu praksu da uplaćujemo razliku za ove ljude koji su otišli po nepovoljnijim uslovima, da napokon dobiju pravu penziju. Sada trenutno imamo 132 čovjeka koji su otišli u penziju po nepovoljnim uslovima. Zahvaljujem.

Predsjedavajući:

zahvaljujem ministre Kalem. Imamo li još nekoga ko je spreman da odgovori na postavljena pitanja?

Ministar Anis Krivić:

poštovani predsjedavajući, uvaženi zastupnici, građani Kantona Sarajevo sve vas srdačno pozdravljam i odgovarat ću na pitanja kako su redosljedom i postavljena. Uvaženi zastupnik

Marjanović. Odgovor na pitanje da je javni poziv okončan. Komisija za evaluaciju i ocjenu pristiglih aplikacija je formirana te će početi sa radom u ovoj sjednici, budući da nema mnogo prijava, možemo očekivati da će rezultati javnog poziva biti poznati u toku sljedeće sedmice a samim tim i dinamika realizacije navedenog javnog poziva. Pitanje uvažene zastupnice Vildane Bešlije. Naime, u cilju realizacije nastavnog procesa u vrijeme pandemije izazvane korona virusom Ministarstvo za obrazovanje, nauku i mlade Kantona Sarajevo pokrenulo je inicijativu da se obezbijedi internet konekcija za učenice koji su u stanju socijalne potrebe. S tim u vezi, ostvarena je uspješna saradnja sa kompanijama BH Telecom i Telemach. Navedene kompanije u saradnji sa Ministarstvom za obrazovanje, nauku i mlade Kantona Sarajevo su ponudile svoju pomoć i podršku te će obezbijediti svim učenicima u Kantonu Sarajevo pristup internetu. Na taj način svi učenici u Kantonu Sarajevo će imati jednake uslove za praćenje online nastave i nastave na daljinu a koji su vezani za internet konekciju. Na žalost prema prikupljenim podacima utvrđeno je da određeni broj učenika pored nedostatka internet konekcije koji nemaju uređaja, računar, laptop ili mobitel za praćenje online nastave, Ministarstvo za obrazovanje nauku i mlade Kantona Sarajevo će u narednom periodu raditi na iznalaženju rješenja za navedeni problem s tim da bih napomenuo da resursi škola su učenicima stavljeni na raspolaganje. Napomenuo bih također da kombinovani model nastave koji se realizira u Kantonu Sarajevo u posljednje vrijeme, podrazumijeva da samo određeni jedan broj učenika pohađa online nastavu i da su praktično ti brojevi kada govorimo o nedostatku tih sredstava prepolovljeni. Pitanje uvažene zastupnice Duraković. Uvažena zastupnice na prvi dio pitanja mogu odgovoriti da na kurikularnoj reformi su nam angažovani ekspertna radna grupa za izradu nastavnih programa predškolskog osnovnoškolskog i srednjoškolskog obrazovanja. Zasnovanih na ishodima učenja u Kantonu Sarajevo čiji je zadatak organizirati sve potrebne korake i upute za ostale timove, saradivati na izradi dokumenata kurikuluma, zakazivati i voditi sastanke, izvještavati Ministarstvo i druge nadležne institucije o urađenim aktivnostima te saradivati s predstavnicima međunarodnih nevladinih organizacija koje pomažu u reformi obrazovanja u Kantonu Sarajevo. Navedena ekspertna radna grupa broji ukupno 12 članova i članica različitih profesija predškolskog, osnovnoškolskog, srednjoškolskog i univerzitetskog obrazovanja. Također imamo stručni tim za izradu dokumenata kurikuluma Kantona Sarajevo čiji je zadatak raditi na izradi dokumenata predmetnih kurikuluma, pravilnika za vrednovanje i ocjenjivanje, kontinuirano biti u kontaktu sa stručnim timovima za izradu predmetnih kurikuluma. Predstavnicima ministarstva kao i članovima ekspertne radne grupe pisati upute i pravilnike za korištenje kurikularnih dokumenata. Pohađati edukacije potreban za izradu kurikularnih dokumenata kao i educirati druge nastavnike i članove stručnih grupa za izradu predmetnih kurikuluma po potrebi. Stručni tim broji ukupno 14 članova i članova različitih profesija. Imamo tim za vođenje i praćenje eksperimentalne nastave zasnovane na primjeni ishoda učenja u nastavi iz predmeta bosanski jezik i književnost, hrvatski jezik i književnost, srpski jezik i književnost Kantona Sarajevo. Tim broji tri članice, nastavnice razredne nastave. I nastavnica bosanskog jezika i književnosti, srpskog jezika i književnosti čiji je zadatak praćenje i usmjeravanje eksperimentalnog programa, redovno izvještavanje o eksperimentalnom programu u Ministarstva ekspertne radne grupe za izradu nastavnih programa predškolskog, osnovnoškolskog odgoja i obrazovanja i srednjoškolskog obrazovanja zasnovanih na ishodima učenja u Kantonu Sarajevo. I 6. škole koje učestvuju u eksperimentalnom programu kontinuirano biti u kontaktu sa nastavnicima uključenim u programima eksperimentalne nastave, posjećivati pratiti raditi u eksperimentalnim učionicama u šest osnovnim školama u kojima se provodi eksperimentalna nastava. Imamo stručne timove za izradu predmetnih kurikuluma čiji je zadatak izrada cjelokupnim predmetnih kurikuluma zasnovanih na ishodima učenja. Angažovana su 23 tima sa ukupno 78 članova i članova i članica različitih profesija iz predškolskog, osnovnoškolskog, srednjoškolskog i univerzitetskog obrazovanja. Ja tu imam i 10 listova koji se odnose na dio pitanja koji se odnosi na same finansije. Budući da je sastanak sa svim učesnicima kurikularne reforme u Ministarstvu za obrazovanje, nauku i mlade zakazan za 39, ja bih evo ove silne tabele dostavio u pismenoj formi uvaženoj zastupnici, a

svakako nakon sastanka i nakon utvrđivanja definitivnog izvještaja o napretku kurikularne reforme bih detaljno uvaženu zastupnicu informisao o sva tri postavljena pitanja. Na pitanje uvaženog Stojanovića i uvaženog zastupnika Suljevića, uvaženi zastupnici zbog kompleksnosti postavljenog pitanja, i većeg broja prpratne dokumentacije a u cilju preciznog i pravovaljanog odgovora, zaista ne bih želio da ostanem nedorečen ili da određeni dio odgovora ne bude odgovoren ili da ne bude precizna zbog osjetljivosti navedenog pitanja, zamolio bih da odgovor dostavim u pismenoj formi sa svim dokumentima i svim priložima koji se u njima nalaze. To podrazumijeva tri postavljena pitanja uvaženog zastupnika Stojanovića i pet pitanja uvaženog zastupnika Suljevića. Na pitanje uvažene zastupnice Bilsene Šahman informisao bih da je Ministarstvo za obrazovanje nauku i mlade uputilo zahtjev i inicijativu za izmjenu kolektivnog ugovora u onom dijelu koji se odnosi na uvjete i eventualno finansiranje sindikata. Napominjem da ću o dinamici realizacije ovih aktivnosti blagovremeno svakako obavještavati uvaženu zastupnicu. Na pitanje uvaženog zastupnika Vrete, odgovorio bih da sam obaviješten od strane Sektora za saobraćaj Ministarstva za obrazovanje nauku i mlade, da je odgovor na njegovu inicijativu poslan ranije, također dodajem da ću isti odgovor uvaženom zastupniku Vreti uputiti u toku ove sedmice sa svim priložima koji se nalaze u prilogu ove informacije koja je već ranije poslana. Želim se zahvaliti svim zastupnicima na upućenim pitanjima. Najavio bih ministra za boračka pitanja, gospodina Grabovicu. Hvala vam.

Ministar Hajrudin Grabovica:

Zahvaljujem uvaženi ministre Grabovica izvolite, imate riječ.

Ministar Hajrudin Grabovica:

Uvaženi predsjedavajući, dopredsjedavajući, uvaženi zastupnici, poštovani gledaoci TVSA sve vas srdačno pozdravljam. Posebne pozdrave upućujem pripadnicima boračke populacije. Naime uvaženi zastupnik Sabahudin Delalić je postavio zastupničko pitanje da li je Ministarstvo za boračka pitanja zaprimilo zahtjev za proširenje Aleje veterana od KJKP Pokop i kada će taj zahtjev biti realiziran. Prilikom usvajanja budžeta Kantona Sarajevo za 2020 godinu, te ponovo krajem aprila praktično ove godine KJKP Pokop je dostavilo podatke o aktivnostima vezanim za Aleju veterana u kojem su navedeni tekući i planirani projekti koji se odnose na Aleju veterana. Ministarstvo za boračka pitanja je odgovorilo KJKP Pokop aktom broj:06-11-11051/20 od 04.05 tekuće godine. U cilju informisanja zastupnika kao i javnosti ističem da Ministarstvo za boračka pitanja nema zakonskih obaveza niti nadležnosti za osiguranje ukupnih mjesta za lica iz boračke populacije uključujući rješavanje imovinsko pravnih odnosa, u cilju osiguranja zemljišta za ukop niti kasnije uređenje na gradskim grobljima. Sve navedeno obaveza je KJKP Pokop i resornog Ministarstva komunalne privrede koji vrše nadzor nad radom KJKP Pokop u saradnji sa drugim nadležnim subjektima. Ipak, kako bi se osigurao dostojanstven ukop odnosno odgovarajuća lokacija Ministarstvo za boračka pitanja je od 2010 do 2019 godine za izgradnju, uređenje i proširenje Aleje veterana i osiguralo i KJKP Pokop doznačilo ukupno 2.485.000 KM. U 2010 jedan milion u 2011 835.000 KM, u 2016 200.000, u 2018. 250.000 i u 2019. 200.000. Toliko hvala.

Predsjedavajući:

Zahvaljujem ministre. Ko nam je sljedeći?

Ministar Draško Jeličić.

Dobar dan. Pozdravljam sve zastupnike kao i cijenjene gledaoce KTV. Ja se zahvaljujem na pitanjima koja su postavili zastupnici na ona koja se odnose na ministarstvo zdravstva gdje obavljam privremenu funkciju ministra zdravstva cijenjenoj zastupnici Dizdarević Neiri koja je postavila više pitanja htio bih da odgovorim, ona je postavila pitanje o Esencijalnoj listi lijekova koja je bila spremna još u januaru ove godine ali je zbog promjene Vlade odnosno Ministarstva ostavljeno da novi mandat ministara, odnosno nova Vlada o tome raspravlja. U

međuvremenu desila se situacija sa korona virusom i došlo je do isteka mandata komisije za lijekova, koja je u međuvremenu formirana i očekuje se da će vrlo brzo doći do usaglašavanja liste lijekova Kantona Sarajevo sa Federalnom listom lijekova. A što se tiče pitanja za lijek koji koristi ova djevojčica a zove se Sildenafil. Lijek Sildenafil svakako nije sastavni dio Federalne liste pa tako ni usaglašavanje kantonalne sa federalnom listom neće uvrstiti taj lijek na kantonalnu listu, što znači da neće taj lijek dobivati na neki drugi način neko preko Kantonalnog Ministarstva zdravstva koji će u saradnji sa Zavodom zdravstvenog osiguranja a to je praksa već godinama da se putem posebnih programa mjera finansira ovaj lijek i isti se pacijenti obezbjeđuju na takav način. uz normalno prikazivanje potrebne dokumentacije. Ja bih molio sada suradnike iz Ministarstva da ona stručna pitanja koja su postavila cijenjeni zastupnici daju i precizan odgovor. Hvala lijepa.

Predsjedavajući:

Zahvaljujem ministre a šefice Kriznog štaba izvolite.

Šef Kriznog štaba Kanton Sarajevo Alma Pilav.

Dobar dan. Hvala gospodinu ministru. Ja bih samo u ime Kriznog štaba Kantonalnog Ministarstva zdravstva i kolega iz kantonalnog Ministarstva zdravstva dala odgovore na tri pitanja koja su postavili uvaženi zastupnici prof. Marjanović a tiče se izrade Akcionog plana provede Zaključaka Skupštine Kantona Sarajevo usvojenih na sjednici održanoj 25.08.2020. godine. Ja bih iskoristila priliku da vas informiram da je Vlada Kantona Sarajevo donijela akcioni plan provedbe zaključaka Skupštine Kantona. Akcioni plan je zaključkom Vlade donesen 28.09.2020. godine na današnjem na nastavku 31.sjednice a nakon što je Ministarstvo zdravstva u saradnji sa Kriznim štabom za praćenje i analizu situacije izazvane novim korona virusom i naučnim savjetodavnim tijelom ovog resornog Ministarstva kao i nadležnim javnim zdravstvenim ustanovama i institucijama pripremio i dostavilo Vladi Kantona Sarajevo konačan tekst ovog Plana. U 16 tačaka pojedinačno, detaljno su opisani koraci implementacije skupštinskih zaključaka s načinom implementacije, odgovornim institucijama te vremenskim okvirom za njihovu implementaciju. Akcioni plan stupa na snagu danom donošenja to je 28.09 današnji dan i bit će dostavljen Skupštini informativno. Želim vas informirati da je zapravo ovaj Akcioni plan u formi u kojoj je pripremljen već dostupan na web stranici Vlade Kantona Sarajevo. Drugo pitanje je postavila uvažena zastupnica gđa Vildana Bešlija, a tiče se jednog od skupštinskih zaključaka a to je tačnije zaključak 16 u kome se kaže obavezuje se Vlada Kantona Sarajevo i Ministarstvo zdravstva Kantona Sarajevo da formiraju koordinaciono tijelo sastavljeno od stručnjaka iz oblasti mentalnog zdravlja koje bi ponudilo preporuke i neophodne mjere u očuvanju mentalnog zdravlja za Kanton Sarajevo. Ministarstvo zdravstva Kantona Sarajevo je pokrenuo odmah p tom zaključku aktivnosti na formiranju koordinacionog tijela koje će donijeti mjere i preporuke neophodne za zaštitu mentalnog zdravlja stanovništva Kantona Sarajevo na svim nivoima zdravstvene zaštite. Primarni cilj je prevenirati štete odnosno mentalne poremećaje nastale pojavom epidemije korona virusa. Zadužena institucija Ministarstvo zdravstva Kantona Sarajevo koje je kao što sam rekla odmah pokrenulo te aktivnosti što znači da se pristupilo atipiranju stručnjaka iz javnog zdravstvenih institucija Kantonu Sarajevo koje se bave tim problemom i u toku je implementacija. Dakle u radu koordinacionog tijela čije imenovanje komisije treba da uskoro uslijedi jer s u toku imenovanja stručnjaka učestvovat će stručnjaci svih nivoima zdravstvene zaštite sa multidisciplinarnim pristupom. Treće pitanje postavio uvaženi zastupnik gospodin Elmedin Konaković. I vezano je za dostavu podataka rezultata PSR testiranja u Kantonu Sarajevo. Mi vas informišemo ovim putem da se u svim institucijama odnosno laboratorijima koje su certificirane u Kantonu Sarajevo i rade PSR testiranja da su podaci o PSR testovima rezultatima unose se u COVID-19 bazu, odnosno federalnu bazu, i naravno ovaj dio koji se odnosi na Kanton Sarajevo. To su laboratorije KCUS, Veterinarskog fakulteta, privatne laboratorije Alea, Eurofarm, Al Tawil i još je nedavno privatna laboratorija Mikrobiloška jedna certificiranja. Što znači da one podatke koje

vi dobivate svako jutro iz Zavoda za javno zdravstvo Kantona Sarajevo broj potvrđenih testova su zapravo testovi koji dolaze iz svih laboratorija koje su registrovane za provođenje PSR testiranja. Znači kompletne baze podataka. I drugi dio mislim da se odnosio na serološka testiranja. Dakle rezultati seroloških testiranja po pravilima Svjetske zdravstvene organizacije nisu nužni zbog njihove potpune nesenzitivnosti da se izvještavaju na taj način jer je zlatni standard PSR testiranja. Hvala lijepo.

Predsjedavajući:

Zahvaljujem. Imamo li još od nekoga članova Vlade da odgovori na postavljena pitanja? Ukoliko nema, imamo nezadovoljstvo odgovorima. Premijeru jesmo li odgovorili? Premijer nije odgovorio.

Premijer Mario Nenadić.

Poštovanje ja sam trebao, evo još očekujemo odgovore gospodina Faruka Kapidžića i gđe Jasne, ali evo dok se oni pripreme za odgovore. Ja bih odgovorio na dva pitanja. Prije svega pitanje uvažene zastupnice Segmedine Srne, koja je postavila pitanje vezano za Pravilnik o izmjeni Pravilnika o unutrašnjoj organizaciji Kabineta prevladavajućeg i zamjenika predsjedavajućeg Skupštine Kantona Sarajevo sa organizacionom šemom kabineta. Naime, to je pitanje Vlada razmatrala na prijedlog šefice kabineta predsjedavajućeg i zamjenika predsjedavajućeg Skupštine Kantona Sarajevo. U kabinetu prevladavajućeg i zamjenika predsjedavajućeg zaposleno je 10 osoba od čega je bilo 5 državnih službenika i pet namještenika. Predmetnom izmjenom nije bilo proširenja sistematizacije ostalo je također 10 zaposlenih. Ali je po novom pravilniku 4 državnih službenika i 6 namještenika. Od ovih 6 namještenika 3 su vozača, 2 tehnička sekretara. U novoj sistematizaciji dodaje se viši referent za informaciono dokumentacione poslove a iskazana je potreba za takvim radnim mjestom. Prijedlog je došao od strane šefice kabineta gđe Aide Arap jer je jedna od tehničkih sekretarki, ukupno su zaposlene dvije, na dužem bolovanju i ona se obratila šefici kabineta sa zahtjevom za promjenu radnog mjesta zbog bolesti da će trajati i u narednom periodu. Pribavljena su mišljenja Ministarstva pravde, Ministarstva finansija i nadležnih institucija i Vlada nije prepoznala nikakve druge razloge osim praktičnih razloga gdje se tražila promjena u sistematizaciji iz razloga potreba za ovakvom vrstom poslova kako su u sistematizaciji opisani. Vezano za pitanje uvaženog zastupnika gospodina Elmedina Konakovića, a to je pitanje bilo u vezi sa blokadom Agencije poslovnost mogu reći direktno da je jedino Vlada Kantona Sarajevo pa evo ako treba i ja lično da sam u četvrtak 04.09.2020. odmah nakon sjednice Vlade koja je bila u toku i po saznanju za predmetni problem kontaktirao direktora KUIP prije toga kontaktirao advokata firme Poslovnost, te KUIP naložio odmah ujutro, narednog dana, u 8,30 to je bio petak 05.09. da ispred Agencije poslovnost izvrši uviđaj. Tada su također zatraženo prisustvu i kantonalne ali i inspekcije Općine Centar zajedno sa predstavnicima MUP-a Kantona Sarajevo i Ministarstva prostornog uređenja, građenja i zaštite okoliša. Svi su bili na terenu, na uviđaju. Dakle, konstatovano je da se radi privatnoj a ne o javnoj površini te da u ovom slučaju isključivu nadležnost za rješavanje ovog pitanja ima Općinski sud kroz rješavanje u okviru parničnih procedura i propisa. Advokati Agencije poslovnost obavijestili su me pisanim putem da su podnijeli zahtjev nadležnom sudu i zahvalili se na brzom brizi i reakciji i podršci u rješavanju ovog problema. U dva navrata sam iza toga lično inicirao i razgovarao sa advokatima firme i sa predsjednikom Općinskog suda u Sarajevu. Dobio sam informacije 10.09. sam Ministarstvo pravde i uprave je poslalo i urgenciju za zastupanje općinskom sudu u Sarajevu. Evo i danas čim smo saznali da problem još uvijek nije riješen a u skladu s rješenjem o privremenoj mjeri Općinskog suda u Sarajevu kojim je navedeno da prigovor ne odgađa izvršenje mjere, za ujutro u 10, 30 smo ponovno zakazali sastanak s ciljem da okupimo sve aktere i da zatražimo da se konačno ova agonija riješi. Dakle, iako Vlada Kantona Sarajevo nema ovdje nadležnost, jer je na nadležnost sada u postupanju isključivo u izvršnoj odjeljenju Opštinskog suda u Sarajevu, mi smo ipak ponovno za ujutro zakazali sastanak gdje ću pokušati da iniciram konačno rješavanje ovog pitanja, a na

prije svega zadovoljstvo radnika koji evo u današnje vrijeme ulaze kroz prozor i kroz improvizovan prostor na svoja radna mjesta. Dakle, rješenje postoji i sada je vjerovali ili ne birokracija na sudu, određene procedure propisane paničnim postupkom doveli su do toga da ovaj predmet još uvijek nije riješen. Evo ujutro u 10,30 nadam se da ćemo imati više informacija kako će se i kada ovo pitanje riješiti. Nadam se već sutra tokom dana. Hvala. Ministar Kapidžić.

Ministar Faruk Kapidžić:

Zahvaljujem. Bilo je ovdje neka četiri, pet pitanja vezano za moj resor direktno ili indirektno pa da brzo predemo. Uvažena poslanica Bešlija Vildana je spominjala jesenju deratizaciju prostora. Upravitelji su poduzeli to ćemo pismeno dati, oni su krenuli u te aktivnosti. To je redovna aktivnost, to će biti tokom oktobra i izvršeno. Drugo pitanje je bilo od Neire Dizdarević 1084 lifta je u funkciji bez tehničkog pregleda. To je problem koji je problem zapravo u Zakonu o upraviteljstvu gdje jeste definisane su stvari da lift spada u zajedničke dijelove zgrade, a to je po Zakonu o stvarnim pravima to je privatna imovina stanara i oni udružuju svoja sredstva za rekonstrukciju i provjeru tehničke ispravnosti liftova, a upravitelji su dužni da to obavljaju i oni također imaju dužnost da vrše tehnički pregled jednom godišnje i bukvalno da izdaju licencu koja se izdaje na pet godina i kontroliše tokom tih pet godina. Ukoliko lift ne zadovoljava tehničke uslove on mora biti od strane upravitelja zatvoren. Međutim, pošto je kod nas situacija kakva jeste i Zakon o upraviteljima je Zakon koji je poprilično da tako kažem šupalj mi smo krenuli u inicijativu i izradu izmjena i dopuna tog Zakona gdje bi se taj problem riješio. Ne samo taj nego mnogi ostali problemi jer jedan od najvećih problema u Kantonu je upraviteljstvo odnosno problemi sa načinom na koji upravitelji rade i izvršavaju svoje obaveze. To zakonom moramo da promijenimo. To je u toku i najvjerojatnije naredna dva mjeseca bit će izmjene i dopune na Vladi na Skupštini na usvajanju. U tom periodu, obzirom da je situacija kakva jeste sa liftovima i vrlo je opasna, mi znamo da mnogi liftovi od ovih 1084 su pod upitnikom u tehničkom smislu, Ministarstvo je preko Kantonalnog stambenog fonda pokrenulo jedan projekat gdje bi dva inženjera mašinstva i jedan elektroinženjer zapravo napravili komplet analizu na tri mjeseca i dobili bi podatke u kakvom su stanju liftovi iz prostog razloga što Ministarstvo po prvi put je ove godine udružilo sredstva mala, ali ipak dovoljna za desetak liftova zajedno sa opštinama i stanarima da se popravljaju preko ovog jednog elaborata od ovih stručnih ljudi tražili bi obezbjeđenje za iduću godinu veća sredstva da bi se mogli liftovi koji tehnički nisu ispravni da bi se ne isključivali, nego da bi se uradili i stavili u pogon kao tehnički ispravni. Međutim, problem je što Stambeni kantonalni fond ja sam ga opteretio maksimalno i nema stručnih ljudi koji bi mogli odgovoriti ovom zadatku a to su dva mašinska inženjera i jedan elektroinženjer. Onda takvi ljudi se moraju primiti na određeno vrijeme da bi se završilo. Međutim ukoliko ovaj moratorij prođe morat ćemo odustati od toga i ne možemo mi biti odgovorni za bilo kakvu havariju koja se desi u tom slučaju. Treće pitanje od gospodin Vibora Handžića. Odnosi se zapravo na Zavod za planiranje, ali mislim dovoljno sam upoznat i pokrenuo sam inicijative oko zgrade K9 na Šipu. To je dakle isto tako problem kao i ovaj kod liftova gdje se mora mijenjati zakon Zakon o prostornom uređenju je skoro pa završen i bit će u narednih 15 dana stavljen na Vladu i poslije će doći na Skupštinu. To je izmjena kompletnog Zakona o prostornom uređenju obzirom da i zbog tog Zakona su se dešavale ovakve stvari. Izmjena regulacionog plana poslovne zone na Šipu K9 je urađena kompletna po proceduri. Po inicijativu općinskog načelnika urađene su smjernice, urađeno u Zavodu za planiranje urađeno po tim smjernicama, usvojeno na Općinskom vijeću i provedena javna rasprava. I sve je završeno po proceduri. E sada zbog toga i mijenjamo Zakon o prostornom uređenju. Te stvari kakve su se radile po proceduri moraju se zaustaviti. Zakon to ne smije dozvoliti. U svakom slučaju to se sve dešavalo prošle godine naravno da to je mogao ministar prostornog uređenja isto tako zaustaviti kao što sam ja sada zaustavio da dođe do realizacije ovakve jedne stvari gdje se poslovna zona mijenja iz poslove u stambenu i gdje se podiže spratnost ispred drugih stanova. Dakle takve stvari se ne smiju dešavati ali to je mogao ministar zaustaviti.

Zašto ministar iako je prisustvovao svemu tome nije zaustavio to je sada pitanje druge stvari i politike i svega, ali to se moglo zaustaviti. Mi ćemo ja sam to zaustavio na davanju urbanističke saglasnosti projekat je kod mene na stolu. Stoji već mjesec i po dana i ja urbanističku saglasnost za ovaj objekat iako je urađeno sve po proceduri neću dati dok se ne izdefiniše sa investitorom i načelnikom da se to vrati na ono što je bilo planirano u regulacionom planu prije nego se desile ove izmjene. Naravno da sada je do investitora da li će sada pristati na to da se vrati na početno stanje. Ali u pregovorima sam i ja mislim daće se to završiti tako i to je u proceduri. Od opštinskog načelnika imam punu podršku da se to sada vrati u ono postojeće stanje. Dakle samo poslovna zgrada do visine 10 metara. Bilo je pitanje gospodina Devića legalizacija. Dakle problem legalizacije je meni na stolu od kako sam došao na ovo mjesto. Odmah se išlo sa inicijativom da se napravi legalizacija nelegalnih objekata. Ja sa m to rekao i u martu i poslije toga još tri, četiri puta rekao da legalizacije se ne može napraviti obzirom da Zakon o prostornom uređenju 2017 je izbacio mogućnost legalizacije. Naravno da sam svjestan da ćemo u jednom trenutku morati legalizovati objekte koji ne smetaju i koji su iz raznoraznih razloga ilegalno napravljeni. Ali je stvar u tome što u Zakonu o prostornom uređenju koji će biti na Vladi pa na Skupštini će biti definisana ta jedna i posljednja legalizacija takvih objekata ali će imati svoje korake prije nego što se dođe u tu situaciju da se može legalizovati objekti a jedni od koraka su da se po opštinama uklone objekti koji su u vodozaštinim zonama, u prvim vodozaštitnim zonama, na trasama puteva itd. Nešto što se inače ne može legalizovati. Dakle prvo će se ići sa tim korakom da se uklone ti objekti tek onda će se ići sa legalizacijom objekata koji ne smetaju i koji su u okviru regulacionih planova na građevinskim zemljištima. Znači što je označeno građevinskim zemljištem. To je procedura koja će biti u Zakonu o prostornom uređenju definisana i bit će napravljena jednom i vjerovatno kada se bude raspisivalo tražit ću da ne bude dodatnog plaćanja za takve objekte izuzev samo plaćanja rente. Pa ćemo vidjeti tačno detalje kada se dođe do tog. Ali prvo da se usvoji Zakon o prostornom uređenju. I vezano možda nije vezano direktno ali jeste indirektno inicijativa prijedlog Damira Nikšića za Skenderiju da se ubaci u kulturno naslijeđe Kantona. Skenderija i još niz objekata će biti kroz Zakon o prostornom uređenju posebno zaštićeni isto kao što će biti zaštićene parkovske površine, formirane i zaštićene za vijeke vjekova. Zakon o prostornom uređenju će prepoznati objekte kako što su Skenderija, Koševo stadion, bob staza ili skijaške skakaonice. Dakle neki objekti koji su iz naše bliske budućnosti zasigurno moraju biti zaštićeni kao historijsko značajni objekti. Bukvalno dobijaju vrijednost kao što je i Vijećnica. I to će Zakon o prostornom uređenju biti obrađeno iz prostog razloga da nam e ne bi desila situacija od prije tri godine kada su neki pojedinci odavde umalo prodali Skenderiju privatnim investitorima koji su planirati srušiti je i graditi tu nebudere odnosno poslovne zgrade. Hvala vam. Nema ispred Vlade više nikog. Tako da ja sam zadnji.

Predsjedavajući:

Zahvaljujem. Imamo nezadovoljstvo odgovorom. Ima kolegica Duraković. Kolega Okeriću imate Viber grupe, možete se uključiti. Oduzimam vam riječ kao i svakom drugom. Prijavite se i dobit ćete riječ. Kolegice i kolege su se počeli prijavljivati za nezadovoljstvo odgovorom tako da možete i vi. Kolegica Duraković nezadovoljstvo odgovorom. Izvolite, imate dvije minute u skladu sa članom 217.

Poslanik/zastupnik Jasna Duraković:

zahvaljujem predsjedavajući. Evo bit ću vrlo kratka. Dakle nemam apsolutno nikakvu kritiku nego prosto u nedostatku vremena mislim da je premijer Nenadić zaboravio ponuditi ove odgovore o kojima govori kolega Okerić. Dakle ja sam postavila pitanje šta da radim sada s ovim prijedlogom zaključka? Da li je Vlada uspjela u ovih sat vremena da se očituje po pitanju istog kako bi mogli dalje vidjeti d ali ćemo sada skupštinske zastupnike tražiti da se izjasne po prijedlogu zaključka koji sam poslala? Dakle, evo samo to bih voljela čuti. Također

upućujem nezadovoljstvo odgovorima ministru Kriviću, međutim imala sam priliku konsultirati se opet zbog počev u vremenu, mislim evo radi javnosti samo da ponovim ovaj set pitanja koji je potpuno preskočen, ali nadam se da ću dobiti pisani odgovor. Pitanja koja sam postavila sam uputila i pismeno, vezana su za dokument Metodologije realizacije online nastave u Kantonu Sarajevo sa smjernicama za izradu digitalnog obrazovanja, sadržaja i praćenja vrednovanja i ocjenjivanja učenika. Pitala sam da li možete garantovati da je ovaj dokument autentičan samo za Kanton Sarajevo iako je dosta toga preuzeto iz zemalja regiona? I također zanimalo me koliko je novaca izdvojeno za rad ove višečlane radne grupe i to u vrijeme kada su mnogi ljudi ostajali bez posla zbog pandemije korona virusa? Evo samo bih voljela da zaista dobijem te odgovore u pisanoj formi. Toliko zahvaljujem.

Predsjedavajući:

zahvaljujem kolegice Duraković. Vreto Elvis nezadovoljstvo odgovorom. Kolega Vreto imate dvije minute, izvolite.

Poslanik/zastupnik Vreto Elvis:

hvala predsjedavajući. Želim da podsjetim uvaženog ministra Krivića vezano za autoškole da je ovo netačna informacija koju je iznio. A radi se o sljedećem: ja sam inicijativu pokrenuo prije tačno 14 mjeseci. Bila je određena kolizija između Vlade i između sektora za saobraćaj, to je tačno. Međutim tu inicijativu sam ponovo pokrenuo dva mjeseca nakon. Nakon toga se Vlada nije očitovala po toj inicijativi. I ja sam na osnovu člana Poslovnika 213 iskoristio zastupničku mogućnost da se Skupština izjasni o izmjeni odluke i smanjenju cijena koštanja takse kod registracije autoškole. To je Skupština učinila jednoglasno. I ja vas molim zaista, u ovom trenutku ni jedan sektor za saobraćaj uz puno uvažavanje, ne može biti iznad odluke Skupštine. Vi ste dužni da tu odluku provedete i da pratite njene efekte. Eto toliko, hvala predsjedavajući.

Predsjedavajući:

zahvaljujem. Suljević Samir kolega izvolite.

Poslanik/zastupnik Samir Suljević:

hvala. Pa ja sam izrazi nezadovoljstvo odgovorom ministra Krivića vezano oko procedura u JU Djeca Sarajeva i ne znam zbog čega izbjegava odgovor ako znamo samo osnovne parametre, da je 14.09. naređeno od Inspekcije obustava konkursa. 18.09. se imenuje direktorica a 24.09 imenuje se v.d. UO opet ne poštujući nacionalnu strukturu koji treba da potpiše ugovor sa novom direktoricom. Ako mi u Kantonu ne provodimo i ne poštujemo procedure, kako tražiti od građana i ne znam zbog čega je ovdje izbjegnuto odgovor jer po meni je ovo sve bilo jasno. Samo da mi se kaže zašto se dalje krenulo bez obzira na to da je inspekcija tražila da se to obustavi i da procedure nisu ispoštovane. Čak je i kazna ovoj ustanovi, odnosno ovom Ministarstvu bila predviđena. Nisam dobio odgovore ni oko, ne ministru Kriviću ni vezano oko mahinacija oko stanova ni oko ograđivanja kompleksa Vlakovo. Nadam se da ću dobiti u pisanoj formi. Hvala.

Predsjedavajući:

uvažena zastupnica Segmedina Srna Bajramović izvolite, imate riječ.

Poslanik/zastupnik Segmedina Srna Bajramović:

zahvaljujem predsjedavajući. Pa evo otprilike zahvalit ću i premijeru na odgovoru na moje postavljeno pitanje vezano za izmjene Pravilnika o unutrašnjoj organizaciji Kabineta predsjedavajućeg Skupštine Kantona Sarajevo. Pa ne želim sada ulaziti u tačnost, istinitost tih navoda. Premijer je vjerovatno rekao ono što zna. No nisam sigurna, zapravo nisam ni provjerila, jesam sa dopredsjedavajućom Danijelom Kristić, njoj nije poznato ovo. Imamo još

dva dopredsjedavajuća, odnosno tri, troje. Ali komuniciram s Viborom Handžićem i Danijelom Kristić koji bi valjda trebali znati za izmjene ovih radnih mjesta. Stoga molim premijera da mi dostavi dopis dopise kojima se traži promjena ovih radnih mjesta, odnosno dopise kojima se traži da se pristupi sistematizaciji kako bih imala potpuni odgovor na postavljeno pitanje. Zahvaljujem.

Predsjedavajući:

zahvaljujem uvažena zastupnice Segmedina Srna Bajramović. Zastupnik Damir Marjanović je tražio riječ. Izvolite imate riječ kolega.

Poslanik/zastupnik Damir Marjanović:

zahvaljujem predsjedavajući. Bit ću jako kratak. Ovo nije konkretno nezadovoljstvo odgovorom nego informacijom koju sam dobio. Sticajem okolnosti sam član Naučnog savjeta Ministarstva zdravstva i nisam prisustvovao nikakvog sastanku i nisam dobio nikakav dokument niti sam sudjelovao u njegovom kreiranju. Samo sam jedne recimo srijede dobio poziv i pitali su me da li sam u petak tu. Pošto nisam bio u petak tu, bio sam spriječen da dođem u petak, nisam ni znao na šta. Rečeno mi je da će me neko poslije kao člana kontaktirati i nikada više nisam imao nikakav kontakt. Tako da znam da su pojedine kolege iz Savjeta bile tu, ali svi članovi Savjeta nisu sudjelovati u tom dokumentu. Ono što ću definitivno tražiti da dobijem između ostalog i kao zastupnik ali i kao član Naučnog savjeta taj dokument, taj akcioni plan. Vjerujem da su se kolege dobro, dobro zaradile u njemu. Ali definitivno reći da je Naučni savjet bio u potpunosti iskomuniciran, to nije tačno. Ovo ni najmanje ne umanjuje rad kolegice Pilav koju jako cijenim i to nema nikakve veze sa tim. Hvala velika.

Predsjedavajući:

zahvaljujem uvaženi zastupniče Marjanoviću. Kolegica Neira Dizdarević nezadovoljstvo odgovorom. Ukoliko još neko ima, mi nemamo više prijavljenih. Ja se izvinjavam kolegice, molim da se prijavi u viber grupu oni koji će tražiti riječ. Izvolite kolegice.

Poslanik/zastupnik Neira Dizdarević:

ja ću se samo kratko osvrnuti na djelić odgovora koji se odnosi na usklađivanje kantonalne i federalne liste. To je ovaj dio koji se tiče lijeka Sildenafil. Prema mojim informacijama tačno je ministre da postoji Program, čini mi se da se zove Revacio, ali on se odnosi isključivo na odrasle pacijente. Dakle djeca pedijatrijskog uzrasta koje sam ja spomenula u svom pitanju nisu obuhvaćena ovim programom i ne mogu dobiti lijek od ZZO Kantona Sarajevo dok recimo u isto vrijeme, dijete sa istom dijagnozom u Mostaru može dobiti uredno lijek zato što je ZZO HNK odobrio za sve pacijente. Bilo kako bilo ovo je pitanje na kojem ću raditi u narednom periodu, i moći ćete očekivati i zastupničke inicijative u pisanom obliku. Hvala.

Predsjedavajući:

kolega Okerić Elvedin.

Poslanik/zastupnik Elvedin Okerić:

čujemo li se predsjedavajući? Ja ne izražavam nezadovoljstvo odgovorom već nisam dobio nikako odgovor od premijera ili nekog od resornih ministara. A tiče se nezakonite i netransparentne smjene direktora VIK-a Envera Hadžiahmetovića, pa bih molio da mi neko da odgovor na ono sve što sam postavio pitanja. A mogu ih ponoviti ponovo ukoliko ima potrebe.

Predsjedavajući:

zahvaljujem uvaženi zastupniče Okeriću. Nemamo više prijavljenih zastupnika. Ja vas molim ako imate da izrazite nezadovoljstvo odgovorom na vaše postavljeno pitanje, imate pravo da

postavite i novo pitanje u roku od 2 minute. Ukoliko nemamo prijavljenih evo pozivam Vladu sondo premijera da odgovore na postavljena pitanja. Premijeru?

Premijer Mario Nenadić:

poštovani predsjedavajući evo vezano za pitanje ponovljeni upit odnosno komentar gospodina Okerića. Ne znam ocjena je da nije dobio nikako odgovor. Ja samo pitam da li je uvaženi zastupnik nezadovoljan odgovorom koji je dobio. Ja sam na početku najavio da ćemo odgovarati po resorima. Tako da znam je kolegica Nihada Glamoč resorna ministrica odgovorila prilično detaljno na upite. Da li možda nije bio tu uvaženi zastupnik ili treba kolegice Nihada da ponovi ove odgovore, evo mi smo tu, skupa smo u istoj prostoriji ili je možda najbolje da dostavimo pismeno. Ali podsjećam da je kolegica prije pola sata odgovorila na to pitanje.

Predsjedavajući:

imali smo pitanja i od kolegice Duraković, Vrete, Suljevića, uvažene zastupnice Bajramović Srne, Marjanovića i Dizdarevića pa ako možete da odgovorite na ova pitanja koja su postavili. Ukoliko ne možete i pisano. To je stvar Vlade.

Premijer Mario Nenadić:

evo da ne bih ponovno otvarali novi krug odgovora predlažem da onda odgovorimo pismeno na postavljena pitanja.

Predsjedavajući:

kolega Okerić replika ne postoji. Možemo poslovničku intervenciju. On je tražio da nije dobio odgovor od ministrice, premijer je kazao sada uvaženi zastupniče Okeriću da će dostaviti u pisni odgovor ćete dobiti. Zahvaljujem.

Obzirom da smo završili odgovore postavljena pitanja prelazimo na realizaciju inicijativa. Tiče se zaključaka koje su poslali uvaženi zastupnici. Kako su i dolazili mi ćemo tako i dati na glasanje. Molim sekretara da pošalje.

Srna Bajramović je podnijela sljedeći zaključak:

1. Obavezuju se sve institucije javnog sektora Kantona Sarajevo da HITNO izvrše ažuriranje podataka u Registru zaposlenih u javnom sektoru, uključujući evidenciju ugovora o djelu, kao i ugovora na određeno vrijeme.

2. Obavezuju se sve institucije javnog sektora Kantona Sarajevo da HITNO izvrše ažuriranje podataka u Registru imenovanih lica.

3. Obavezuju se sve institucije javnog sektora Kantona Sarajevo da prema gore navedenim zaključcima postupe odmah, a Skupštinu Kantona Sarajevo izvijeste o poduzetim radnjama u roku od 7 dana od usvajanja ovih zaključaka.

Molim sekretara da napravi anketu a zastupnike da glasaju. Otvaram glasanje.

Molim zastupnike koji nisu glasali da to učine u Viber grupi. Zaključujem glasanje.

ZA je glasalo 30 zastupnika, protiv i suzdržanih nije bilo. Konstatujem da smo usvojili prijedlog kolegice Segmedine Srne Bajramović i zaključaka koje je ponudila.

Zastupnik Aljoša Čampara je podnio inicijativu, da ne čitam obrazloženje

Da se izvrši prioritetna nabavka kamera za snimanje aktivnosti policijskih službenika koje se nose na odgovarajućim dijelovima policijske uniforme (body-worn camera) kao i pripadajuća oprema neophodna za funkcionisanje cjelokupnog sistema (licencirani softver, odgovarajući nosač, sistem za pohranu podataka i sl.) za potrebe Uprave policije Ministarstva unutrašnjih poslova Kantona Sarajevo, te da se Vlada Kantona Sarajevo obaveže da obezbijedi novčana sredstava za realizaciju navedene nabavke.

Molim zastupnike da se izjasne o inicijativi uvaženog zastupnika Čampare. Otvaram glasanje. Zaključujem glasanje.

ZA je glasalo 32 zastupnika, protiv i suzdržanih nije bilo.

Konstatujem da smo usvojili inicijativu uvaženog zastupnika Aljoša Čampare.

Prelazimo na realizaciju inicijative odnosno zaključka Kluba zastupnika NIP-a, Kluba zastupnika Naše stranke, Kluba zastupnika SDP-a BIH, Kluba zastupnika NBL -Samostalni zastupnici. Poslovnička intervencija vezano za zaključak 4 kluba, uvaženi zastupnik Mahir Dević. Kolega Deviću izvolite.

Poslanik/zastupnik Mahir Dević:

čujemo li se predsjedavajući. Zahvaljujem. Poslovnička intervencija se odnosi na član 38, stav 1) Poslovnika o radu Skupštine a u vezi sa članom 117 i 120 Poslovnika na koje su se pozvala ova četiri kluba. Naime u članu 38. stav 1) je propisano da Zakonodavno pravna komisija u pismenom obliku daje mišljenje na sve akte koje usvaja Skupština. S obzirom da navedene zaključke koji su predloženi Skupštini Kantona da ih usvoji a imajući u vidu eventualne moguće sudske sporove koji bi mogli proizaći usvajanjem navedenih zaključaka ja tražim u pismenoj formi izjašnjenje Zakonodavno-pravna komisija po ovom pitanju jer mi iz Kluba SDA smatramo da navedenim zaključcima, odnosno najveći tih zaključaka ustvari je u koliziji sa Zakonom o ustanovama, Zakonu o državnoj službi, Zakonu o namještenicima u FBIH, Uredbi o prijemu zaposlenika član 15, Zakonu o vladinim ministarskim i drugim imenovanja. I cijeni zaista da bi bilo neophodno da Zakonodavno-pravna komisija evo što kažu odmah da svoje mišljenje da li su ovi zaključci na osnovu člana 38 stav 1) u skladu sa Ustavom Kantona Sarajevo i pravnim sistemom FBIH a samim tim i Kantona Sarajevo. Znači tražimo da se ispoštuju ove poslovničke odredbe kako bi smo bili sigurni da navedeni zaključci su u skladu sa pravnim sistemom. Napomenut ću da smo mi kao klub slične zaključke predložili čini mi se prošle godine koji su bili daleko, kolokvijalno da kažem, labaviji od ovih zaključaka i napravili su niz problema u funkcionisanju i djelokrugu organa uprave i u ministarstvima. A ovi zaključci su još puno gori. Oni se tiču od obustavljanja zapošljavanja, sistematizacija radnih mjesta, konkursnih procedura prekidanja koje su već otpočete a što je u suprotnosti sa Uredbom. Znači na osnovu člana 38. stav 1) tražim pismeno izjašnjenje Zakonodavno-pravna komisija kojoj je to u osnovi njenog djelovanja da da Skupštini Kantona Sarajevo. Zahvaljujem predsjedavajući.

Predsjedavajući:

kolega Nikšiću ne možemo vam dati repliku ali možemo dati poslovničku intervenciju, samo ćete ispraviti u grupi da tražite poslovničku intervenciju, jer replika na poslaničkim pitanjima i inicijativama nije moguća. Izvolite kolega Nikšić poslovnička intervencija.

Poslanik/zastupnik Damir Nikšić:

koliko se sjećam prošli put smo imali sličnu situaciju gdje je Komisija dala negativno mišljenje pa je opet išlo na glasanje.

Predsjedavajući:

tako je kolega. Ja u skladu sa članom 12. ću tražiti da se Zakonodavno-pravna komisija odmah očituje, u toku zasjedanja nam dostave mišljenje a svakako će se Skupština izjasniti na osnovu predloženih zaključaka četiri kluba. Znači to je i poslovnički definisano. Konaković poslovnička intervencija. Izvolite Konakoviću.

Poslanik/zastupnik Elmedin Konaković:

hvala predsjedavajući. Nadam se da me čujete. Pa nije ništa neočekivano da pokušate osporiti Poslovnik, pokušaj masovnog zapošljavanja u javni sektor u kojem se ovih dana priča jako

puno. Upozoravam vas da to ne radite jer za tim zaista nema potrebe. Ovoje zaključak koji je skoro svaka većina donijela prilikom primopredaje ili promjene Vlada a pogotovo je nužan zato što sada s terena dolaze informacije da masovno politički zapošljavate i nanosite veliku štetu cijelom sistemu. Dužni ste predsjedavajući staviti ovaj zaključak na glasanje. Imate vi pravo to eskivirati ili izbjeći. Politički ja bih više volio da to pokušate eskivirati ili izbjeći ali ovakav trivijalan pokušaj kolege Devića, tumačenje Poslovnika zaista vam ne ide, vama to barem predsjedavajući ne bi trebao biti urnek. Zato tražim od vas da date na glasanje ovaj zaključak. Ukoliko imate bilo kakve probleme pokušajte to osporavati na institucijama koje možete smatrati nadležnim u suprotnom zaista ste saučesnik u masovnom zapošljavanju. Nude se ljudima radna mjesta kako bi neko za nekoga glasao. Molim vas da budete ozbiljni i pustite zaključak na glasanje. Hvala.

Predsjedavajući:

zahvaljujem. Ali ja sam se i zakleo da ću raditi u skladu sa zakonom i Ustavom i Poslovníkom kada sam preuzeo dužnost predsjedavajućeg, ja ću se tako i ponašati. Ja sam kao poslovničke odredbe koje jesu i tako ćemo i postupiti. Kolega Čampara je poslovničku intervenciju tražio. Kolegica Duraković je tražila da se izjasni o prijedlogu zaključka, mi smo to svakako i imali u planu, jer se nije izjasnila Vlada, to je poslovnička odredba. Također je poslovničku intervenciju tražio dopredsjedavajući Handžić. Aljoša Čampara poslovnička intervencija, izvolite.

Poslanik/zastupnik Aljoša Čampara.

Zahvaljujem predsjedavajući. Pa vidim ovo je čini mi se prvi put da se tražio od Zakonodavno-pravna komisija da se ona izjašnjava o zaključcima. Ukoliko neki zaključak nije u skladu sa Ustavom ili sa zakonom naravno da se neće provoditi, to je sasvim jasno, to se na prvoj godini fakulteta Prava uči. Dakle Ustav i Zakon su puno jači, imaju jaču snagu od bilo kakvog zaključka. Međutim meni je interesantno ovdje da se nikada nije tražilo od Zakonodavno-pravna komisija ili neke druge komisije ili Skupštine, na sve ono što smo upozoravali da se radi u javnim preduzećima, ja sam osobno upozoravao, i govorio da se ne mogu statuti mijenjati, da se ne mogu prilagođavati određenim pojedincima. I ne znam otkud sada tolika želja i tolika volja da se radi ovo na ovakav način i da se traži mišljenje od Zakonodavno-pravna komisija. Što se mene tiče evo može se tražiti i mišljenje od Zakonodavno-pravna komisija ali ja ne vidim stvarno da iko u Kantonu Sarajevo može podržavati zapošljavanje u javnom sektoru pored korone i pored svih problema sa kojima su građani Kantona Sarajevo suočeni. Mislim da je potpuno opravdan zahtjev da se zaustave sva zapošljavanja a posebno ovo što se radilo u ranijem periodu na što sam ja upozoravao već nekoliko puta. Ovo je sistemska korupcija koja s radi. I ja ću glasati za ovakav zaključak bez obzira šta ko mislio. Ja mislim da ovaj zaključak ide u cilju građana Kantona Sarajevo i jednostavno ovo se mora zaustaviti. Ovako flagrantno kršenje i Zakona i procedura i svega onoga što se radi u javnim preduzećima. I mislim ko god ovo pokušava uraditi na ovakav način ne donosi dobro ni svojoj stranci, ni svom klubu, ni svojim građanima ni Kantonu Sarajevo. Zahvaljujem.

Predsjedavajući:

zahvaljujem uvaženi zastupniče Čampara. Tako kao što i vi tražite da radimo u skladu sa zakonom, Ustavom i Poslovníkom, tako i ja zahtijevam. Dokle god sam predsjedavajući zaista ću se truditi da poštujem Poslovník, zakone i Ustav Kantona, i s tim u vezi ja ću se i ponašati tako. Poslovnička intervencija Vibor Handžić a prije toga je uvaženi Okerić tražio pauzu pola sata. To mora odobriti uvaženi zastupnik Okerić Elvedin jer je to i poslovnički, ukoliko traži pauzu.

Poslanik/zastupnik Elvedin Okerić.

Odobravam, odobravam.

Predsjedavajući:

izvolite. Kolega Vibor Handžić poslovnička intervencija, nakon toga pola sata pauze.

Dopredsjedavajući Vibor Handžić:

zahvaljujem predsjedavajući. Dakle ja cijenim to što vi govorite da ste na mjestu na kojem želite i hoćete da poštujete Ustav, zakone, propise i procedure, međutim ja vas moram napomenuti na jednu činjenicu koja ne govori u prilog toj vašoj principijelnosti, a možete pogledati da se podsjetite da ste vi 25.02.o.g. potpisali set zaključaka i potpisali dopunski zaključak u kojem se traži izuzeće nekih institucija i ustanova od moratorija za zapošljavanje, bez ikakvog traženja saglasnosti Zakonodavno-pravna komisija kada je kolegica vaša Jasmina Bišćević Tokić ovakve iste zaključke, skoro pa u potpunosti i još radikalnije predložila i Skupština usvojila. Tako da ja mislim da nema nikakvih apsolutno problema da ovakvi zaključci idu na usvajanje. A kako kaže kolega Čampara ukoliko nešto nije OK neće se ni sprovesti. Zahvaljujem.

Predsjedavajući:

vi opet pokušavate da nešto kažete što nije u skladu sa mojim opredjeljenjem, a to da ja ne želim da se držim Poslovnika, Zakona i Ustava. Naprotiv ja ću se držati, Poslovnika, Zakona i Ustava. Ja sam kazao u skladu s Poslovnikom dok sam predsjedavajući, ja ću se starati, to Poslovnik i nalaže, da se osigurava poštivanje načela i odredbi Poslovnika, stalnih radnih tijela Skupštine i Kolegija. Znači to je poslovnička odredba i ja bih vas molio da pročitate odredbe Poslovnika koje nalažu šta može predsjedavajući u članu sa Poslovnikom član 12. pauza pola sata na zahtjev šefa kluba NiP-a. Nastavljamo u 16,10.

NASTAVAK NAKON PAUZE

Predsjedavajući:

Zahvaljujem. Nastavljamo sa sjednicom, 29. radnom. Kolega dopredsjedavajući Handžić je imao ispravku krivog navoda. Kolega dopredsjedavajući imate riječ izvolite. Evo da sačekamo još da se uključi dopredsjedavajući Vibor Handžić. Imali som i kolega Elvis Vreto poslovničku intervenciju. Kolega Vreto da li ste vi spremni?

Poslanik/zastupnik Elvis Vreto:

zahvaljujem predsjedavajući. Ma ništa, možda sam zloupotrijebio poslovničku intervenciju, ali nije mi bilo jasno. Vi ste u jednom trenutku rekli da će komisija Zakonodavno-pravna komisija zasjedati i da ćemo nakon toga nastaviti rad. To mi je bila, htio sam to postaviti kao pitanje da vidim šta se dešava.

Predsjedavajući:

tako je. Da bi razjasnili, u članu 38. evo ja sam iskoristio vrijeme za pauzu pa sam i pročitao, razmatra nacрте i prijedloge drugih akata koje donosi Skupština u pogledu njihove usklađenosti s Ustavom i pravnim sistemom i podnosi pisani izvještaj tome. Znači u ovome ćemo se izjasniti nakon dobivanja pisanog izvještaja od Zakonodavno-pravna komisija. Znači poslovnička intervencija bio je dopredsjedavajući Handžić. Ako se ne može uključiti dopredsjedavajući Handžić, imamo poslovničku intervenciju Konaković a neka se pripremi Okerić. Pa nakon uvaženog zastupnika Okerića Aljoša Čampara.

Poslanik/zastupnik Elmedin Konaković:

jel sada bolje sa tom predsjedavajući, pošto sam nabavio neke slušalice? Jel me čujete? Čitate nam uporno samo jedan član Poslovnika u kojem je opisan zadatak Zakonodavno-pravna komisija, ne čitate druge, mnogo važnije upravo za ovaj slučaj. Dakle u članu 24 radna tijela

daju mišljenja, podnose prijedloge, izvještavaju Skupštinu o pitanjima iz svog djelokruga. Radna tijela donose odluke samo po pitanjima u skladu s ovim Poslovnikom ili za koja ih ovlasti Skupština. Sva radna tijela obrazuju se itd. Dakle pored ovog što ste uradili i što pokušavate, meni je potpuno jasno da vam se ne usvoji moratorij, da ne ponavljam. To je politička, to ću na drugim mjestima pričati. I hoću vam kaŕem jednu vrlo vaŕnu stvar, čitam druge akte, predsjedavajući Ćelik sa vaŕim potpisom, identične na koje Skupština nije traŕila, i neće traŕiti ni u ovom slućaju mišljenje Zakonodavno-pravna komisija. I derogirate sve što e do sada urađeno, kršeći grubo Poslovnik i traŕite prvi put u istoriji Kantona da ovaj Skupštini zaključak koji obavezuje organa uprave, kao što Poslovnik i dozvoljava i nalaŕe u ćlanu 120 gdje se kaŕe zaključkom Skupština odlučuje o svom radu, radu radnih tijela, a najvaŕniji je ovaj dio koji kaŕe: moŕe zauzeti stav o pitanju koje je razmatrao ukljućujući i (nerazumljivo) obaveza za Vladu i kantonalne organe uprave u pogledu priprema Zakona i drugih propisa i opŕtih akata ili vrŕenja drugih poslova iz njihovog djelokruga. Dakle neŕto što je potpuno poslovnićki regularno, što je ustaljena praksa, što je Skupština radila viŕe puta, vi izdvojite 38 ćlan i ko fol nam to ćitate. Predsjedavajući Ćelik, do sada niste, a sada pokušavate grubo krŕiti Poslovnik. Dajte nam inicijativu ćetiri kluba da se o njoj izjasnimo. U suprotnom zaista postupate suprotno Poslovniku i praksi koju ste vi lićno potpisivali do sada.

Predsjedavajući:

zahvaljujem uvaŕeni zastupniće Konakoviću. Uvaŕeni zastupnik Okerić Elvedin.

Poslanik/zastupnik Elvedin Okerić:

zahvaljujem predsjedavajući. Ne znam da li se ćujemo. Također kao i prethodni diskutanti moje kolege ŕelio bih da vas upozorim na grubo krŕenje Poslovnika uvaŕeni predsjedavajući. ŕelite da sprijećite izglasavanje moratorija na zapošljavanje, zato što već u medijima imaju građani priliku da se radi o masovnom zapošljavanju u Kantonu Sarajevo. ŕelim samo da vas podsjetim na joŕ jednu stvar da ste duŕni da stavite na glasanje svaku inicijativu zastupnika bez obzira na mišljenje bilo koje mišljenje. Tako, joŕ jednom vas upozoravam i napominjem na grubo krŕenje Poslovnika i također kao što su prethodnici kazali da je u prethodnoj inicijativi vaŕe kolegice Jasmine Biŕćević niste traŕili mišljenje Zakonodavno-pravna komisija niti bilo koju proceduru tada osporavali.

Predsjedavajući:

zahvaljujem uvaŕeni zastupniće Okeriću. Zastupnik Ćampara je također traŕio poslovnićku intervenciju. Izvolite.

Poslanik/zastupnik Aljoŕa Ćampara.

Zahvaljujem predsjedavajući. Pa ja sam mislio u toku ove pauze da će se zakazati Zakonodavno-pravna komisija ako ima potrebe. Ali naravno da nema potrebe. Na kraju krajeva i da se zakaŕe i da se ne zakaŕe, ona ne obavezuje stav Skupŕtine jer to ćini samo jedan dio zastupnika. Ali ja stvarno ne mogu da vjerujem da se ovo pokušava raditi. Pa pazite, mi kada od MMF traŕimo sredstva, mi smo evo zadnje ćetiri godine malte ne imali moratorij na zapošljavanje što je od nas MMF traŕio. U ovakvoj situaciji, u ovakvoj krizi u kojoj se nalazi Kanton, ne podrŕati ovakve zaključke da se ljudi ne zapošljavaju u javnom sektoru. Pa ja mislim da je to zloćin, vjerujte mi. I ne mogu da vjerujem da neko pristaje na ove stvari. Na kraju krajeva svako od zastupnika ima svoje zastupnićko pravo da podnese inicijativu. Inicijativa će proći ili neće proći to zavisi od skupŕtinske većine. Ukoliko ima 18 i viŕe glasova ona će proći. Ukoliko nema, ne vidim ni jedan razlog stvarno da se ova inicijativa ne stavi na glasanje, a uslovljavanje sa Zakonodavno-pravna komisija. Ukoliko neko misli evo hajmo napraviti pauzu 10 minuta izjasnit ćemo se nas su ćetiri ćlana i 3 vanjska u Zakonodavno-pravna komisija. Sada jel neko misli da bi nas 4 trebalo odlučiti o sudbini građana u Kantonu Sarajevo? Pa valjda je Skupŕtina. Jedino ko je vaŕniji od Skupŕtine i ko moŕe poniŕtiti skupŕtinsku odluku je Ustavni sud FNBIH ili BIH. I niko viŕe. I mislim da je to

potpuno jasno. Ali dajte ljudi da se uozbiljimo pa nećemo valjda dozvoliti zapošljavanje u javnom sektoru kada nam vamo realni sektor grca kada je u dugovima, kada se otpuštaju radnici, kada nam odlazi mladost. Dajte da se uozbiljimo, pa stvarno ovo ne priliči Kantonu Sarajevo. Hvala.

Predsjedavajući:

zahvaljujem. Kolega Vibor Handžić je sada spreman. Izvolite kolega dopredsjedavajući Handžić.

Dopredsjedavajući Vibor Handžić:

zahvaljujem predsjedavajući. Ja sam istina tražio prvo poslovničku intervenciju ali evo mogu iskoristiti ispravku krivog navoda zato što se to referisalo na vaše izlaganje koje ste imali nakon moje poslovničke intervencije. Dakle vi ste rekli da ja pokušavam da vas sputavam da vi provodite Ustav ili zakone, međutim ja to ni u jednom momentu nisam rekao. Ja sam vam samo podsjetio na vašu neprincipijelnost i naveo arugmentovano, evo ja imam ovdje u posjedu te zaključke, mogu vam ih i poslati ja ću ih svakako objaviti, da ste 25.02. potpisali bez slanja ZKP skoro pa potpuno iste zaključke koje je danas predložila kolegica Danijela Kristić. I to je apsolutno jedina istina u ovom momentu. I apsolutno je ovdje jasno da se ovakvoj inicijativi Skupština može izjasniti. Međutim, stvarno mi smo inteligentni ljudi. I naravno da nećemo dozvoliti da nas se na ovaj način pravi budalama. Zahvaljujem.

Predsjedavajući:

ja bih vas lijepo molio da vodimo računa kako ćemo se izražavati na sjednici Skupštine Kantona Sarajevo. Nikoga nikoga ne želi da pravi budalom niti da govorimo takve riječi. Nemamo više prijavljenih. To što je bila nekada ustaljena praksa da se nešto ili nekim Poslovnikom ukoliko nije definisano izglasava, ja kao predsjedavajući to neću apsolutno raditi, ja ću raditi u skladu s Poslovnikom. Znači predsjedavajući u skladu s Poslovnikom i članom 27 koji smo zaboravili da kažemo jeste da stalna radna tijela razmatraju pitanja iz svoje nadležnosti, po nalogu Skupštine ili vlastitoj inicijativi. To je ono što Zakonodavno-pravna komisija treba nama da dostavi u pisanoj formi. I može biti i pozitivno i negativno i svakako da ću dati na glasanje tu realizaciju zaključka kojeg Zakonodavno-pravna komisija stavi pred nama. A ja bih volio da čujem u kojim preduzećima se to masovno zapošljava. I sada kažemo evo masovno se zapošljava. Evo ja pozivam Vladu, još poslanička pitanja traju da mi dostavi gdje se to masovno zapošljava i to u roku od 24 sata da mi odgovore, da dostave i da prosljedimo svim zastupnicima pa ćete vidjeti malo da je to možda drugačija slika nego što govorite. Krenule su poslovničke intervencije ponovo. Ali ću sada tražiti da se referišete na koji član se pozivate. Konaković izvolite.

Poslanik/zastupnik Elmedin Konaković:

hvala predsjedavajući. Pozivam se na član 27 upravo ovo što ste vi sada rekli. Da bi Zakonodavno-pravna komisija po nalogu Skupštine ili vlastitoj inicijativi trebala odlučiti. Vi niste Skupština predsjedavajući Čelik. Dakle može se staviti Skupštini na glasanje da se zaduži Zakonodavno-pravna komisija evo uradite to po članu 27 koji ste sami pročitali. Član 27 razmatrali pitanje iz svoje nadležnosti po nalogu Skupštine ili vlastitoj inicijativi. Ovo nije inicijativa Zakonodavno-pravna komisija ovo je inicijativa četiri kluba. I očigledno ima potrebnu većinu. A vi ne dozvoljavate izjašnjavanje. Ako insistirate ovaj član koji ste pročitali, iskoristite svoje pravo, predložite nam da ovo pitanje pretrese Zakonodavno-pravna komisija da se o tome izjasnimo. U suprotnom, kršite grubo Poslovnik. Ne dozvoljavate većini da se izjasni o pitanju koje je potpuno legitimno i legalno. Hvala kolega Čelik.

Predsjedavajući:

sve dok Zakonodavno-pravna komisija ne dostavi pisani materijal ja ovaj zaključak neću dati na glasanje. Možemo poslovničkih intervencija imati do sutra, i radit ćemo ako treba sve dok

ne završimo sjednicu Skupštine Kantona Sarajevo. Ispravka krivog navoda Vibor Handžić, Aljoša Čampara i Konaković. Izvolite.

Dopredsjedavajući Vibor Handžić:

hvala. Ja ponovo moram da ispravim vaš krivi navod zato što ste rekli da nećete više dozvoliti raniju praksu da se ovakve stvari ne šalju po Poslovniku na Zakonodavno-pravna komisija. Ovo nije nikakva ranija praksa koju vi sada mijenjate, nego ste vi lično 25.02. potpisali iste zaključke bez slanja Zakonodavno-pravna komisiji. Hvala.

Poslanik/zastupnik Aljoša Čampara:

ispravka krivog navoda i poslovnička intervencija. Dakle gospodine predsjedavajući, ja vam moram reći da ste vi ovdje možda prvi među jednakima, dakle vi predsjedavate. I nemate vi pravo niti vas je ko ovlastio, niti Ustav niti Zakon, niti ova Skupština da nešto dajte ili da nešto nekome ne dajte. Mi smo ovdje svi potpuno jednaki. 35 zastupnika. Vi samo predsjedavate. U ovom slučaju zato što je to izabrala Skupština tako. Ukoliko vi smatrate, ili neko smatra da treba ići na Zakonodavno-pravna komisija, vi to trebate dati na glasanje Skupštini pa će se Skupština izjasniti o toj inicijativi. A ovo ostalo je sve zloupotreba vašeg položaja i grubo kršenje i poslovnika i svega drugog. Ali neće vam to tako ići, vjerujte mi.

Predsjedavajući:

a koji smo član to prekršili uvaženi zastupniče Čampara? Nemojte molim vas da na takav način razgovarate. Ko da ste vi profesor a ja s druge strane da slušam vas.

Poslanik/zastupnik Aljoša Čampara:

prekršili ste član 27 koji govori da Skupština ima pravo odlučiti o nekom pitanju. A vi to niste delegirali i dali Skupštini da Skupština o tome odlučuje. Nego ste vi to sebi dali za pravo da ste vi iznad Skupštine. E o tome se radi predsjedavajući.

Predsjedavajući:

uvaženi zastupniče Čampara, pročitajte član 12 Poslovnika o radu Skupštine Kantona Sarajevo.

Poslanik/zastupnik Aljoša Čampara.

Ma pročitao sam ja puno bolje od vas i puno bolje od vas ja to poznajem gospodine predsjedavajući. Ali to je sada u ovom slučaju nebitno.

Predsjedavajući:

očito vi se sada postavljate da budete predsjedavajući. Uvaženi zastupniče Čampara evo završite ispravku krivog navoda. Ajte ispravka krivog navoda. Neću vas više prekidati a ni vi to ne trebate da činite, u suprotnom ću vam oduzimati riječ.

Poslanik/zastupnik Aljoša Čampara:

možete vi oduzeti riječ i sve vi možete oduzeti ali ne možete se ponašati nedemokratski, o tome se radi. Ne možete na silu. Vidite da sila ne prolazi. Ovo je demokratska zemlja, imaju poslovnicu, ima Ustav, imaju procedure, imaju zakoni. Može donekle ali ne može vječno. O tome se radi. Nemojte sebi dozvoljavati da radite nešto što vam nije propisao Poslovnik. Ovo je prijateljski pa vi sada radite kako god hoćete.

Predsjedavajući:

ispravka krivog navoda Konaković izvolite.

Poslanik/zastupnik Elmedin Konaković.

Ponovo ste krivo tumačili i krivo ste interpretirali član 27 Poslovnika stavljajući sebe iznad

ovog organa. Vi njome rukovodite i odlično ste primijetili član 12 koji vam daje prava i dužnosti. Jedno od prava i dužnosti jeste da osiguravate realizovanje prava i dužnosti klubova naroda i klubova političkih stranaka tokom priprema i održavanja sjednica. Vi imate četiri kluba potpisana, i više klubova potpisanih, koji traže da se o jednoj inicijativi izjasne. Zloupotrebljavate član 27 Poslovnika u kojem kaže da Skupština može naložiti Zakonodavno-pravna komisija ali nije i ne traži to mišljenje. I znamo svi da mišljenja radnih tijela nisu ni obavezujuća, i vi sada na tome pokušavate zaustaviti moratorij zbog masovnog zapošljavanja. Pa ako nije masovno, pa što vam smeta da to zaustavite. Da kažemo nemojte ljudi, u redu. Dakle, predsjedavajući Čelik do sada se nikada niste ovako ponašali. To radite očigledno po nečijem nalogu. Ispravljam još jednom krivi navod, i član 12 i član 27 ste pogrešno interpretirali. Oduzimate pravo nama zastupnicima i klubovima da radimo svoj posao. I što je najgore gleda nas cjelokupna javnost. Nama je pred izbore ovo super što radite. Ali nije nam s aspekta rashoda u javnoj upravi u kojoj premijer najavljuje smanjenje plata ljudima i poziva sindikate na smanjenje plata pa se masovno zapošljava. Dakle nije jer neko mora doći i počistiti taj nered koji radite. Zato vas molim da date nama naša prava jer ste dužni po članu 12 kojeg ste sami citirali, da se o tome izjasnite. Ili iskoristite pravo jer vodite sjednicu, dajte da Skupština zatraži od Zakonodavno-pravna komisija ukoliko ima potrebe da se pribavi to mišljenje. Ako ne bude glasamo odmah. Ako bude, Zakonodavno-pravna komisija razmatra i vrati se sa mišljenjem. To je vrlo jednostavno sve dalje boga mi izgledate bljedoliko. Vidim da se patite i sami. Nemojte se patiti oko toga. Ubrzavate proces da se zakaže neka hitna sjednica Skupštine na kojoj će većina u Kolegiju to odlučiti i sve ovo poredati a vi to ne možete braniti. Nemojte braniti ono što je neodbranljivo.

Predsjedavajući.

Možda vama izgledam blijedo Konakoviću, a možda nisam ni svjestan ovoga što čini ali ja ću postupiti u skladu s Poslovníkom i neću zaista dopustiti da se glasa za ovaj prijedlog zaključka dokle god ne budemo imali mišljenje Zakonodavno-pravna komisije. Također Zakonodavno-pravna komisija molim i zahtijevam da dostave mišljenje do kraja ove radne sjednice kako bi se Skupština mogla izjasniti o ovom zaključku. To je Poslovníkom definisano tako da nećemo uopšte za ovaj prijedlog zaključka dok ne dobijemo mišljenje Zakonodavno-pravna komisija se izjašnjavati.

Prelazimo na izjašnjavanje, imamo poslovnička intervencija Okerić nakon kolege Okerića idemo na realizaciju zaključaka ostalih zastupnika. Kada pribavimo mišljenje Zakonodavno-pravna komisija kazao sam da ćemo glasati za ovaj prijedlog zaključka. Izvolite Okeriću i završavamo s poslovničkim intervencija vezano za ovaj prijedlog zaključka. U skladu s Poslovníkom ćemo nastaviti dalje.

Poslanik/zastupnik Elvedin Okerić:

zahvaljujem predsjedavajući. Još jednom vas podsjećam da nam ne oduzimate naše demokratsko pravo da podnesemo inicijativu i da se izjasnimo o njoj. Podsjećam vas na član 213. Poslovnika Skupštine Kantona Sarajevo koji u zadnjoj rečenici kaže: O zastupničkim inicijativama o kojima nema potrebe za očitovanjem Vlade Kantona iste se odmah daju na glasanje i dostavljaju u proceduru. Predsjedavajući, vaš kolega Mahir Dević je također spominjao zbog čega bi ovo trebalo da ide na Zakonodavno-pravna komisija, međutim ovdje se ne radi samo o zapošljavanju i uhljebljavanju masovnom, ovdje se radi o izmjenama statuta, pravilnika o unutrašnjoj organizaciji i sistematizaciji radnih mjesta. Ogromna je šteta za sistem Kantona Sarajevo. Većina koja postoji u Kantonu Sarajevo je to procijenila da je to od neizmjerne važnosti da se to zaustavi. Zbog toga molim vas dajte nam naše demokratsko pravo da se izjasnimo. Hvala.

Predsjedavajući:

to možete kada smijenite mene kolega Okeriću uraditi bez ikakvih problema, niko vama ne

stoji na putu. Znači demokratsko je pravo da ja poštujem Poslovnik zakone i Ustav. Dokle god sjedim vi imate pravo da podnesete Klub Bošnjaka da smijenite predsjedavajućeg, odnosno ispred bošnjačkog kluba za sastav rukovodstva i da ide procedura dalje. Imate pravo i da podnesete zahtjev za izglasavanje nepovjerenja Vladi. To niko ne spori. Demokratsko je pravo. Znači imate proceduru, možete sve to uraditi ako mislite u roku od 24 sata. Da li sam svjestan ili nisam svjestan svoje pozicije, jesam. Ali evo procijenit će neko d ali sam svjestan. Poslovnička Čampara, izvolite.

Poslanik/zastupnik Aljoša Čampara:

gospodine predsjedavajući, potpuno je nebitno hoćete li vi biti smijenjeni ili nećete biti smijenjeni. To će se vjerovatno u budućnosti nekada rješavati. Ali je najbitnije ovdje da se držimo Poslovnika. Nemojte kršiti i ne možete kršiti Poslovnik i vi kao nama nešto davati ili ne davati. Mi ne tražimo od vas ništa. Nama je to Zakon, ustav i Poslovnik propisao da se glasa o inicijativi. Dajte molim vas na glasanje da vidimo treba li inicijativa Zakonodavno-pravna komisija ili ne treba. Onda će sve biti jasnije. Vi imate to pravo. (izgubio se ton) pravna komisija sastane i da kaže svoje mišljenje.

Predsjedavajući:

pa vi ste član Zakonodavno-pravna komisija iskoordinirajte da zasjeda Zakonodavno-pravna komisija imate većinu u Zakonodavno-pravna komisija izglasajte donesite nam pisani dokument.

Poslanik/zastupnik Aljoša Čampara:

ali predsjedavajući ko bi to trebao iskoridimirati?

Predsjedavajući:

Ja sigurno nisam.

Poslanik/zastupnik Aljoša Čampara.

Pa vi tražite da imamo tu komisiju. Valjda evo ako bi je i trebali imati, a nema potrebe, valjda je normalno da se napravi pauza pola sata i da se zakažete ta Zakonodavno-pravna komisija. Zašto je predsjednica ...

Predsjedavajući:

Pa tražite pauzu. Imate, vi ste u klubu sa kolegom Devićem i sa Jasminom Bišćević-Tokić koja je predsjednica Zakonodavno-pravna komisija. Iskoordinirajte.

Poslanik/zastupnik Aljoša Čampara:

Pa zašto ne zakaže onda? Nisam ja u Klubu ja sam u komisiji. Ja sam član te komisije. O komisiji sada trenutno govorimo.

Predsjedavajući:

Ali možete govoriti i u ime kluba. Govorim u ime komisije. Ali da bi se zakazala Zakonodavno-pravna komisija predsjedavajući Skupština mora donijeti odluku i reći da, o ovoj inicijativi je potrebno mišljenje Zakonodavno-pravna komisija. O tome se radi. Vrlo jednostavno.

Predsjedavajući:

Vrlo jednostavno i ja govorim. Znači član 12 meni daje mogućnost bez stava, člana 38 Zakonodavno-pravna komisija da dok se ne dostavi pisani izvještaj o tome da ne dajem na glasanje. Uvažena zastupnica Vildana Bešlija poslovnička intervencija.

Poslanik/zastupnik Vildana Bešlija:

Pa evo predsjedavajući na žalost morala sam se i ja uključiti iako su kolege stvarno već duže vremena pokušavale da vas nekako urazume da počnete odnosno da samo radite svoj posao a da ne preuzimate ingerencije nečega što vam nije definisano Poslovníkom. Zato se poziva na član 27. ono što vi kao predsjedavajući u ovom momentu možete uraditi možete imati taj svoj stav, koji nam zastupate možda nekih pola sata već. Imate pravo na to. Isto kao što i mi imamo pravo da tražimo da se Skupština izjasni o inicijativi koju smo podnijeli. Ali mi tražimo mišljenje Skupštine na isti način paralelno s tim vi kao predsjedavajući bez obzira što ste predsjedavajući, nemate pravo i ni po kom osnovu ne smijete uzeti sebi za pravo da uzimate nama naše pravo i da donosite vaš sud na način kako vi to smatrate da treba. Na isti način kao i mi vi možete tražiti mišljenje Skupštine. To su dvije mogućnosti koje možete uraditi. Ili tražiti mišljenje Skupštine u ovom momentu da se zakaže pa da se napravi pauza. To je jedna mogućnost ili da direktno glasamo o inicijativi koju smo podnijeli. Nemojte manipulirati ni s nama, jer vam zaista to ne ide od ruke. A siguran sam da su i građani i gledaoci svi to prozreli. Ovo je zaista ispod časti, zaista ispod časti što pokušavate da radite možda sat vremena. Postoje dvije mogućnosti recite za koju ste i dajte da nastavimo da radimo. Hvala vam.

Predsjedavajući:

zahvaljujem. Imamo poslovničku intervenciju Stojanović. Izvolite.

Poslanik/zastupnik Igor Stojanović:

hvala predsjedavajući. Dakle zbog ovog vašeg, po meni grubog kršenja člana 27 Poslovníka, ali ne želim da dolijevam ulje na vatru. Želim da pokušam da ponudim rješenje. Molim vas predsjedavajući, vaša je dužnost ako je već potrebno mišljenje komisije da nam organizujete da nam pribavite to mišljenje. Ne želim da govorimo o moralu i o etici i licemjerstvu kada ste predlagali prije 7 mjeseci bez mišljenja Zakonodavno-pravna komisija, zašto niste tada tražili za ove identične zaključke? Zašto imate dvostruke aršine prema zaključcima samo sedam mjeseci poslije? Mislim da nije korektno prema svim ostalim zastupnicima i zloupotrebljavate demokratiju. Ali evo moj je prijedlog da uzmemo pauzu 15 minuta da se organizuje komisija koja će dati eventualno svoje mišljenje, nakon čega ćemo se izjasniti. Također bih želio da pozovem kolegu Mahira Devića koji nam je ovdje objašnjavao danima kako je nebitno koje je mišljenje komisije dok se Skupština ne izjasni, da sada bude dosljedan u svojim izjavama i da sada jednostavno dopusti Skupštini da se izjasni o ovim zaključcima. Eto. Toliko hvala.

Predsjedavajući:

zahvaljujem uvaženi zastupniče Stojanović. Imamo ispravku krivog navoda uvaženi zastupnik Čampara.

Poslanik/zastupnik Aljoša Čampara:

pa to je bilo od ranije.

Predsjedavajući:

poslije Stojanovića ste bili. Poslovnička intervencija koliko vidim Dević.

Poslanik/zastupnik Mahir Dević:

zahvaljujem predsjedavajući. Da i se čujemo? Znači član 38 stav 1) je dužnost odnosno obaveza Zakonodavno-pravna komisije a ne nikako želja Skupštine Kantona Sarajevo. Već nekoliko prethodnika potpuno pogrešno citira član 27 koji u stavu 1) kaže da radna tijela Skupštine Kantona Sarajevo razmatraju pitanja iz svoje nadležnosti za narednu sjednicu Skupštine Kantona Sarajevo ili za nešto o čemu ih ovlasti Skupština. Znači cijelo vrijeme

očigledno pojedinci brkaju kruške i jabuke. Znači čitam član 27. stalna radna tijela imaju obavezu da razmatraju pitanja iz svoje nadležnosti koja su na dnevnom redu narednog zasjedanja Skupštine. Znači narednog, ne trenutnog zasjedanja Skupštine i o tome podnesu izvještaj na skupštinskom zasjedanju. Znači za narednu sjednicu, to je onih 7 dana pred sjednice. Stalna radna tijela razmatraju pitanje iz svoje nadležnosti po nalogu Skupštine ili vlastitoj inicijativi. To je opet ono za narednu sjednicu Skupštine Kantona Sarajevo. A član 38. stav 1) eksplicitno kaže da razmatra nacрте, prijedloge Zakona i drugih akata koje donosi Skupština u pogledu njihove usklađenosti sa Ustavom i pravnim sistemom i podnosi pismeni izvještaj o tome. Znači mi smo vrlo jasno ispred kluba tražili da nam komisija kaže da li su ovi zaključci za koje smo mi duboko ubijedeni da nisu usklađeni sa pravnim sistemom FBiH a samim tim i Kantona Sarajevo da nam komisija da svoje mišljenje. Ona može dati svoje mišljenje pozitivno ili negativno i tada se Skupština o tome izjašnjava. Znači to je kristalno jasno. Cijelo vrijeme vam galamom kolege i političkom pričom pokušavaju da nadomjeste određene članove Poslovnika. Znači 27 se odnosi na redovnu proceduru odnosno narednog zasjedanja Skupštine. Znači uporno zaborave ovu riječ predsjedavajući u stavu 1 vam to jasno piše. Narednog zasjedanja Skupštine. I cijelo vrijeme na neki način se gura što kažemo na silu da se nešto uradi. Znači uopšte, također se spinuje o nekim masovnim zapošljavanjima. Ono koliko ja znam i danas se zapošljava po saglasnostima koje je dala prethodna Vlada. To je ista ona Vlada koja je 900 ljudi za godinu zaposlila. I ovdje tražimo da vidimo da li su ti zaključci usklađeni s pravnim sistemom, nek to kaže onaj ko je zaštitnik Zakona kada je u pitanju Skupština, a to je Zakonodavno-pravna komisija. Kada će to biti organizovano, za dva sata, za tri sata, večeras. U toku sjednice to je sada tehničko pitanje. I mislim da je vrijeme da nastavimo dalje sa radom Skupštine a ne d na silu na neki način pogrešno interpretiramo član 27 koji nema apsolutno nikakve veze s ovim situacijom. Znači predsjedavajući pred vama je Poslovnik, sekretar je tu. Pročitajte taj član. Potpuno pogrešno citiraju član 27 koji nema veze s ovom situacijom nikakve. Hvala.

Predsjedavajući:

Poslovnička intervencija Okerić. Ja mogu cijelu noć što se mene tiče davati poslovničke intervencije ali nećemo se pomaći a imamo mnogo bitnih tačaka iza. Izvolite kolega Okeriću imate poslovničku intervenciju.

Poslanik/zastupnik Elvedin Okerić:

Zahvaljujem predsjedavajući. Ne znam dali se čujemo. Vidim da vi nastavljate grubo kršenje Poslovnika uvaženi predsjedavajući,

Predsjedavajući:

Uvaženi zastupniče Okeriću koji član citirate da sam?

Poslanik/zastupnik Elvedin Okerić:

Član 213 koji omogućava svakom zastupniku da podnese inicijativu i da se Skupština o njemu izjasni. Samo vas još jednom napominjem vi ste lično omogućili zastupniku Deviću da podnese inicijativu i vi lično o njoj sami razmatrate da li ona treba ili ne treba da ide na Skupštine. Dajte tu inicijativu od Devića da Skupština se izjasni o njoj, kao što također tražite da se izjasnimo i o našoj inicijativi. Uzeli ste sami sebi za pravo da se samo inicijative od četvorke ide na Zakonodavno-pravna komisiju. Znači molim vas podsjećam vas još jednom na grubo kršenje Poslovnika.

Predsjedavajući:

zahvaljujem uvaženi zastupniče Okeriću. Niko grubo ne krši Poslovnik. To su vaša mišljenja.

Poslanik/zastupnik Elvedin Okerić.

Stavite inicijativu gospodina Devića na glasanje da se izjasnimo.

Predsjedavajući:

kolega Okeriću hoćete li vi voditi sjednicu ili da vam nekako uključimo da vi gasite ili nekome dajte riječ. Ja bih vas lijepo molio da se ne uključujete niti vi bilo ko. Ispravka krivog navoda. Uvažena zastupnica Bešlija Vildana izvolite. Kolega Čampara ja vodim sjednicu, kada vam dam riječ vi ćete imati pravo da ispravku krivog navoda date.

Poslanik/zastupnik Vildana Bešlija:

Ovaj put ispravka krivog navoda ide prema kolegi Deviću. Znači sve ovo što je rekao maloprije da mi obmanjujemo javnost upravo je on uradio. U prvom stavu član 27 kaže stalna radna tijela imaju obavezu da razmatraju pitanja iz svoje nadležnosti koja su na dnevnom redu narednog zasjedanja Skupštine i o tome podnesu izvještaj na skupštinskom zasjedanju. Ovo nije bila tačka dnevnog reda. Znači ovo je inicijativa. U okviru tačke pitanje i inicijative. Prema tome to što kažete i pokušavate da prebacite za neku narednu sjednicu jednostavno nije tačno kolega Deviću. Apsolutno nije tačno. Znači radi se o inicijativi. Ukoliko predsjedavajući smatra da treba da se ima mišljenje i Zakonodavno-pravna komisije date brate to na glasanje, izglasamo, ide na komisiju. Ako ne, znači ide direktno na glasanje. Nemojte nas više vrtiti u krug jer jednostavno nije tačno to što govorite. Taj stav na koji ste se pozvali se tiče redovnih tačaka dnevnog reda i redovne procedure. Ili dajte na glasanje kao što sam već i ranije rekla da se zakaže komisija ili dajte direktno da se glasa. Mislim nije mi jasno na koji način mislite dalje voditi sjednicu predsjedavajući? Nemojte dalje zloupotrebjavati svoj položaj. Hvala vam.

Predsjedavajući:

Kolegice Bešlija niko ne zloupotrebljava položaj, pogotovo ne ja. Ispravka krivog navoda zastupnik Čampara izvolite.

Poslanik/zastupnik Aljoša Čampara.,

Zahvaljujem predsjedavajući. Pa evo otprilike na tragu ovoga što je kolegica Bešlija rekla, dakle vrlo logički, vrlo poslovnički, kako god hoćete, naravno da se radi o inicijativi, da se ne radi o tački dnevnog reda. Međutim, ima i druga stvar, na šta sam se htio referirati. Gospodin Dević kaže da on misli da bi trebalo to ići ovako. Evo ja mislim suprotno od njega, da ne bi to trebalo ići ovako. I šta ćemo sada? Hoćemo li doći u neku pat poziciju? Pa zato postoji većina koja će reći u Skupštini koja će reći je li ovo ili je ono. Iz tog razloga predsjedavajući ukoliko neko smatra, evo vi, evo gospodin Dević, evo ja, bilo ko da treba nešto uraditi onda se to da Skupštini da se Skupština izjasni o tome. Ukoliko se Skupština izjasni o tome da treba na Zakonodavno-pravna komisiju ići, zakazat ćemo Zakonodavno-pravna komisiju i mirna Bosna. Ukoliko Skupština kaže da to ne treba ići na Zakonodavno-pravna komisija nećemo ići na Zakonodavno-pravna komisija i izjasnit ćemo se. Što se tiče zapošljavanja molim vas. Jedno od narednih tačaka i mi imamo pitanje Grasa. Restrukturiranje gdje treba otpuštati ljude itd. Vidjeli smo tamo hiljadu nekakvih stvari. Pa imamo tačke Zakona oko policije. Pa nećete nam valjda sada reći da se ne zapošljava neko ovdje. Da se ne mijenjaju statuti. Pa zna to više svako. Pa nemojte nas molim vas praviti ludim jer nismo mi ipak ljudi ljudi. Jednostavno odgovorno radimo ovaj posao u Skupštini. Ali dajte da se vratimo u poslovničke procedure. Hvala.

Predsjedavajući:

Ispravka krivog navoda, zastupnik Stojanović. Izvolite.

Poslanik/zastupnik Igor Stojanović:

Ispravka krivog navoda gospodinu Deviću koji je za mene uradila zastupnica Vildana Bešlija.

Ja ću samo postaviti pitanje gospodinu Deviću. Gospodine Deviću da li vas je imalo stid da jedno radite u februaru a na potpuno istoj situaciji koja se dešava tražite potpuno druge stvari sada u septembru? I molim vas predsjedavajući zanemarili ste moj prijedlog. Ja pozivam evo, ako je Jasmina Bišćević Tokić predsjednica ove komisije koja bi trebala da nam pomogne u razrješenju ove situacije neka se javi sada za riječ, neka organizuje rad komisije i da dobijemo mišljenje odmah. Ja bih je zamolio da se uključi u ovaj problem kako bi smo ga prevazišli jer komisija zastupnička nije neko vanzemaljsko tijelo koje se nalazi na Saturnu. Svi su članovi ovdje i mi možemo sazvati to tijelo i razriješiti ako je to već nešto sporno što bi trebalo da nas zaustavi oko zastupničke inicijative Danijele Kristić. Dakle molim zastupnicu Jasminu Bišćević Tokić da se uključi, da sazove komisije i da nam kaže svoje mišljenje da li treba ili ne treba. Da organizuje ako treba, i da uzmemo pauzu od 15 minuta i razriješimo ovu situaciju, ne nastavljamo ovu besmislenu diskusiju u kojima su dupli aršini, jedni u februaru, drugi u septembru. Hvala.

Predsjedavajući:

Pa o tome ja cijelo vrijeme i govorim uvaženi zastupniče Stojanoviću samo što smo drugačije interpretirali vjerovatno svi zastupnici su malo danas nervozni, ali evo ja pokušavam da kažem da je do kraja zasjedanja sjednice potrebno mišljenje ZPK bez obzira kakvo će to biti mišljenje. Ja ću dati na glasanje taj zaključak. Znači meni treba stav ZPK pa da idemo dalje. Naravno nije to ZPK sada kao što ste rekli negdje van institucije. Mogu oni zasjedati i mimo sjednice, mi da nastavimo sa radom, da dobijemo mišljenje njihovo i da nastavimo sa radom svakako. Ali evo, kolega Dević je također tražio poslovničku intervenciju. Odustao je. Kolegica Bilsena Šahman je poslovničku, a ne imali smo, izvinite, ja poslovnička intervencija Bilsena Šahman.

Poslanik/zastupnik Bilsena Šahman:

Zahvaljujem predsjedavajući. Predsjedavajući ja bih vas zamolila da idemo dalje. Zaista ovo toliko iscrpljuje i sve nas i naše sugrađane nema smisla ovo što radite. Dajte na glasanje, pa neka ono što je zakonski se sprovodi, što nije nek se ne sprovodi, ali dajte više da se izjasnimo o ovoj inicijativi. Zaista ovo nema smisla više šta radite.

Predsjedavajući:

Zahvaljujem. Dajem riječ predsjednici ZPK zastupnica Bišćević Tokić, izvolite imate riječ.

Poslanik/zastupnik Jasmina Bišćević Tokić:

Zahvaljujem predsjedavajući. Evo pozdravljam pošto se prvi put javljam sve svoje kolege, ministre u Vladi, građane kraj malih ekrana. Ja bih vas molila da kao što je po Poslovniku ZPK svoje mišljenje može dati do kraja zasjedanja Skupštine Kantona Sarajevo. Želim da upoznam sve kolege da u ZPK imamo tri vanjska člana i da nam je sekretar komisije također sekretar Skupštine gospođa Aida, tako da ona ne bi mogla biti na daljnjem zasjedanju Skupštine Kantona Sarajevo. Evo ako se slažu mi ćemo po Poslovniku dostaviti svoje mišljenje do kraja zasjedanja Skupštine Kantona Sarajevo. Zahvaljujem predsjedavajući.

Predsjedavajući:

Zahvaljujem. To je svakako u skladu sa Poslovníkom. Poslovnička intervencija Konaković.

Poslanik/zastupnik Elmedin Konaković:

Ja se predsjedavajući borim s ovim tonom, jel sada OK?

Predsjedavajući:

Mi vas sada čujemo, izvolite. Samo kada se udaljite od mikrofona malo slabije vas čujemo, ali evo radi gledalaca i radi zastupnica ostanite tako kako jeste sada i čujemo vas.

Poslanik/zastupnik Elmedin Konaković:

Evo ne mrdam, i vas poslovnički pitam kako mislite da se (nerazumljivo) ovom materijalu danas? Gdje vam je tu mišljenje ZPK i koje ćete aršine koristiti i koji član Poslovnika da bi ste nas ubijedili da je to uredno pripremljen materijal? Pitam vas i sekretarku koja šuti već nekoliko sjednica. A sjećam se da je prošla sekretarka uredno odgovarala na postavljena pitanja. Hvala.

Predsjedavajući:

Kolega Damir Nikšić poslovnička intervencija, izvolite.

Poslanik/zastupnik Damir Nikšić:

Ja se pozivam ovo isto na Poslovnik da zastupnici mogu predložiti inicijative. Ja sam prije sjednica predložio ovu Deklaraciju o Srebrenici i ispostavilo se da ona nije bila u skladu ne znam sada dal sa zakonom, ali znam da se digla velika prašina u ambadorskom, diplomatskom koru ovdje u Sarajevu i da sam ja onda na intervenciju vas i svih ostalih povukao tu inicijativu. Ali nismo imali zasjedanje komisije, da li ona može ili ne može. Sjećam se da smo svi jednoglasno donijeli tu Deklaraciju. Tako da predlažem da i sada uradimo isto pa ako bude nekih problema i ako nije ustavno ako nije po Zakonu da ova četiri kluba povuku tu inicijativu. Eto to je moj prijedlog.

Predsjedavajući:

Zahvaljujem. Imali smo poslovničku intervenciju još uvaženog zastupnika Okerića. Izvolite.

Poslanik/zastupnik Elvedin Okerić:

Zahvaljujem predsjedavajući. Tražim do vas da inicijativu koju je podnio gospodin Dević da se izjasni Skupština Kantona Sarajevo a ne samo vi. Znači Dević je podnio inicijativu, o inicijativi se treba Skupština izjasniti glasanjem. Ovdje ste vi predsjedavajući u ime svih nas prihvatili njegovu inicijativu. Vi na to nemate pravo. Čak i u ovoj inicijativi da se ZPK izjasni do kraja Skupštine, treba odlučiti Skupština Kantona Sarajevo. Hvala.

Predsjedavajući:

Kolega Okeriću, zahvaljujem. Ja imam prijedlog rješenja, ukoliko se slažete, naravno. Da dođemo u situaciju da pređemo na drugu tačku dnevnog reda da se ne izjašnjavamo o zaključcima, a da zatražimo od ZPK da u roku od najduže 2 sata dostavi mišljenje i da se izjasnimo na pauzi nekoj između tačaka vezano za preostale zaključke. To je prijedlog zaključka, ukoliko se slažete otvorit ćemo anketu i molim da glasate.

Znači ponavljam prijedlog zaključka je da se u roku od dva sata ZPK izjasni i da se izjasnimo o zaključku o kojem smo govorili od klubova zastupnika NiP, kluba Naše stranke, Kluba zastupnika SDP, kluba zastupnika NBL - Samostalnih zastupnika i svih ostalih zaključaka da ne remetimo red predloženih zaključaka.

Molim zastupnike da glasaju u viber grupi.

Obzirom da nije usvojen zaključak, ZA je glasalo 12, PROTIV 17, SUZSRŽANIH 2.

Ja ću dati zaključak na glasanje. Ali Klub zastupnika SDA će pokrenuti apelaciju prema Ustavnom sudu kako bi se Ustavni sud očitovao, jer ovaj prijedlog zaključka po nama iz Kluba zastupnika SDA nije u skladu sa Ustavom niti zakonskim propisima.

Dajem na glasanje prijedlog zaključka Kluba zastupnika NiP, kluba zastupnika Naše stranke, Kluba zastupnika SDP-a BIH i Kluba zastupnika NBL - Samostalnih zastupnici. Molim sekretara Skupštine da otvori anketu, a ja ću pročitati Zaključke:

1. Zabranjuje se Vladi Kantona Sarajevo i resornim ministarstvima davanje saglasnosti za prijem u radni odnos uposlenika na određeno i neodređeno vrijeme, za zaključivanje ugovora o djelu i ugovora o privremenim i povremenim poslovima u

organima uprave Kantona Sarajevo, zavodima, direkcijama, agencijama, upravnim organizacijama, pravnim licima sa javnim ovlaštenjima na teritoriji Kantona Sarajevo, javnim preduzećima i javnim ustanovama čiji je osnivač Kanton, budžetskim i vanbudžetskim fondovima, te u privrednim subjektima u kojima Kanton učestvuje sa najmanje 50% ukupnog kapitala.

2. Nalaže se svim subjektima iz tačke 1. Zaključaka da obustave sve aktivnosti na izmjenama i dopunama osnivačkih akata i pravilnika o organizaciji i sistematizaciji radnih mjesta. Također se nalaže obustavljanje internih premještanja zaposlenika unutar ustanova, preduzeća, organa uprave i ministarstava.
3. Iz tačke 1. Zaključka izuzimaju se odgojno – obrazovne, visokoškolske ustanove, zdravstveni radnici u zdravstvenim ustanovama, Uprava policije, Ured za borbu protiv korupcije i upravljanjem kvalitetom Kantona Sarajevo za hitna i opravdana zapošljavanja uz obaveznu prethodnu saglasnost Vlade Kantona Sarajevo. Izuzima se i zapošljavanje preko programa Službe za zapošljavanje KS.
4. Iz tačke 1. Zaključaka izuzimaju se subjekti koji su već dobili saglasnost Vlade za prijem uposlenika na određeno vrijeme gdje postoji opasnost da bi zbog započelih poslova u procesu rada isticanjem ili prekidom ugovora na određeno vrijeme mogle nastupiti veće štete za predmetnog subjekta.
5. Subjekti navedeni u tački 1. Zaključaka obavezuju se da odmah i bez odlaganja ponište javne konkurse za prijem u radni odnos koji su u toku, kao i da obustave prijem u radni odnos bez javnog konkursa, a sve prema ranije dobivenim saglasnostima nadležnog organa.
6. Obavezuje se Vlada Kantona Sarajevo, nadzorni i upravni odbori, ovisno o nadležnosti, da ponište pokrenute konkursne procedure i obustave sve dalje postupke razrješenja, izbora i imenovanja direktora i članova Uprava, Upravnih i Nadzornih odbora javnih subjekata iz tačke 1. Zaključka.
7. Zaključci stupaju na snagu danom donošenja i primjenjivat će se 90 dana, ukoliko Skupština drugačije ne odluči.
8. Obavezuje se Vlada Kantona Sarajevo da putem resornih ministarstava odmah pristupi realizaciji prethodno navedenih zaključaka i da o tome obavijesti Skupštinu Kantona Sarajevo.

Molim zastupnike da glasaju za prijedlog zaključaka četiri kluba, već sam naglasio da će se izuzeti iz glasanja Klub SDA. Zaključujem glasanje.

Za je glasalo 19 zastupnika, protiv nije bio niko, suzdržanih je bilo 3.

Konstatujem da smo usvojili prijedlog zaključka četiri kluba zastupnika gore navedenih.

Prelazimo na realizaciju zaključka uvažene zastupnice Kristić. Molim sekretara Skupštine da napravi anketu.

1. Obavezuju se Vlada Kantona Sarajevo, Ministarstvo zdravstva Kantona Sarajevo i Zavod zdravstvenog osiguranja da odmah počnu primjenjivati Uredbu i raspišu tenderi za kontinuirane mjerače i glukozne senzore, ketonske trakice, zamjenske pumpe, potrošni materijal i tender za trakice za mjerenje šećera za odrasle (kako bi ukinuli referalnu cijenu koja je 3 puta viša od realne).
2. Obavezuju se Vlada Kantona Sarajevo, Ministarstvo zdravstva KS i Zavod zdravstvenog osiguranja KS da u roku od 60 dana realizuju 4 zaključka Skupštine Kantona Sarajevo koji su jednoglasno usvojeni na 43. radnoj sjednici od 25.06.2018 godine.

Molim sekretara da otvori anketu i zastupnike da glasaju o istoj. Otvaram glasanje. Molim zastupnike da glasaju. Zaključujem glasanje.

Za je bilo 29 zastupnika, protiv i suzdržanih nije bilo.

Konstatujem da smo usvojili prijedlog zaključka uvaženi dopredsjedavajuće Kristić.

Prelazimo na realizaciju zaključka također zastupnice Danijele Kristić. Molim sekretara da napravi anketu.

1. Obavezuje se Ministarstvo prostornog uređenja, građenja i zaštite okoliša da svake dvije godine obavi godišnji nadzor svih prinudnih predstavnika etažnih vlasnika sa Liste kandidata koji mogu obavljati poslove predstavnika etažnih vlasnika po pitanju izvršenja svih njihovih obaveza na svim dodijeljenim zgradama shodno članu 54. Zakona o upravljanju zajedničkim dijelovima zgrade (Službene novine KS 19/17).
2. Godišnji nadzori će se obavljati kontinuirano u periodu dvije kalendarske godine.
3. Obavezuje se Ministarstvo prostornog uređenja, građenja i zaštite okoliša da kvartalno obavještava Skupštinu Kantona Sarajevo o do tada poduzetim nadzorima, kao i da kvartalne izvještaje o poduzetim nadzorima objavljuje na svojoj zvaničnoj web stranici, kao i Facebook profilu Ministarstva.
4. Obavezuje se Ministarstvo prostornog uređenja, građenja i zaštite okoliša da o svim nepravilnostima odmah po saznanju obavijesti Kantonalnu upravu za inspeksijske poslove.
5. Obaveza obavljanja nadzora počinje sa 01.10.2020. godine.

Molim zastupnike da pristupe glasanju i viber grupi. Zaključujem glasanje.

Za je glasalo 23 zastupnika, protiv i suzdržanih nije bilo.

Konstatujem da smo usvojili i ovaj prijedlog zaključka.

Sljedeći je zaključak uvaženog zastupnika Milavice Seada.

Pokrećem inicijativu prema Vladi Kantona Sarajevo da se izvrši promjena naziva JU Zavod za zaštitu žena i materinstva u JU Zavod za zaštitu žena i materinstva-Belma Šoljanin.

Molim zastupnike da se izjasne o predloženoj inicijativi uvaženog zastupnika Milavice. Molim zastupnike da glasaju u viber grupu.

Za je glasalo 23 zastupnika, protiv 1 i suzdržanih je bilo, ustvari 25 je bilo za.

Konstatujem da smo usvojili i ovu zastupničku inicijativu uvaženog zastupnika Milavice.

Prelazimo na izjašnjavanje inicijativu je uputio uvaženi zastupnik Jakupović.

Podnosim inicijativu za donošenje zaključka kojim će se predsjedavajući obavezati da zakaže nastavak 27.radne sjednice u periodu od 7 dana od današnjeg dana.

Molim zastupnike da glasaju. Zaključujem glasanje. Za je glasalo 19 zastupnika, protiv 1, suzdržanih 3.

Konstatujem da je usvojena zastupnička inicijativa zastupnika Jakupovića.

Prelazimo na izjašnjavanje o inicijativi uvažene zastupnice Bilsene Šahman. Molim sekretara da napravi anketu.

Da se donese Odluka o davanju saglasnosti za Nacrt sporazuma za rješavanje prostora Fakulteta zdravstvenih studija.

Molim zastupnike da se izjasne o istoj. Otvaram glasanje. Zaključujem glasanje.

Za je bilo 24 zastupnika, protiv i suzdržanih nije bilo.

Konstatujem da smo usvojili i ovu inicijativu uvažene zastupnice Bilsene Šahman.

Prelazimo na izjašnjavanje po inicijativi zastupnika Čelika.

Upućujem inicijativu Ministarstvu kulture i sporta Kantona Sarajevo koji se odnosi na uvrštavanje Udruženja građana Princes krofne u Budžet Kantona.

Molim sekretara da. Poslovnička intervencija Konaković.

Poslanik/zastupnik Elmedin Konaković:

Predsjedavajući, znate da se za inicijative za koje su potrebna sredstva mora izjasniti Vlada. Dakle ovo je ponovo kršenje Poslovnika. Za ovu inicijativu koja iziskuje materijalna sredstva morate imati mišljenje Vlade. Tako da ste morali prvo Vladi proslijediti. Ona nije spremna za izjašnjavanje.

Predsjedavajući:

Uvaženi zastupniče Konakoviću vi znate da za ovu inicijativu ja nisam u inicijativi tražio nego u obrazloženju sam naveo da su bili u budžetu sa 60.000 2009 i 2010, i ja upućujem inicijativu svakako samo da se uvrste u Budžet Kantona Sarajevo. O toj inicijativi možemo glasati. Kolegica Šahman je također tražila poslovničku. Zvonko Marić vi ste imamo vašu inicijativu. Idemo po redu kako su pristizale tako ćemo se izjašnjavati.

Poslanik/zastupnik Bilsena Šahman:

Predsjedavajući, ja sam imala inicijativu za udruženje Dajte nam šansu i tada ste mi vi lično ukinuli iznos koji sam stavila da se za njih i da uđu u budžet. Izglasali smo tada samo da mogu da uđu u budžet za sljedeću godinu. Tako da i ovdje moramo ispraviti ovo, mora se prvo Vlada izjasniti.

Predsjedavajući:

Tako je. Ja ne tražim finansijska sredstva, ja tražim da se uvrste u budžet, da li će za narednu godinu ili za dvije godine ali da budu. To je u obrazloženju da su imali 2009 i 2010 u iznosu od 60.000. ja nisam u inicijativi da su potrebna finansijska sredstva. Ja sam (nerazumljivo) i to je inicijativa za Vladu. Možete glasati ako ste završi glasanje. Poslovnička Aljoša Čampara.

Poslanik/zastupnik Aljoša Čampara:

Ma predsjedavajući samo jedno pojašnjenje. Dakle naravno da se treba Vlada izjasniti o tome kada su sredstva u pitanju. Međutim ja nemam stvarno ništa protiv da ide na budžet. Ali ja imam informaciju da su Udruženje Princes krofne da su na Budžetu i u Gradu Sarajevo. Isto otprilike sa 60.000. e sada ne znam ima li to veze da jednom udruženju po dva osnova dajemo sa dva nivoa. Možda i to bi trebalo vidjeti i usaglasiti jer danas su nas ljudi obavijestili iz Grada da su na budžetu u Gradu. Pa eto možda da se povede i o tome računa, možda i nekom drugom udruženju da se preusmjere ova sredstva ako su ovo udruženje Princes krofne već na budžetu u Gradu Sarajevo. Eto pojašnjenje.

Predsjedavajući:

Ujedno se zahvaljujem na informaciji. Ja ću ostaviti ovo za izjašnjavanje na drugoj sjednici Skupštine Kantona Sarajevo. Ukoliko budu finansirani od do Grada ova inicijativa će se smatrati kao da nisam podnio.

Ukoliko ste imali ostali poslovničku inicijativu za ovaj prijedlog inicijative ja vas lijepo molim da se izjasnite Konakoviću pošto prelazimo na drugu zastupničku inicijativu.

Poslanik/zastupnik Elmedin Konaković:

Evo kada povlačite ona naravno gubi smisao ali da je marka, ne piše tamo koliko, ali čak i marka na budžetu to mora reći Vlada. Htio sam vas pitati gdje vam je mišljenje ZPK za ovu vašu inicijativu pošto ga nema jel smatrate da je ona regularna? Hvala vam.

Predsjedavajući:

O ovoj inicijativi se Vlada ukoliko budemo tražili da se iznađu sredstva svakako će se morati Vlada izjasniti a u skladu s Poslovníkom ukoliko to Vlada ne uradi do naredne sjednice ja to mogu dati na glasanje. Također i kolegica Jasna Duraković je podnijela inicijativu i ta inicijativa je svakako na mom stolu i o njoj ćemo se izjasniti nakon inicijative uvažene zastupnice Admele Hodžić u skladu s Poslovníkom.

Ja bih vas lijepo molio da se izjasnite za zastupničku inicijativu uvažene zastupnice Admele Hodžić:

Da se u što skorijem periodu objavi Javni poziv za dodjelu sredstava za finansiranje dijela minimalne mjesečne neto plaće (u FBiH) za april i maj 2020. godine za Kanton Sarajevo, za privredne subjekte koji su Javnim pozivom broj 05-02-45-18053/20 od 05.06.2020. god. isključeni postavljenim kriterijima, vezujući pravo na naknadu za evidentirani promet preko fiskalnih uređaja registrovanih u Poreznoj upravi FBiH.

Ja mislim da za ovu trebamo imati mišljenje Vlade, pa ćemo izjašnjenje odgoditi do naredne sjednice ukoliko ne dobijemo stav Vlade.

Inicijativa uvažene zastupnice Jasne Duraković je bila međutim nismo dobili izjašnjenje Vlade i u skladu s Poslovníkom možemo se danas izjasniti. Zaključak:

Da se izmijeni Odluka Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu (broj 02-05-19288-9/09 od 11.06.2009), te da se u navedenu odluku uključi oslobađanje od troškova studija (uključujući školarinu prilikom upisa odgovarajuće godine prvog ili drugog ciklusa studija prvi put, upisne materijale, te prijavu i odbranu završnog rada) po osnovu pripadanja određenoj ranjivoj kategoriji društva (studenti iz porodica šehida i poginulih boraca, studenti iz kategorije djece bez roditeljskog staranja, odnosno studenti koji su u sistemu alternativne brige o djeci bez roditelja, studenti s poteškoćama u razvoju i sa invaliditetom i studenti iz socijalno ugroženih porodica).

Molim zastupnike da se izjasne o predloženom zaključku uvažene zastupnice Duraković Jasne. Sekretara molim da napravi anketu, to je već učinjeno. Molim zastupnike da glasaju. Zaključujem glasanje.

Za je glasalo 27 zastupnika, protiv i suzdržanih nije bilo. Konstatujem da smo usvojili prijedlog zaključka uvažene zastupnice Duraković.

Prelazimo na inicijativu zastupnika Zvonka Marića, molim sekretara da napravi anketu. Zastupnici su dobili ali zbog stenograma i javnosti ja ću pročitati.

Budući da Opća bolnica u svom poslovanju prolazi kroz niz nejasnoća zakonskih i svakodnevnih pravnih nedorečenosti i peripetija vezanih za finansiranje ove iznimno važne zdravstvene institucije pokrećem inicijativu da Vlada Kantona Sarajevo sagleda sve pravne aspekte i u tom smislu stvori potrebne pretpostavke da se Opća bolnica transformira u kantonalnu bolnicu. Skupština Kantona Sarajevo također treba preuzeti aktivnosti iz svoje nadležnosti suviše je isticati sve funkcionalne i svake druge prednosti koje bi osiguralo ovaj status za zdravstvenu ustanovu od krucijalnog značaja za građane Kantona Sarajevo. Poznato je da svi kantoni imaju zdravstvenu ustanovu ovog tipa i da funkcioniraju bez većih problema. Molim Skupštinu da se izjasni o ovoj inicijativi s obzirom da tražene aktivnosti ne zahtijevaju novčana izdavanja.

Molim zastupnike da se izjasne o prijedlogu inicijative uvaženog zastupnika Marića.

Zaključujem glasanje.
Za je bilo 23 zastupnika, protiv i suzdržanih nije bilo.
Konstatujem da smo usvojili i ovu inicijativu uvaženog zastupnika Marića.

Prelazimo na realizaciju tačke dva:

AD – 2.

PRIJEDLOG ZAKONA O IZMJENAMA I DOPUNAMA ZAKONA O POLICIJSKIM SLUŽBENICIMA KANTONA SARAJEVO - HITNI POSTUPAK

Materijal ste dobili uz poziv za sjednicu. Molim predstavnika Predlagača da podnese uvodne napomene. Ministre Jusko izvolite, imate riječ.

Ministar Ismir Jusko: UVODNO IZLAGANJE

Zahvaljujem predsjedavajući. Koristim još jedanput priliku da pozdravim vas, uvažene zastupnice i zastupnike, kolege iz Vlade i sve one koji nas sada gledaju. Znači, trenutno važeći Zakon o policijskim službenicima Kantona Sarajevo sadrži nejasno pojmovno određenih normi, kontradiktornosti i neusklađenosti pojedinih članova zakona i postojanja pravnih praznina. Što će predloženim izmjenama dopunama biti otklonjeno. Pojedine odredbe predstavljaju ispravku tehničkih grešaka. Izmjenama se predlaže jasnije pojmovno određenje norme koja se odnosi na određivanje stepena i vrste školske spreme što je jedan od opštih uslova koje kandidat za kadeta mora ispunjavati u proceduri odabira istih i prijema u Upravu policije. I nije narušen princip uvođenja struke već naprotiv na jasniji način se prijedlogom definišu postojeće norme. Donošenjem predloženih izmjena bit će omogućeno izjednačavanje prava na pristup policijskom organu u činu mlađi inspektor. Prijedlogom se omogućava lakše raspolaganje ljudskim resursima u cilju poboljšanja operativnosti policije, naročito u situacijama ugrožavanja sigurnosne situacije, povećanog obima posla uslijed migrantske krize, proglašenja stanja prirodne nepogode ili druge nesreće ili drugih opravdanih razloga. Ono što je bitno napomenuti, a ja vjerujem da su to uvažene zastupnice i zastupnici imali priliku da čuju u proteklih sigurno nekoliko mjeseci a to je da u ovom momentu u Upravi policije nedostaje negdje oko 330 policijskih službenika i službenica, da otprilike negdje oko 100 imamo invalida druge i treće kategorije koji su operativno ne mogu iskoristiti na terenu, a isto tako da u narednim mjesecima očekuje se odlazak u penziju određenog broja naših kolega i kolegica. Sumirano s ovim zakonom ćemo otkočiti procese koji su vezani prije svega za unapređenje postojećih kadrova s jedne strane a ono isto što je izuzetno bitno raspisivanje javnog poziva za prijem novih policijskih službenika i službenica. Kada to ne bi uradili došli bi u situaciju da već u toku iduće godine imamo manjak na terenu otprilike gotovo 400 policijskih službenika i službenica. S obzirom da migrantska kriza sigurno da ne možemo ni nagovijestiti kada može biti potencijalno smanjenje a da ne kažemo kraj, isto tako i borba s koronom dosta često se dešava da po liniji rada policijski službenici i službenice kada se razbole malte ne po nekoliko njihovih kolega, čak nekada i više odlazi na bolovanje. Do ovog momenta, Uprava policije je bez ikakvih problema pokrivala sve ono što se od nje tražilo, ali sa ovim izmjenama Zakona moći ćemo raspisati javni poziv, primiti policijske službenike i službenice, novu generaciju i sigurno na duže vrijeme riješi trenutni problem. Ono što želim posebno istaći da smo za ove izmjene Zakona i prvo i drugog o kojem ćemo malo kasnije također razgovarati, dobili sva pozitivna mišljenja. Akteri svi koji su radili na ovim zakonima bili su usaglašeni oko istih. Podršku navedenom dao je Sindikat policije, dala je Komisija za sigurnost Kantona Sarajevo, dao je OHR i dala je Ambasada SDA. Ja u potpunosti vjerujem da i zastupnici i zastupnice u potpunosti su razumjeli važnost donošenja ovog Zakona i jednog i drugog i ja vas molim da nam date podršku da što prije krenemo sa svim onim procesima koji su ispred nas. Zahvaljujem.

Predsjedavajući:

Zahvaljujem uvaženi ministre. Da li predstavnici radnih tijela žele riječ? Ukoliko se niko ne javlja, ima li pitanja? Nemamo pitanja. Evo da sačekamo Okerić Elvedin, da li? Nije. Kolega Okerić Elvedin imamo pitanje. Molim zastupnike da se blagovremeno prijavljuju za pitanje da ne prelazimo na raspravu dok ne iscrpimo pitanja. Kolega Okerić Elvedin imate riječ, izvolite.

Poslanik/zastupnik Elvedin Okerić:

Zahvaljujem predsjedavajući. Obzirom da su ova dva Zakona povezani Zakon o unutrašnjim poslovima i Zakon o policijskim službenicima, predlažem da oba ova Zakona zajedno diskutujemo i razmatramo.

Predsjedavajući:

Kolega Okeriću to je druga tačka dnevnog reda, da je u sklopu jedne tačke pod a i pod b mogli bi, ali evo ukoliko se slažu i ostali članovi Skupštine možemo objediniti javnu raspravu po ova dva Zakona ali se moramo izjasniti na prijedlog uvaženog zastupnika Okerića. Znači dajem na glasanje da se vodi jedinstvena rasprava za ova dva Zakona a da, nemojte glasati pojedinačno, napraviti ćemo anketu, lakše nam je pratiti a da se izjasnimo pojedinačno za oba Zakona. Ministre ja vas lijepo molim da uvodne napomene i za Zakon o unutrašnjim poslovima Kantona Sarajevo uvodne napomene date, i onda da objedinimo raspravu. Možete poslati anketu a vas molim da glasate, pretpostavljam da ćemo dobiti potrebnu većinu da na prijedlog uvaženog zastupnika Okerića. Ministre Jusko molim vas.

Ministar Ismir Jusko:

Ja sam tu i evo mogu iskreno reći zahvaljujem se zastupniku Okeriću u potpunosti je u pravu da su oba Zakona povezana. Znači također trenutno važeći Zakon o unutrašnjim poslovima Kantona Sarajevo je u pripremi pokazao određene nedostatke i pravne praznine. Kako predložene izmjene nisu obimne i nisu suštinske iz tog razloga je izašlo da ide u hitnom postupku jer istim se uređuju odnosi i pitanja za čije uređivanje postoji neodložna potreba i čijim će donošenjem biti omogućeno zapošljavanje i unapređenje u Upravi policije. Bitno je istaći da u okviru reforme policijskih tijela u BIH inicira je reorganizacija kriminalističke službe policijskih agencija i na kantonalnom nivou, koja je obuhvatila uspostavljenje novih strategija djelovanja kriminalističkih službi. U svim policijskim organima u BIH, pa i u Kantonu u organizacijskom smislu postali su prepoznatljivi modeli rada koje je usklađen sa savremenim modelima djelovanjima policije u zemljama EU. Međutim, navedene procese, reforme nisu pratile i normativne intervencije u propisima koji uređuju nadležnosti i način rada policijskih organa. Iz tih razloga je u cilju sveobuhvatnog zakonskog normiranja policijskih poslova pravne sigurnosti u domenu postupanja policijskih službenika potrebno stvoriti adekvatne normativne pretpostavke za nastavak razvoja sektora kriminalističke policije, kao najvažnije odrednice modernih policijskih snaga. Izmjene Zakona omogućit će da se donesu novi provedbeni procesi u unutrašnjoj organizaciji čime bi se stvorili uslovi za nesmetano provođenje procedura zapošljavanja i unapređenja u policijskom organu, a istovremeno bi u ovom segmentu policijsku upravu učinilo znatno efektivnijom i efikasnijom. Zahvaljujem predsjedavajući.

Predsjedavajući:

Zahvaljujem uvaženi ministre Jusko. Moram ponoviti da li predstavnici radnih tijela žele riječ? Ima li pitanja? Otvaram raspravu. Prvi se javi za raspravu uvaženi zastupnik Okerić. Izvolite. Obzirom da smo izglasali da se vodi jedinstvena rasprava za oba Zakona, pojedinačno ćemo se izjasniti, sa 25 glasova ZA, protiv i suzdržanih nije bilo. Konstatujem da je prijedlog zaključka zastupnika Okerića dobio potrebnu većinu, te vas pozivam da vodimo jedinstvenu raspravu u ova dva Zakona. Izvolite kolega Okeriću.

Poslanik/zastupnik Elvedin Okerić.

Zahvaljujem predsjedavajući. Danas su pred nama tehničke izmjene i dopune najvažnijih Zakona u segmentu sigurnosti. I to Zakon o unutrašnjim poslovima, Zakon o policijskim službenicima koji su 2019 godine u mandatu Vlade šestorke pretrpjeli suštinske izmjene, koje su tvorile realne pretpostavke za bolji i stabilniji sigurnosni sistem u Kantonu Sarajevo. Jaču i sposobniju policiju, te snažniji osjećaj sigurnosti građana. A što se ogleda u konkretnim pokazateljima vraćanje struke u policiju, depolitizacija policije, jačanje transparentnosti u njenom radu, jačanje antikoruptivnih kapaciteta, zaštita prava policijskih službenika, te jačanje integriteta MUP-a Kantona Sarajevo. Kako bi se oba ova Zakona mogla u potpunosti implementirati, neophodno je otkloniti tehničke nedostatke, koje je pominjao i uvaženi ministar Jusko koji su prepoznati kao prepreka punoj implementaciji ovih Zakona. Potrebe za izmjene ova dva Zakona su iskazane mnogo ranije, i prijedlog izmjena je bio na Vladi Kantona Sarajevo ako se sjećate 13. Jula o.g. gdje je ministar Jasmin Halebić koji dolazi iz SDA naprasito dostavio nelogičan 21 amandman, gdje je ministar Finansija Jasmin Halebić na neki način zloupotrijebio svoju funkciju i dostavljanjem nelogičnih amandmana na neki način zaustavio proceduru spuštanja ovog Zakona u skupštinsku proceduru, skupštinske klupe što je naravno bilo neodgovorno, neprofesionalno od aktuelne Vlade. Da su bili nelogični ti postupci, govori činjenica da današnji prijedlozi za izmjene i dopune ova dva Zakona su apsolutno identični, kao i prošli prijedlog koji je povećan. Ovo govori da ova Vlada stavlja u prvi plan politiku, međusobna neslaganja sa svojim partnerima ispred realnih potreba policije i građana i Kantona Sarajevo. Jer kako drugačije objasniti da ministar finansija dostavlja amandmane ministru MUP-a čiji je resor policija. Zaista apsurdno. Bespotrebno je izgubljeno više od 3 mjeseca kada fali policijskih službenika, kada smo u situaciji da su zaustavljeni procesi unapređenja u Upravi policije, što usložnjava naravno efikasan rad policije na terenu. S obzirom da se sad suočavamo sa sigurnosnim problemima koji su do sada bili nepoznanica na ovim prostorima, kao što je migrantska kriza, zatim izazovi koje nosi sa sobom COVID-19 a na sve to imamo manjak od 350 policijskih službenika u koje ne ulazi ovih 17 uhapšenih i oni koji se nalaze u izolaciji i samoizolaciji zbog COVID-19. Znači zaista neophodne izmjene i dopune oba ova Zakona kako bi se što jasnije mogla izvršiti njihova implementacija na samom terenu. Stoga svaka izmjena i dopuna Zakona koji će unaprijediti implementaciju bilo kojeg zakonskog rješenja treba da se što prije u čini a ne da se opstruira. U ime Kluba NiP podržat ćemo tehničke izmjene oba ova Zakona.

Predsjedavajući:

Zahvaljujem uvaženi zastupniče Okerić. Zastupnik Marić se javio za riječ. Izvolite kolega

Poslanik/zastupnik Zvonko Marić:

Zahvaljujem predsjedavajući. I zahvaljujem se za mogućnost da kao predstavnik komisije za sigurnost kažem nešto. Vi ste naravno davali tu mogućnost, ali mislio sam budući da smo puno vremena izgubili zbog ozbiljnosti ove Skupštine objedinimo ovo što sam htio kazati u par rečenica. Pa ću s toga kazati da zaista pred nama je bio prilično težak, iako se to ne čini zadatak, iz prostog razloga što smo radili u onom najtežem vremenu, jer sam bio jedini član ispred Skupštine i Vlade Kantona Sarajevo i radili smo baš u to vrijeme kada je bila pandemija na nekom vrhuncu tako reći, i kada je najviša psihoza bila. I zaista strpljivo i u nekoj tolerantnoj atmosferi, vagajući svaku riječ. I nastojali smo da donesemo ono najbolje i naravno tu su bili predstavnici i Sindikata policijskih službenika i moram reći ono zbog istine, u jednom trenutku je jedino, da bih pojasnio neke stvari, na pet minuta ušao komesar dok se ministar Jusko uopće nije pojavljivao. Dakle ni oni nisu sudjelovali u kreiranju ovih izmjena i dopuna ova dva važna zakona za policiju. Naravno daleko do toga da smo imali ambiciju da donesemo neki Zakon koji bi bio trajno u upotrebi i koji bi se trajno primjenjivao iz prostog razloga što smatram i tada sam govorio a i sada ponavljam do novog Zakona koji bi bio sukladan europskim standardima treba jako puno raditi i ja sam predlagao još prije tri,. Četiri

mjeseca da se pristupi izradi takvih Zakona. Međutim do sada se to nije uradilo. I mislim da je tek od prije neki dan imenovana ekspertna ekipa koja će raspravljati o inicijativi gospodina Čampare vezano za polagano reкао bih gašenje Ministarstva. Ali naravno do toga treba jako puno posla uraditi i puno toga uskladiti sa vašim zakonskim redom. Ali ono što moram posebno istaći je činjenica da treba pojasniti građanima da smo mi radili kako bi otkočili brojne procese koji su stajali na putu efikasnosti policije dugi niz godina. Nije bilo procesa činovanja u policiji. I zaista ne znam, osim te plaće koju su imali, o kojoj možemo naravno diskutirati, policajci ne znam koji su motiv imali da rade, s obzirom da nisu mogli da napreduju. Sretao sam policajce i na ulici koji su mi govorili, eto ova crta s njom sam počeo da radim očigledno da ću otići u mirovinu i sa tom jednom crtom. Dakle bilo je tu i diskriminacije, upliva politike itd., zato mislim da su ove izmjene dopune jak doprinos, veliki doprinos da se rad policijskih službenika i policije uopće unaprijedi. Zatim, evo ministar Jusko je pomenuo koliko nedostaje u toj policijskoj formaciji Kantona Sarajevo ljudi i koliko bi moglo do kraja godine itd. Dakle to su sve stvari o kojima smo trebali i ranije voditi računa i upravo kolega Okerić je pomenuo te primjedbe kako ih već zovu amandmane. Jedan od tih amandmana zaista koji bio u neku ruku najvažniji onima koji su ih uložili je bilo to postojanje krim obavještajne službe, koja zapravo i postoji. Taj odjel i taj sektor funkcionira i djeluje i on je smješten evo na Bjelavama. Ali moram reći jednu stvar da svaka policijska agencija ima krim obavještajnu službu i da to nije nikakav pandam niti je paralelna služba obavještajna bilo kojoj službi u BIH jer kažem sve policijske agencije imaju tu službu i ona je egzistirala na 21 godinu. I to je projekat međunarodne zajednice. I naravno sve su radili pod nadzorom i međunarodne zajednice i nisu se naravno miješali ali sasvim sigurno da su nam neke stvari sugerirali i mislim da smo uradili dobar posao. I na zadovoljstvo svih policijskih službenika, pretpostavljam i građana Kantona Sarajevo, jer kakvo smo mi društvo ako ne pridajemo značaj sigurnosti i zdravlju onda sasvim sigurno da smo osuđeni na propast. I ono što na kraju hoću da kažem i kao svojevrsna i nagrada s obzirom da je izostala pohvala bilo kakva za pokušaj, i za nastojanje policije da čisti svoje redove, pa svjedočili smo akciji Dar 1 u kojoj je bilo puno darova, ali upravo ti policajci, tih 17 policajaca koji su uhićeni iz Kantona Sarajevo osumnjičeni su za brojna krivična djela preko 150. Mislim da je blizu 150 krivičnih djela, dakle i to je očit primjer korupcije u policijskim redovima. Međutim nisu dobili nikakvu ama baš nikakvu pohvalu niti smo čuli neke političke subjekte da su se oglasili i dali podršku onako na jedan primjeren način za ono što su oni uradili, za njihovo nastojanje. Sasvim sigurno da evo, ako ništa drugo Skupština bi, ja mislim i ova Vlada trebalo da im eto zahvali i na ovaj način što će im usvojiti ovaj Zakon koji će riješiti brojne njihove probleme. Hvala.

Predsjedavajući:

Zahvaljujem uvaženi zastupniče Marić. Molim da isključite mikrofon. Kolegica Segmedina Srna Bajramović je sljedeća zastupnica. Izvolite imate riječ.

Poslanik/zastupnik Segmedina Srna Bajramović:

Zahvaljujem predsjedavajući. Zbilja neću prolaziti kroz izmjene po članovima. Imam potrebu da kažem da vezano prije svega za Izmjene i dopune Zakona o unutrašnjim poslovima Kantona Sarajevo koji je predložen da se razmatra i usvoji u hitnoj proceduri, želim naime istaći kako sam u ranijem periodu, kada su usvojene prethodne izmjene i dopune ovoga Zakona imala rezervu u odnosu na hitnu proceduru i za istu nisam glasala smatrajući kako je to poslovnička mogućnost koju treba posmatrati kao izuzetak od opšteg pravila da se zakonski propisi donose u okviru redovnih procedure kako bi se sagledali pa svi aspekti i implikacije donošenja opšteg propisa nivoa Zakona. Pokazalo se evo da izmjene i dopune jednog ovako važnog Zakona, mislim na oba Zakona, u slučajevima kada nisu temeljito i precizno pripremljeni mogu proizvesti niz negativnih efekata i umjesto da unaprijede i poboljšaju postojeće stanje ono uslijed nedorečenosti, kolizija i nepreciznosti dodatno otežavaju rad izvršnih organa vlasti. Konkretno MUP-a i Uprave policije. Dakle danas smo u situaciji da moramo promijeniti odredbe Poslovnika i hitno otkloniti sve uočene nedostatke u ovom a i i

prijedlogu Izmjene i dopune Zakona o policijskim službenicima Kantona Sarajevo. Kako bi smo konačno uklonili blokade vrlo važnih procesa rada i dali potrebnu normativnu i sistemsku podršku radu policije na očuvanju sigurnosti građana Kantona Sarajevo. Obećala sam kratko, i bilo je kratko. Zahvaljujem.

Predsjedavajući.

Zahvaljujem uvažena zastupnice Segmedine Srna. Imamo još uvaženu zastupnicu Bilsenu Šaham, se javila za diskusiju. Izvolite.

Poslanik/zastupnik Bilsena Šahman.

Zahvaljujem predsjedavajući. Pa evo, pred nama je set propisa koji su već mjesecima spremni od strane MUP-a Kantona Sarajevo i koji su rađeni na vrlo transparentan način. uključujući i predstavnike međunarodne zajednice ali se ne mogu oteti utisku da smo bez ikakve potrebe izgubili mnogo vremena nekoliko mjeseci da usvojimo ove zakone i da omogućimo MUP Kantona da se u ovim vremenima krize nastale pandemijom i migrantske krize prestrukturira na način koji će povećati efikasnost i učinkovitost policije. Pa i ovo je dokaz kako nam je politikantstvo koje nema baš nikakav argument odnosi dragocjeno vrijeme koje smo mogli imati za pripremu podzakonskih akata koji će proizići iz ovog prijedloga Zakona i omogućiti ministru i komesaru da krenu u redovne aktivnosti provedbe Zakona. Danas vidimo da su oni svi predlagani amandmani bili potpuno nesuvisli i nebitni, da su bili plod paušalnih procjena struktura koje se ne mogu pohvaliti znanjem i iskustvom u oblasti unutrašnjih poslova i sigurnosti, i mišljenja sam da Skupština Kantona Sarajevo u nekim budućim vremenima mora biti posebno osjetljiva prema prijedlozima policije jer je više nego očigledno da nam je sigurnosna situacija u Kantonu zabrinjavajuća i da se moramo omogućiti pripadnicima policije brza transformacija u svim segmentima njihovog rada. Zahvaljujem.

Predsjedavajući:

Zahvaljujem uvažena zastupnice Šahman. Obzirom da nemam više prijavljenih zastupnika za diskusiju, ja zaključujem raspravu.

Molim sekretara da napravi anketu za Zakon o izmjenama i dopunama Zakona o policijskim službenicima Kantona Sarajevo. I zastupnike da glasaju. Otvaram glasanje, molim zastupnike da se izjasne o navedenom Zakonu. Zaključujem glasanje.

ZA JE GLASALO 31 ZASTUPNIK, PROTIV I SUZDRŽANIH NIJE BILO.

KONSTATUJEM DA SMO USVOJILI PRIJEDLOG ZAKONA O IZMJENAMA I DOPUNAMA ZAKONA O POLICIJSKIM SLUŽBENICIMA KANTONA Sarajevo PO HITNOM POSTUPKU.

Prelazimo na izjašnjavanje

PRIJEDLOGA ZAKONA O IZMJENAMA I DOPUNAMA ZAKONA O UNUTRAŠNJIM POSLOVIMA KANTONA SARAJEVO - HITNI POSTUPAK

Raspravu smo obavili.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O UNUTRAŠNJIM POSLOVIMA KANTONA SARAJEVO.

Otvaram glasanje i molim zastupnike da glasaju u viber grupi. Zaključujem glasanje.

ZA JE GLASALO 29 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVAJ ZAKON.

Ministar Ismir Jusko:

Predsjedavajući ako dopustite samo pet sekundi.

Predsjedavajući:

Ministre Jusko imate riječ izvolite.

Ministar Ismir Jusko:

Kratko, najiskrenije kako ispred MUP-a tako i ispred Uprave policije želim da se zahvalim i zastupnicama i zastupnicima na ovoj podršci. Hvala vam još jedanput puno, ovo nam puno znači.

Predsjedavajući.

Zahvaljujem uvaženi ministre Jusko. Prelazimo na realizaciju tačke četiri:

AD – 4.

PRIJEDLOG ZAKONA O IZMJENAMA I DOPUNAMA ZAKONA O OBRAZOVANJU ODRASLIH

Materijal ste dobili uz poziv za sjednicu. Molim predstavnika Predlagača da podnese uvodne napomene. Ministre Kriviću da li ste spremni za uvodne napomene. Izvolite. Ministar Krivić.

Ministar Anis Krivić.

Pozdravljam predsjedavajućeg, uvažene zastupnike is ve građane Kantona Sarajevo. Naime Skupština Kantona Sarajevo je na sjednici održanoj 07.10.2015 godine donijela Zakon o obrazovanju odraslih. Na sjednici održanoj 12.07.2019 godine utvrdila je Nacrt Zakona o izmjenama i dopunama Zakona o obrazovanju odraslih i isti uputila u skupštinsku proceduru. Zaključkom Skupštine Kantona Sarajevo od 24.07.2019 godine Nacrt Zakona je upućen u javnu raspravu. U skladu sa naprijed navedenim zaključkom javna rasprava je trajala 30 dana od dana prijema Nacrta Zakona o izmjenama i dopunama Zakona o obrazovanju odraslih. Nacrt Zakona bio je dostupan i svim ostalim građanima i subjektima u Kantonu Sarajevo koji su zainteresovani za primjenu ovog Zakona. U prethodne četiri godine kroz implementiranje Zakona smo vidjeli određene nedostatke u materijalu, pa pojedina zakonska rješenja su previše komplicirana za implementiranje ili su čak bila i neprovediva. S tim u vezi, Ministarstvo za obrazovanje nauku i mlade je kao programsku aktivnost 2019 godini predvidjelo donošenje Zakona o izmjenama i dopunama Zakona o obrazovanju odraslih. U ponuđenom materijalu izvršene su sljedeće izmjene i dopune: jasnije grupisanje formalnog i neformalnog obrazovanja, s jedne strane i informacionog i samousmjerenog učenja s druge strane. Najznačajniju novinu predstavlja rješenje da smo srednje škole kao JU koje su registrovane za djelatnost obrazovanja ostalih, naime one mogu provoditi programe za sticanje formalne kvalifikacije srednje stručne spreme III i IV stepena ali ne i privatne ustanove, registrovane za ovu djelatnost. Privatnim organizatorima obrazovanja odraslih koji su upisani u Registar ustanova za obrazovanje odraslih u Ministarstvu za obrazovanje nauku i mlade je ostavljena mogućnost da dvije generacije polaznika mogu završiti započeto obrazovanje u ovim ustanovama. Ova izmjena predstavlja najznačajniju novinu u Zakonu. Programe prekvalifikacije i dokvalifikacije kao programe formalnog obrazovanja i dalje mogu provoditi i privatne ustanove registrovane za ovu djelatnost. Nije ostavljena mogućnost da se kroz obrazovanje odraslih mogu realizirati programi za sticanje visokog obrazovanja uopšte. Navedeni su programi usavršavanja i osposobljavanja kao programi neformalnog obrazovanja koji nisu bili navedeni u Zakonu. Pojednostavljena je procedura osnivanja ustanove za obrazovanje odraslih. Uvedena je online nastava kao novi vid realiziranje nastave. Za provedbu ovog Zakona nisu predviđena dodatna finansijska sredstva za donošenje i samu primjenu Zakona o izmjenama i dopunama Zakona o obrazovanju odraslih. Shodno navedenom, predlažemo zastupnicima u Skupštini Kantona Sarajevo da podrže predložene izmjene i dopune Zakona o obrazovanju odraslih. Hvala vam na pažnji.

Predsjedavajući:

Zahvaljujem uvaženi ministre. Da li predstavnici radnih tijela žele riječ? Ima li pitanja? Nemamo pitanja. Otvaram raspravu. Uvaženi zastupnik Marjanović.

Poslanik/zastupnik Damir Marjanović.

Zahvaljujem se, pošto imam nekih manjih problema sa konekcijom neću paliti kameru. Nećete ništa propustiti sa tim. Bit ću jako kratak. Ovaj Zakon je dosta poznat zato što prije par godina ustvari prije mnogo godina je započeta priča o njemu i ono što je definitivno i što mnogi ljudi u regionu tvrde jeste da ovaj Zakon predstavlja jako dobru osnovu jedan jako dobar model na kojem nam između ostalog zavide neke zemlje u regionu. To su zvanično komentari ljudi i iz Slovenije pa i iz Hrvatske. Tako da mogu samo da čestitam cijeloj ekipi koja je sudjelovala u kreiranju tog Zakona 2015 a ja ga se sjećam još iz 2012 i 13 kada su već podmakle bile aktivnosti u tom periodu za kreiranje tog Zakona. Ja bih samo na neki način, neću reći upozorio, nego nas pripremio na nešto što stalno pričamo. Obrazovanje vam je jedan živi sistem koji nikada ne trebate zatvarati nikada ne trebate reći sada smo postigli taj nivo i ne može se ići preko njega. Samim tim nemojte da nas iznenadi da ćemo možda već sljedeće godine ili za dvije godine opet otvoriti ovaj Zakon o obrazovanju odraslih jer se trendovi u samom obrazovanju mijenjaju. Ministar je spomenuo između ostalog da na ovaj način nije nikako dozvoljeno bilo kakva prekvalifikacija ili bilo kakva realizacija nastave neformalnog obrazovanja u oblasti visokog obrazovanja. No već trend u EU dozvoljava da se grade određene dopunske kvalifikacije i to ne samo kursevi koji se označavaju certifikatima nego čak i dokvalifikacije koje podrazumijevaju određene programe koji imaju nekih 30 do 65 ETCS poena. S obzirom da naš Zakon o visokom obrazovanju nikada nećete to dozvoliti s obzirom na ono što imamo na Okvirnom nivou, na državnom nivou, mislim da ćemo vrlo brzo imati priliku i mogućnost da razmišljamo o tome. Mislim da je još prerano s obzirom ne da se tako nešto u obrazovanju uvede, nego zbog samoga sistema i kako funkcioniра u BiH, mislim da je prerano za takve stvari sada radimo. Zato nisam ni išao sa amandmanima u toj oblasti. Ali kao što rekoh, nemojte se iznenaditi da bi možda već sljedeće godine ili nakon dvije godine pod tim trendovima dođemo do zaključka da ipak jedan prekvalifikacije koji se tiče visokog obrazovanja, koje dozvoljava srodnim fakultetima, srodnim programima da ako se na tržištu pojavi potreba za onom drugom opcijom koja se može dostići za nekih 30 ili dodatnih ETC poena da se ipak otvori mogućnost da baš u okviru Zakona o obrazovanju odraslih malo i to modificiramo. U svakom slučaju podrška za ove izmjene. Mislim da je za sada jako dobro da se napravila jedna oštra granica da se izbjegao jedan potencijalni konflikt da nešto što je registrirano za neformalno uđe u sferu formalnog bez mogućnosti kvalitetne kontrole i kontrole svega onoga što treba da bude. Podržavam sada ali kao što rekoh nemojte se iznenaditi ne samo ove zakone, svaki Zakon iz oblasti obrazovanja treba da bude spreman da ga uvijek doradujemo, jer kao što rekoh na samom početku, obrazovanje je živi sistem i nikada ga ne možete u potpunosti zaokružiti da kažete nema više posla oko njega. Hvala velika.

Predsjedavajući:

Zahvaljujem uvaženi zastupniče Marjanoviću. Kolega Suljević Samir je sljedeći, imate riječ kolega.

Poslanik/zastupnik Samir Suljević:

Hvala predsjedavajući. Pa programu rada Skupštine kako maloprije ministar reče u maju je trebao se razmatrati nacrt Zakona o viskom obrazovanju a Vlada ga nije dostavila u skupštinsku proceduru. Nakon toga Skupština u julu obavezuje zaključkom, da podsjetim 31 zastupnik je glasao za Vladu Kantona Sarajevo da mora dostaviti Nacrt Zakona kojeg je prethodna Vlada usvojila u januaru 2020.godine. umjesto nacrta na Skupštini se pojavljuju prijedlozi za hitnom izmjenom nekoliko članova Zakona koji su po meni nevažni ili manje

važni, koji su samo bitni pojedincima možda eventualno nekih privatnih fakulteta. I po meni je ova namjera članova izmjene što predlažu pojedinci a da bukvalizujem da su na tragu tome da se omogući nekome da završi fakultet a da nikada nogom ne kroči na njega. Ovo mislim da nije na nivou niti univerzitetskih profesora, i po meni vrlo lako bi se na kraju moglo desiti da i akter ovih prijedloga je neko kome sutra odgovara da je i proglašenje diplome državna tajna. Malo sam komunicirao i vidio sam neke stavove studenata. Npr. Studentski parlament Univerziteta u Tuzli je mišljenja da online nastava u suštini stihijski ubija u obrazovni proces u BIH, te nam nije jasan stav da svi nijemo prihvatamo odluke nadležnih institucija svjesni da se većina učesnika obrazovnog procesa ne slaže s tim. Porazna je činjenica da pojedini ugostiteljski objekti i druge ustanove rade a da visokoobrazovne ustanove ne rade. Samo toliko. Hvala.

Predsjedavajući:

Zahvaljujem uvaženi zastupniče Suljeviću, iako pretpostavljam da smo na tački Zakona o obrazovanju odraslih a ne Zakona o visokom obrazovanju. Prelazimo na sljedećeg zastupnika koji je tražio riječ. Uvaženi zastupnik Poturak Dževad, izvolite. Kolega Poturak da li ste spremni za diskusiju? Evo sačekat ćemo par sekundi. Mi vas čujemo.

Poslanik/zastupnik Dževad Poturak:

Malo je konekcija loša ali evo ja mislim da je sada malo bolje. Vezano za ovaj prijedlog Zakona, ja želim da uputim riječi pohvale Ministarstvu za obrazovanje, nauku i mlade Kantona Sarajevo. I posebno ministru Anisu Kriviću na temeljnom radu na svim poljima koja su u nadležnosti resornog ministarstva čak i u vrijeme globalne pandemije. U Zakonu o obrazovanju odraslih koji je na snazi od 2015 godine, čak i osoba koja uopšte ne poznaje materiju, nit pravila pravne nauke mogla je da uoči razne nedostatke i nejasnoće koje su izrazito otežavale uspješnu primjenu ovog Zakona. Npr., dopuna člana 26 navedenog Zakona koji propisuje obavezu reakreditiranja organizatora obrazovanja odraslih na način da se ta obaveza sada mora provesti svakih pet godina a što u trenutnom Zakonu koji je na snazi nije bio slučaj. Predstavlja izuzetno poboljšanje kontrole nad kvalitetom rada organizatora obrazovanja odraslih. Također, dopuna člana 36 koji se odnosi na način realiziranja nastave sada nudi mogućnost izvođenja online nastave, a što sada vidimo koliko je taj način izvođenja nastave potreban u određenim anonimnim društvenim okolnostima. Zahvaljujem predsjedavajući.

Predsjedavajući:

Zahvaljujem uvaženi zastupniče. Imamo li još nekoga da se prijavio? Nemamo. Ukoliko se više niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O OBRAZOVANJU ODRASLIH.

Molim zastupnike da pristupe izjašnjavanju u viber grupi. Molim zastupnike koji nisu glasali da to učine u viber grupi. Zaključujem glasanje.

**ZA JE BILO 30 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVAJ ZAKON.**

Prelazimo na realizaciju tačke pet:

AD – 5.

PRIJEDLOG ODLUKE O DAVANJU SAGLASNOSTI NA PRIJEDLOG SPORAZUMA O RJEŠAVANJU PROBLEMA PREDUZEĆA KJKP “GRAS” D.O.O. SARAJEVO

Materijal ste dobili u dopunskom materijalu. Molim predstavnika Predlagača da podnese uvodne napomene. Ministre Kalem ili je premijer? Izvolite ministre.

Ministar Adi Kalem:

Zahvaljujem predsjedavajući. Zamolio bih vas i Stručnu službu Skupštine pošto ima dopunski materijal vezan za Sporazum pa da se dostavi svim zastupnicima. Ukoliko dopuštate ja bih krenuo sa tačkom, sa obrazlaganjem.

Predsjedavajući:

Naravno kolega, naravno ministre, vi možete uvodne napomene, ukoliko ste nam proslijediti vaš amandmane i aneks na Sporazum mi ćemo to svakako proslijediti zastupnicima čim dobijemo.

Ministar Adi Kalem: UVODNO IZLAGANJE

Predsjedavajući:

Zahvaljujem uvaženi ministre. Da li predstavnici radnih tijela žele riječ? Pretpostavljam da ovo nisu iz radnih tijela. Kolega, imamo pitanja. Kolega dopredsjedavajući Handžić. Nakon dopredsjedavajućeg Handžića neka se pripremi Vreto. Kolega dopredsjedavajući imate riječ. Izvolite.

Dopredsjedavajući Vibor Handžić:

zahvaljujem predsjedavajući. Zahvaljujem ministru na uvodnom izlaganju. Malo mi je, jako je važna tema, ogromna su finansijska sredstva u planu i ne znam, malo mi je neozbiljno da smo dobili materijal dopunski, anekse Sporazuma upravo u ovom momentu. Ja sam ih uspio brzinski pregledati, prije nego što je krenuo ovaj segment pitanja. To sam htio i pitati po starom materijalu, ali evo sada pošto je neka izmjena, svejedno. Zanima me samo da ministar Kalem obrazloži, u prvoj verziji sporazuma je stajalo, i to je meni otprilike jedino bilo i sporno da će se uložiti otprilike maksimalni naponi da se povuku tužbe prema Kantonu Sarajevo, a u novoj verziji je to obaveza. Dakle prva obaveza, odnosno temelj da bi se sve druge stvari iz Sporazuma riješile i da bi Kanton na kraju finansijski podržao preduzeće Gras. Samo da mi ministar objasni da li sam ja to dobro shvatio i evo radi drugih zastupnika ne bi bilo loše da se može dodatno pojasne ove aneksi, odnosno dopune. Zahvaljujem.

Predsjedavajući:

zahvaljujem uvaženi dopredsjedavajući Handžić. Kolega Vreto ima riječ. Izvolite kolega Vreto.

Poslanik/zastupnik Elvis Vreto.

Hvala predsjedavajući. Pa ja imam nekoliko pitanja i isto tako smo aneks dobili veoma malo smo imali vremena da možemo uraditi analizu pa evo kroz pitanja ću pokušati da nam se razriješe dileme. Na ovaj prvi sporazum koji smo dobili bez aneksa, Pravobranilaštvo nije dalo pozitivno mišljenje. Čak šta više, ukazuje da bi moglo se odraziti negativno po Kanton jer oni u prioritetu štite Kanton bez obzira što se radi o našem komunalnom preduzeću. Pa me zanima kroz ovaj aneks šta se to promijenilo i imamo li na aneks sporazuma imamo li mišljenje, odnosno stav Pravobranilaštva? Vidimo da su ovdje neke stvari naravno odnose i na kratkoročne i na dugoročne mjere pa da nam se pojasni malo ta situacija. Eto toliko, hvala predsjedavajući.

Predsjedavajući:

zahvaljujem uvaženi zastupniče Vreto. Zastupnik Čampara Aljoša imate riječ. Kolega Čampara da li se čujemo? Zastupniče Čampara?

Poslanik/zastupnik Aljoša Čampara:

da li me čujete predsjedavajući? Ja bih samo jedno, zahvaljujem. Ja sam iz medija saznao, alki prije smo razgovarali i sa ministrom, mislim da je dosta na ovome radila poznata engleska firma (nerazumljivo) koja je radila neku analizu šta treba uraditi sve u Grasu. Ja bih postavio pitanje ministru koliko se uzelo od te analize samog restrukturiranja i šta sve treba uraditi u Grasu jer mislim da su oni sigurno pozvani da mogu dati jednu realnu sliku. Danas smo vidjeli i stavove predsjednika sindikata. I ja se stvarno apsolutno slažem da treba radnike zbrinuti, ali je evidentno da će ovdje morati doći do velikih rezova i velikih otpuštanja radnika pa me interesuje da nam ministar odgovori šta su uzeli sve od te analize i koliko će ona biti sprovedena, odnosno kako su oni skenirali to stanje u Grasu? To me interesuje. To bi bilo pitanje i zahvaljujem.

Predsjedavajući:

zahvaljujem uvaženi zastupniče Čampara. Obzirom da nemamo više zastupnika koji žele da postave pitanja, ja pozivam ministra Kalema da odgovori. Konaković pitanje, ali bih vas lijepo molio da se prijavite ako imate pitanja odmah, pošto mogu dati da odgovori pa da onda kažemo nije dopustio predsjedavajući da postavi pitanje. Znači sve zastupnike koji imaju da postave pitanja neka se jave u grupu. Konakoviću vi ste na redu, imate riječ. Izvolite.

Poslanik/zastupnik Elmedin Konaković:

u pravu ste predsjedavajući, u zadnji tren sam zaista, dok ste vi govorili ja pisao. Samo me zanima ima li ovaj dokument mišljenje Zakonodavno-pravna komisije i ako nema da li će SDA glasati o ovom dokumentu? Možda i predlagač da nam odgovori da li je moguće usvojiti jedan ovakav dokument na Skupštini bez mišljenja Zakonodavno-pravna komisije. Hvala vam.

Predsjedavajući:

zahvaljujem uvaženi zastupniče Konakoviću. Ministre da li ste spremni da krenete u odgovor?

Ministar Adi Kalem:

zahvaljujem predsjedavajući. Kada je riječ o pitanjima uvaženog zastupnika Vibora Handžića o izmjenama i maksimalnim naporima, obzirom da su to pojedinačne tužbe radnika, svakako da će uprava i sindikat iznaći maksimalne napore da se dogovore da se uposlenici odreknu samih kamata, svakako. Ovo je uvaženi zastupnik Vreto je napomenuo pitao pitanje znači ovo nije aneks, ovo je klasična dopuna samog Sporazuma. Obzirom da smo određene dogovore i kako s advokatom i sa sindikatom dopunili u samom Sporazumu, također pitanje uvaženog zastupnika Aljoše, znači skenirano je stanje, naravno PVC (nerazumljivo) konsultantska kuća, uz pomoć Britanske ambasade uradila analizu i studiju o poslovanju preduzeća Gras. Sve je uzeto iz Analize. Jako je bitno napomenuti u ovom segmentu da određene djelatnosti koje obavlja Gras koje nisu profitabilne se moraju ugasiti. Tipa kuhinje, tipa štampanja karata, itd. Eh, što se tiče pitanja uvaženog zastupnika Konakovića, mi imamo znači mišljenja Pravobranilaštva, mišljenja Ministarstva finansija, mišljenje Uprave za indirektno oporezivanje, mišljenje Poreske uprave FBIH, prikupili smo mišljenja Uprave Grasa i sindikata Grasa. Tako da za ovim mišljenjem koje ste pitali nije bilo potrebe.

Predsjedavajući:

zahvaljujem uvaženi ministre Kalem. Otvaram raspravu. Molim zastupnike da se prijave za raspravu. Evo sačekat ćemo još 30 sekundi ukoliko imamo zastupnika koji bi se prijavili za raspravu. Konaković rasprava. Izvolite, imate riječ Konakoviću.

Poslanik/zastupnik Elmedin Konaković:

hvala predsjedavajući. Neću dugo, kratko, ali da ne bude da baš niko ništa nije rekao po ovoj temi jer je ovo primjer u kojem mi cijenimo nastojanja da se nešto popravi u ovoj teškoj priči

koja se zove Gras za koju je teško naći prava rješenja. Tako da cijenimo ministre Kalem ovaj dio vaših intencija, ima ovdje i nekih dobrih stvari, ima naravno i naslijeđenih problema, ima nekih ideja prošle Vlade. Ali sve što bi moglo voditi ka eventualnom spašavanju Grasa mi ćemo podržati. I hvala vam za vaš iskreni odgovor da nema mišljenja Zakonodavno-pravna komisija i ne znam sada samo kako će Klub SDA reagovati, pošto oni znate ne glasaju kada nema mišljenja Zakonodavno-pravna komisije ne učestvuju u radu. Bez obzira na njihov stav, mislim da ćete imati potrebnu većinu ove nove većine koja se polako nazire i da će ovaj dokument proći. Al eto mene više politički zanima šta li će kolege iz SDA? Hvala vam.

Predsjedavajući:

ja bih vas lijepo molio kolega dopredsjedavajući Handžić ako ćete duže od šest ili sedam minuta, morat ćemo napraviti pauzu na zahtjev TVSA ili ako želite. E hajte, radi imamo zahtjev od TVSA da napravimo pauzu za dnevnik. Pa evo dajem vama riječ. Dopredsjedavajući Handžić, izvolite.

Dopredsjedavajući Vitor Handžić:

zahvaljujem predsjedavajući. Dakle ministar mi baš nije odgovorio na pitanje, dobro bi bilo da je kompletne ove izmjene i anekse Sporazuma obrazložio s obzirom da su ovako kratko došli prije izjašnjavanja, da bi se svi zastupnici fino sa njima upoznali. Dakle, podržavam ono što je gospodin Čampara pitao, dosta je jako ovih segmenata preuzeto iz te analize i onoga što je radila prethodna Vlada i neka je, ja pozdravljam i čestitam, jer mislim na žalost tiče se racionalizacije broja ljudi, ali jedini smislen korak u spašavanju preduzeća sa ovolikim dugovima jeste u njegovom restrukturiranju. Svaki drugi potez bi bio neozbiljan. Ministar je čini mi se u svom uvodnom izlaganju nekako blago iznio razloge zbog čega je Gras danas u ovakvom stanju kakvo jeste, ne bih ja rekao da neki preveliki udio ima ta činjenica što su uposlenicima isplaćivani novci umjesto kupona. To je bilo jedno 20-godišnje sistemsko pljačkanje ovog preduzeća što za posljedicu imamo ovoliki minus i dugovanja ovog preduzeća. Ovo se na prvu čini puno, oko 400 miliona obaveza Kantona do 2030 godine međutim gro tih finansijskih sredstava ide čini mi se na subvencije prevoza. Što se mora uraditi da se građanima Kantona Sarajevo prilagodi javni prijevoz a da preveliki finansijski teret ne osjeti ni samo preduzeće. Ostali dio finansijskih sredstava ide na ova dugovanja o kojima smo pričali. I ja podržavam pojedine članove ovog dodatnog materijala jer čini mi se da su oni nekako bolje zategli, da tako kažem, ovaj Sporazum i obaveze i jedne i druge strane. Toliko od mene predsjedavajući. Zahvaljujem.

Predsjedavajući:

zahvaljujem. Uvažena zastupnica Šahman diskusija. Izvolite. Kolegice Šahman vi ste se prijavili za diskusiju.

Poslanik/zastupnik Biljena Šahman:

jesam izvinjavam se. Pa nakon toliko godina evo prvi put da imamo da neko nudi neko rješenje i da je premijer Nenadić zaista ovdje i ministar Kalem naravno nudi plan za restrukturiranje Grasa i ovo je nakon toliko godina jedan korak ka spasu Grasu ako se još uvijek išta može spasiti to je sada u ovom momentu i da svi trebamo podržati i dati šansu još jednu za naš Gras. Zahvaljujem.

Predsjedavajući:

kolega Vreto, izvolite imate riječ. Dnevnik će krenuti kada budemo završili.

Poslanik/zastupnik Elvis Vreto.

Hvala predsjedavajući. Ja ću zaista pokušati biti kratak. Evo usvojili smo maloprije ove zaključke vezano za moratorij. Kada pogledamo stanje najmanje su krivi ljudi koji rade dole, očito da su pogrešne politike dovele do ovog stanja kakvom jesu danas. Nepromišljenim

upošljavanjem, i odnosom prema imovini i svim onim stvarima koje su se dešavale u prošlosti., ovo danas zaista nema ni jednog razloga da se ne podrži jer nemamo drugog izbora u ovom trenutku. Mislim da je ovo jedini put da se pokuša popraviti ono što je moguće u ovom trenutku. Ja zaista ne bih puno više osim da kažem da zaista ljude i radnike razumijem, oni nisu krivci, kriv je sistem koji im omogućava i kreira poslovno okruženje i nameće obaveze i ono što bi oni trebali da urade. Naravno ima i neodgovornih pojedinaca. S tim u vezi ću završiti, mislim da ovaj sporazum mi u ovom trenutku s ovim dodatkom koji smo dobili gledamo kao nešto što je prijeka potreba u ovom trenutku za Gras i jedna situacija iz koje mi nemamo u ovom trenutku rješenja. Nadam se da će se ove mjere i ovi koraci koji su zamišljeni na dugoročnom planu ispoštovati, da ćemo zaista izaći iz ove situacije na osnovu analiza najjačih svjetskih kuća zaduženih za to. Eto toliko, hvala predsjedavajući.

Predsjedavajući:

zahvaljujem uvaženi zastupniče Vreto. Obzirom da više nemamo prijavljenih zastupnika za raspravu ja zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PRIJEDLOG SPORAZUMA O RJEŠAVANJU PROBLEMA PREDUZEĆA KJKP "GRAS" D.O.O. SARAJEVO.

Otvaram glasanje. Molim zastupnike da glasaju u Viber grupi. Zaključujem glasanje.

ZA JE GLASALO 31 ZASTUPNIK, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Molim zastupnike da se izjasne za pauzu kako sam i najavio da će biti pauza za dnevnik TVSA, ukoliko se slažete, pauza pola sata, ali mora neko od šefova Klubova tražiti pauzu za 15 minuta i pola sata, molim vas, možemo nastaviti. Evo molim i ostale zastupnike da se izjasne ukoliko ima potrebe. Ukoliko niko ne traži pauzu mi ćemo nastaviti dalje.

Prelazimo na realizaciju tačke šest:

AD – 6.

PRIJEDLOG ODLUKE O PRIHVATANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ (EBRD) ZA PROJEKAT „JAVNI PREVOZ SARAJEVO DIO 3“

Materijal ste dobili uz poziv za sjednicu. Molim predstavnika Predlagača da podnese uvodne napomene. Ministre Kalem ili premijeru, izvolite.

Ministar Jasmin Halebić: UVODNO IZLAGANJE

Predsjedavajući:

Zahvaljujem ministre. Da li predstavnici radnih tijela žele riječ? Ja vas molim da isključite mikrofon. Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O PRIHVATANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ (EBRD) ZA PROJEKAT „JAVNI PREVOZ SARAJEVO DIO 3“.

Molim sekretara da napravi anketu, zastupnike da glasaju. Zaključujem glasanje.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke sedam:

AD – 7.

PRIJEDLOG ODLUKE O PRIHVATANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I MEĐUNARODNE BANKE ZA OBNOVU I RAZVOJ (IBRD) ZA REALIZACIJU PROJEKTA "ENERGETSKE EFIKASNOSTI-DODATNO FINANSIRANJE"

Materijal ste dobili u dopunskom materijalu. Molim predstavnika Predlagača da podnese uvodne napomene. Izvolite ministre.

Ministar Jasmin Halebić: UVODNO IZLAGANJE

Predsjedavajući:

Zahvaljujem ministre. Da li predstavnici radnih tijela žele riječ? Samo isključite mikrofoni. Ukoliko se niko ne javlja otvaram raspravu. Ukoliko se niko ne javlja za riječ ja zaključujem raspravu.

MOLIM SEKRETARA DA NAPRAVI ANKETU A ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O PRIHVATANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I MEĐUNARODNE BANKE ZA OBNOVU I RAZVOJ (IBRD) ZA REALIZACIJU PROJEKTA "ENERGETSKE EFIKASNOSTI-DODATNO FINANSIRANJE" .

Otvaram glasanje, zastupnici molim da se izjasne u Viber grupu. Zaključujem glasanje.

ZA JE GLASALO 29 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

30 JE BILO GLASOVA, JA SE IZVINJAVAM, NEKO JE NAKNADNO GLASAO.

Prelazimo na realizaciju tačke osam:

AD – 8.

PRIJEDLOG ODLUKE O DAVANJU SAGLASNOSTI NA NACRT UGOVORA O PRENOSU PRAVA VLASNIŠTVA I POSJEDA BEZ NAKNADE NA KANTON SARAJEVO NA PARCELI OZNAČENOJ KAO K.Č. 2152/33 POVRŠINE 332 M2 UPISANOJ U ZK.UL. 22713 K.O. SP_GORNJI BUTMIR ŠTO PO NOVOM PREMJERU ODGOVARA PARCELI BROJ 2051/3, PL/KKU 1125 K.O. STUP U SVRHU IZGRADNJE SPOMEN OBILJEŽJA UBIJENIM CIVILIMA KASINDOLSKE ULICE, KOJI ĆE ZAVOD ZA IZGRADNJU KANTONA SARAJEVO, KAO PRENOSILAC, ZAKLJUČITI SA STICAOCEM NEKRETNINE

Materijal ste dobili u dopunskom materijalu. Molim predstavnika Predlagača da podnese uvodne napomene.

Poslanik/zastupnik Vedran Jakupović:

Predsjedavajući nema potrebe zaista jer smo svi dobili ovo u elektronskoj formi.

Predsjedavajući:

Slažem se. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu. Sekretara molim da napravi anketu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O NACRT UGOVORA O PRENOSU PRAVA VLASNIŠTVA I POSJEDA BEZ NAKNADE NA KANTON SARAJEVO NA PARCELI OZNAČENOJ KAO K.Č. 2152/33 POVRŠINE 332 M2 UPISANOJ U ZK.UL. 22713 K.O. SP_GORNJI BUTMIR ŠTO PO NOVOM

PREMJERU ODGOVARA PARCELI BROJ 2051/3, PL/KKU 1125 K.O. STUP U SVRHU IZGRADNJE SPOMEN OBILJEŽJA UBIJENIM CIVILIMA KASINDOLSKE ULICE, KOJI ĆE ZAVOD ZA IZGRADNJU KANTONA SARAJEVO, KAO PRENOSILAC, ZAKLJUČITI SA STICAOCEM NEKRETNINE.

Molim zastupnike da se izjasne. Zaključujem glasanje.

ZA JE GLASALO 31 ZASTUPNIK, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

32 JE ZASTUPNIKA GLASALO ZA.

Prelazimo na realizaciju tačke devet:

AD – 9.

PRIJEDLOG ODLUKE O DAVANJU SAGLASNOSTI ZA POTPISIVANJE UGOVORA O ZAMJENI NEKRETNINA IZMEĐU KANTONA SARAJEVO I OMERBAŠIĆ NURIJE U SKLADU SA ČLANOM 23. ZAKONA O EKSPROPRIJACIJI FBIH RADI IZGRADNJE DVOCIJEVNOG TUNELA „KOBILJA GLAVA“ - SAOBRAĆAJNICA I TRANSVERZALA OD GRANICE SA OPĆINOM CENTAR DO KRAJA TUNELA U VOGOŠĆI (OMERBAŠIĆ NURIJA)

Materijal ste dobili uz poziv za sjednicu. Molim predstavnika Predlagača da podnese uvodne napomene. Ima li potrebe? Ukoliko nema potrebe da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu. Molim sekretara da napravi anketu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA POTPISIVANJE UGOVORA O ZAMJENI NEKRETNINA IZMEĐU KANTONA SARAJEVO I OMERBAŠIĆ NURIJE U SKLADU SA ČLANOM 23. ZAKONA O EKSPROPRIJACIJI FBIH RADI IZGRADNJE DVOCIJEVNOG TUNELA „KOBILJA GLAVA“ - SAOBRAĆAJNICA I TRANSVERZALA OD GRANICE SA OPĆINOM CENTAR DO KRAJA TUNELA U VOGOŠĆI (OMERBAŠIĆ NURIJA).

Molim zastupnike da glasaju. Zaključujem glasanje.

ZA JE GLASALO 30 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke deset. Neko je ostavio mikrofon uključen.

AD – 10.

PRIJEDLOG ODLUKE O USVAJANJU "BILANSA ENERGETSKIH POTREBA KANTONA SARAJEVO ZA 2020. GODINE

Ministre možete li smo isključiti mikrofon? Kada vas prozovem onda uključite. Materijal ste dobili uz poziv za sjednicu. Molim predstavnika Predlagača da podnese uvodne napomene. Ministar Draško Jeličić.

Ministar Draško Jeličić: UVODNO IZLAGANJE

Predsjedavajući:

Zahvaljujem ministre Jeličiću možete ugaziti mikrofon. Da li predstavnici radnih tijela žele riječ? Ima li pitanja? Imamo kolega Damir Marjanović se prvi prijavio. Kolega Marjanoviću izvolite.

Poslanik/zastupnik Damir Marjanović:

zahvaljujem predsjedavajući. Zahvaljujem ministru na ovom obrazloženju. Imam jedno pitanje, nećete mi zamjeriti, pa i da hoćete, šta vam ja mogu, tako vam je kako vam je. Moje pitanje ide svakako, strana 23, tačka 4) čvrsta goriva, zanima me na osnovu kojih projekcija je napravljena analiza da bi se ogrjevno drvo trebalo potrošiti za 2,5 tona više u 2020 u odnosu na 2019? i ministre cijenjeni vaš pedantan rad i ono što ste radili u prošlosti, i evo sada kao ministar kako radite, zanima me da li se pravila analiza o kojoj kvaliteti drva mi tu pričamo, koji je procenat vlažnosti itd.? Izuzetno bitna stvar za ovu našu kotlinu. Hvala velika.

Predsjedavajući.

Zahvaljujem uvaženi zastupniče Marjanović. Kolegica Dizdarević ima riječ. Kolegice jeste li spremni? Evo mi vas.

Poslanik/zastupnik Neira Dizdarević:

jesam. Hvala predsjedavajući. Hvala također ministru na uvodnom izlaganju i smatram zaista da je ovo jedan od jako važnih dokumenata koje razmatramo u Skupštini i možda olako prelazimo i ne bavimo se dovoljno svim ovim podacima koji nam isti nudi. Ja imam tri pitanja. Evo i ministar se dotakao toga i vidjeli smo iz materijala da smo kao Kanton Sarajevo potpuno energetski ovisni. Pa imam pitanje u čijoj je onda nadležnosti razmatranje sigurnosti snabdijevanje Kantona Sarajevo gasom? Tu mislim prvenstveno na činjenicu da u zimskim mjesecima dnevne količine potrebnog prirodnog gasa prevazilaze dnevne tehničke mogućnosti magistralnog gasovoda, a da Kanton Sarajevo uporno proširuje gasovodnu mrežu, subvencionira priključke, a može se desiti da kada bude najpotrebnije u hladnim danima građani mogu imati problema sa snabdijevanjem gasom. To je prvo pitanje. Drugo pitanje da li zabrinjava činjenica da je potrošnja lakog lož ulja pala, dok se potrošnja zabranjenih lož ulja u koja spadaju teška i srednje teška povećala za čak preko 2 miliona litara godišnje? I treće moram zaista da iskažem nezadovoljstvo da se u ovom dokumentu kada se govori o perspektivama korištenja obnovljivih izvora električne energije spominju i male hidroelektrane čija šteta po okoliš prevazilazi njihovu korist. Postavljam pitanje možda i premijeru ovdje zar je ovo perspektiva Kantona Sarajevo da uništimo i devastiramo naše rijeke radi proizvodnje male količine energije i velike zarade privilegovanih pravnih lica? Toliko hvala.

Predsjedavajući:

zahvaljujem. Nemamo zastupnika koji su se prijavili za pitanja više. Ministre izvolite da odgovorite na postavljena pitanja uvaženog zastupnika Marjanovića i kolegice Dizdarević, vi ili vaši saradnici.

Pomoćnik u Ministarstvu privrede Kantona Sarajevo (nerazumljivo ime i prezime):

Dobro večer., nisam čuo pitanje od gospodina zastupnika Marjanovića pa će kasnije da mi ponovite a evo mogu da odgovorim na pitanja koja je zastupnica postavila ova tri pitanja. Prvo pitanje u čijoj je nadležnosti snabdijevanje gasa Kantona Sarajevo. Naime mi znamo da je snabdijevanje, odnosno doprema gasa povezana sa nekoliko kompanija, prije svega imamo u lancu Energoinvest BHG, Sarajevo gas, koji i dalje se pojavljuje kao distributer. Znači mi imamo ovdje praktički sve nivoe vlasti gdje bi morali sinhronizovano djelovati kako bi ta sigurnost bila na zadovoljavajućem nivou. Činjeni je da u posljednje dvije godine možda nismo imali toliko problema ali uvijek moramo imati na umu da se to stanje mora popraviti. A pravo stanje je popravljeno onda kada dođemo do rezervnog pravca snabdijevanja gasom Kantona Sarajevo. Dalje, drugo pitanje je bilo da je primijećeno da je porast teških ulja. Tačno je da se pojavilo kao što se vidi porast težih ulja u odnosu na laka ulja, naravno ekstra lako lož ulje je manje zagađujuće i naravno na ovom treba raditi da se vrati u neke okvire potrošnja teških ulja. Kada je u pitanju perspektive korištenja obnovljivih izvora energije tamo je u tom dijelu bilansa dato kada se su se spominjale male hidroelektrane, nije se mislilo na cijevne hidroelektrane odnosno one koje se grade na način da se koristi cjevovod u samom

postrojenju nego prije svega se mislimo na, ovdje govorimo rijeci Bosni, gdje spadaju i srednje elektrane pa ste vidjeli u zagradi da tamo stoji prije svega srednje elektrane iznad 1 megawat, prema Uredbi Vlade FBiH. Sada bih želio samo da ako možete mi ponoviti pitanje vezano za koje je zastupnik Marjanović postavio.

Predsjedavajući:

kolega Marjanoviću ja bih vas lijepo molio da ponovite vaše pitanje.

Poslanik/zastupnik Damir Marjanović:

nije uopće problem. Hvala velika. Stranica 23 projekcija za čvrsta goriva zanima me, baš me zanima zbog čega je napravljen ovaj veliki porast od 2,5 tona za ogrjevno drvo iz 2019 na 2020? koja je to projekcija? Vidim da je to onako baš izraženo. Druga stvar koja me zanima jeste da li se prilikom analize kojeg ogrjevnog drva i potrošnje ogrjevnog drva u Sarajevu radi ujedno i analiza u ovom dokumentu jer nisam vidio kvalitete ili vlažnost tog ogrjevnog drva. Složit ćete se vi sa mnom da je to izuzetno bitno posebno u mjesecima koji nam idu novembar, decembar, januar i februar. A dat ću svoje, postavio sam pitanje, čekam odgovor, a nakon odgovora ću i u diskusiji dati neke određene analize i presumpcije vezano za ovo. Hvala velika.

Predsjedavajući:

zahvaljujem. Pretpostavljam da ste zapisali pitanje uvaženog zastupnika Marjanovića. Evo možete odgovori.

Pomoćnik ministra komunalne privrede Nurija Memić:

e hvala ja sam razumio u potpunosti pitanje zastupnika Marjanovića. Evo ja ću pokušati da odgovorim. Naravno, u toj tabeli kako se vidi prikazan je rast potrošnje čvrstih goriva u 2020 godini, to nije možda nešto veliko, procentualno kada se vidi, međutim on je opravdan. Može uzeti s obzirom da se posmatra potrošnja u proteklih 10 godina i ona ima trend rasta. Naravno mi kod planiranja potrošnje za 2020 moramo voditi računa o tom trendu rasta koji ne neminovno da će doći do porasta potrošnje. Naravno izvještaj za 2020 pokazat će da li smo bili u pravu da je rast od nekih 4000 tona, cca čini mi se da se radi u tom dijelu bilansa o povećanju. Kada je u pitanju vlažnost, na žalost Ministarstvo privrede Kantona Sarajevo bi dobro bi bilo da se može uzeti u obzir vlažnost jer ona je vrlo bitna kod projiciranja našeg susjednog Ministarstva kada je u pitanju zaštita okoliša, međutim obzirom da Ministarstvo privrede ne može doći do izvornih podataka o vlažnosti, to bi značilo da svako skladište i svaki distributer mjeri tu vlažnost i da nam dostavlja te podatke. A to zaista nemamo tih ulaznih podataka a bilo bi naravno dobro da ih imamo a pored toga zahtijevalo bi jedinstven softver gdje bi svi dobavljači, bilo da se radi o skladišnim ili direktnim dobavljačima morali da unose vlažnost koju direktno prodaju ili indirektno na području Kantona Sarajevo. Naravno, u budućnosti to može da bude jedan od izazova a znači da imamo i podatak o vlažnosti čvrstog goriva što svakako prije svega mislim ovdje na drvo, što bi značilo nam u smislu procjene utjecaja njegove na okoliš i da poduzimao mjere u skladu sa tim. Evo ja bih imao toliko, tako da uticaj vlažnosti zahtjeva zaista jednu posebnu analizu, ali obzirom da nemamo inputa takvih ulaznih podataka to zahtjeva, to je van domašaja Ministarstva privrede jer zahtjeva da dobavljači zaista imaju i odgovarajuće softvere i da unose tu vlažnost prilikom prodaje. Onda bi mi bili vjerovatno zemlja koja smo na visokom stepenu razvoja što je naravno treba da nam bude svima cilj. Hvala.

Predsjedavajući:

Zahvaljujem Ministarstvu. Otvaram raspravu. Vas molim da isključite mikrofoni. Ukoliko se niko ne javlja za riječ zaključujem raspravu. Molim sekretara da napravi anketu.

A ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O USVAJANJU "BILANSA ENERGETSKIH POTREBA KANTONA SARAJEVO ZA 2020.

GODINE.

Otvaram glasanje. Zaključujem glasanje.

ZA JE GLASALO 28 ZASTUPNIKA, PROTIV NIKO I SUZDRŽANO 1.
KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke jedanaest:

AD –11.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU K-37, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (AMEL AJDINOVIĆ)

Materijal ste dobili uz poziv za sjednicu. Molim predstavnika Predlagača da podnese uvodne napomene. Ima li potrebe? Nema. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

Molim sekretara da napravi anketu,

A ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU K-37, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (AMEL AJDINOVIĆ) .

Molim zastupnike da glasaju. Zaključujem glasanje.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

Prelazimo na tačku dvanaest:

AD –12.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU B1-B, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCIMA NEKRETNINE (DAUTOVIĆ DŽENANA I SADIK DAUTOVIĆ)

Materijal ste dobili uz poziv za sjednicu. Molim predstavnika Predlagača da podnese uvodne napomene. Ima li potrebe? Ukoliko nema da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU B1-B, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCIMA NEKRETNINE (DAUTOVIĆ DŽENANA I SADIK DAUTOVIĆ).

Zaključujem glasanje.
ZA JE GLASAO 31 ZASTUPNIK, PROTIV I SUZDRŽANIH nije bilo.
KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke trinaest:

AD – 13.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU B1-B, IZGRAĐENOM U NASELJU ROSULJE, OPĆINA VOGOŠĆA, KOJIM ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCIMA NEKRETNINE (DRINJAKOVIĆ LARISA I DRINJAKOVIĆ GORICA)

Materijal ste dobili uz poziv za sjednicu. Molim predstavnika Predlagača da podnese uvodne napomene, ukoliko ima potrebe. Nema. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU B1-B, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCIMA NEKRETNINE (DRINJAKOVIĆ LARISA I DRINJAKOVIĆ GORICA).

Zaključujem glasanje.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke četrnaest:

AD –14.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU K-36, IZGRAĐENOM U NASELJU ŠIP, OPĆINA CENTAR, SARAJEVO, KOJE ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (BUZAR BENJAMIN)

Materijal ste dobili uz poziv za sjednicu. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU K-36, IZGRAĐENOM U NASELJU ŠIP, OPĆINA CENTAR, SARAJEVO, KOJE ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (BUZAR BENJAMIN).

Zaključujem glasanje.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka petnaest:

AD – 15.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENO – POSLOVNOM OBJEKTU “O-2”, IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (PLAKALO KEMAL)

Prijedlog ste dobili uz poziv za sjednicu. Da li predstavnici Vlade žele uvodne napomene? Ukoliko ne, da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENO – POSLOVNOM OBJEKTU “O-2”, IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (PLAKALO KEMAL).

Otvaram glasanje. Zaključujem glasanje.

ZA JE GLASALO 27 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke šesnaest:

AD – 16.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI STANA U STAMBENO-POSLOVNOM OBJEKTU NIZ B, LAMELA B 3, IZGRAĐENOG U NASELJU DOBRINJA V, OPĆINA NOVI GRAD SARAJEVO, KOJI ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCIMA STANA (ČAUŠEVIĆ NEDIM I ČAUŠEVIĆ NEJRA)

Materijal ste dobili uz poziv za sjednicu. Molim predstavnika Predlagača da podnese uvodne napomene, ukoliko je potrebno. Ukoliko nije, da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI STANA U STAMBENO-POSLOVNOM OBJEKTU NIZ B, LAMELA B 3, IZGRAĐENOG U NASELJU DOBRINJA V, OPĆINA NOVI GRAD SARAJEVO, KOJI ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCIMA STANA (ČAUŠEVIĆ NEDIM I ČAUŠEVIĆ NEJRA).

Otvaram glasanje. Zaključujem glasanje.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

Tačka sedamnaest:

AD – 17.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU B1-B, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (KEPEŠ JASMIN)

Materijal ste dobili uz poziv za sjednicu. Molim predstavnika Predlagača da podnese uvodne napomene, ukoliko je potrebno. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU B1-B, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (KEPEŠ JASMIN).

Molim zastupnike da glasaju. Zaključujem glasanje.

ZA JE GLASALO 30 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke osamnaest:

AD – 18.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU 3C, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (KAHRIMAN PAŠA)

Materijal ste dobili uz poziv za sjednicu. Molim predstavnika Predlagača da podnese uvodne napomene. Nema potrebe. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU 3C, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE

BORCE I PROGNE OSOBE, KAO PRODAVAC, ZAKLJUČITI SA KUPCEM NEKRETNINE (KAHRIMAN PAŠA).

Molim zastupnike da glasaju. Zaključujem glasanje.

ZA JE GLASALO 29 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke devetnaest:

AD – 19.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI STANA U STAMBENOM OBJEKTU B1-B, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNE OSOBE, KAO PRODAVAC, ZAKLJUČITI SA KUPCEM NEKRETNINE (MIRVIĆ SANELA)

Materijal ste dobili uz poziv za sjednicu. Molim predstavnika Predlagača da podnese uvodne napomene. Da li predstavnici radnih tijela žele riječ? Ne. Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI STANA U STAMBENOM OBJEKTU B1-B, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNE OSOBE, KAO PRODAVAC, ZAKLJUČITI SA KUPCEM NEKRETNINE (MIRVIĆ SANELA).

Otvaram glasanje. Zahvaljujem za glasanje.

ZASTUPNICI SU GLASALI SA 28 GLASOVA ZA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke dvadeset:

AD – 20.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI STANA U STAMBENOM – POSLOVNOM OBJEKTU “O-2”, IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNE OSOBE, KAO PRODAVAC, ZAKLJUČITI SA KUPCEM NEKRETNINE (KAPLAN SALMIR)

Materijal ste dobili uz poziv za sjednicu. Molim predstavnika Predlagača da podnese uvodne napomene, ukoliko ima potrebe. Nema. Da li predstavnici radnih tijela žele riječ? Ima li pitanja? Imamo pitanje uvaženog zastupnika Stojanovića a nakon uvaženog zastupnika Stojanovića, uvaženi zastupnik Suljević.

Poslanik/zastupnik Igor Stojanović:

hvala predsjedavajući. Imam pitanje za nadležnost ministra. Da li se u ovom slučaju radi o bivšem ministru SDA Salmiru Kaplanu koji je bio u Stocu kandidat za načelnika i koji je bio ministar ispred SDA kulture i sporta na nivou Federacije? Ako jeste da mi ministar pojasni da li smo kroz ovaj Fond šehida, poginulih boraca, izbjeglih lica imali možda neki veći prioritet u odnosu sa Salmira Kaplana, u ovom trenutku koji je možda potrebnije riješiti? Da li je neki čovjek bio za većom potrebom da ga zbrinemo u odnosu na gospodina Salmira Kaplana? To je moje pitanje, hvala.

Predsjedavajući:

zahvaljujem uvaženi zastupniče Stojanoviću. Kolega Suljeviću izvolite, imate riječ.

Poslanik/zastupnik Samir Suljevića:

hvala predsjedavajući. Ja sam na fonu sličnog pitanja kao kolega Igor jer mi se onda postavlja pitanje svrhe Fonda Kantona Sarajevo za izgradnju stanova za članove porodica šehida, poginulih boraca i RVI, te demobiliziranih boraca i prognanih osoba. Zašto? Poznavajući materiju da u Kantonu Sarajevo postoji još uvijek veliki broj osoba iz ovih kategorija da nisu stambeno zbrinuti, preko fonda dobijamo informaciju da se potpisuje ugovor sa gospodinom Salmirom Kaplanom. Nemam ništa protiv njega ali uvidom u njegov imovinski karton piše daje isti 2009 godine kupio stan u Vogošći u iznosu od 95.000. da li to znači da i mimo toga njega treba riješiti kao ovu kategoriju i bez obzira na dobar dio ove kategorije koji nije riješen? Samo da mi se odgovori da li se to radi o tom stanu od 2009 godine ili je ovo neki novi stan? Hvala.

Predsjedavajući

zahvaljujem uvaženi zastupniče Suljević. Molim nadležnog ministra da odgovori na postavljena pitanja. Izvolite ministre Kapidžiću.

Ministar Faruk Kapidžić:

zahvaljujem. Evo da malo pojasnim oko ove situacije. Fond šehida i poginulih boraca za izradu stanova, ne radi samo u toj kategoriji nego u kategoriji i mladih. Tako da taj Fond općenito radi u dva pravca i daje subvencije na stanove. Ono što je ovdje možda sporno, stvar je u tome što Fond radi na taj način što kupi parcelu onda ganja dozvole i projektovanje i to sve traje jako dugo. Zato je tu kompletna zbrka oko ovog načina kako se ovo izvodi i radi. Mi da bi potpisali ugovor faktički ugovor sa notarom jedna osoba mora sačekati da se izgradi i uradi tehnički prijem objekta, i to prođe jako puno vremena. U ovom slučaju gospodin Selmir je sa kupovinom, znači Fond ka kupi zemlju krene sa preinvestiranjem u smislu da ljudi se prijave, dobiju odobrenje od Fonda i prijave se za kupovinu nekog stana. Kada se završi spisak kreće se u realizaciju tog stana. I ovo je bilo iz 2009 je bilo da je on dobio stan po tome što je spadao u kategoriju mladih i od 2009 do 2014 kada se tek počela graditi zgrada, 2014 potpisuje za isti stan predugovor i ulazi u rješavanje imovinskog pitanja. Tek je ta zgrada završena bila 2018 godine i tek se tada radio tehnički prijem prošle godine, sada dolazi ovdje taj isti ugovor. To se radi o jednom stanu, o jednoj prodaji i tek je sada došlo, spušteno na Vladu pa na Skupštinu. Tako da tu nema generalno nema ništa sporno. Izuzev kompletnog načina kako to Fond radi jer to uopšte nije jednostavno obzirom da Fond ne može prodati ni jedan stan nego bukvalno mora raditi na povjerenje ljudi kroz tri, četiri ili pet godina, dok se dođe do konačne realizacije čitave zgrade, tehničkog prijema i tek tada sklapanje notarskog ugovora koji treba biti odobren od Vlade pa od Skupštine. I to se sve radi, znači to je od 2009 do sada sve isti stan, po istoj to zapravo nisu subvencije nego prodaje stanove po nešto boljoj cijeni od tržišne cijene obzir na kategorije koje su propisane u radu Fonda. Nema ništa sporno što se toga tiče.

Predsjedavajući:

zahvaljujem ministre Kapidžiću. Stojanović nije dobio odgovor, pa evo uvaženi zastupniče

Stojanoviću ako možete da ponovite pitanje. Možda ministar nije čuo.

Poslanik/zastupnik Igor Stojanović:

pa ministar mi nije odgovorio ja sam ga konkretno pitao da li po njegovom mišljenju bez obzira na vrijeme od 11 godina kada je stan kupljen, da li je po njegovom mišljenju bilo većih prioriteta kada je u pitanju socijalni aspekt mladih koji je trebao biti prioritetan u dobijanju beneficija preko ovog Fonda u odnosu na gospodina Salmira Kaplana? To me zanima, u ovom trenutku. Po čemu se procijenilo da Salmir Kaplan baš treba da dobije a možda ne neki mladi koji je ugroženiji ili bez posla ili sa manje primanja, manje perspektive u ovom trenutku. To je moje pitanje koje bih volio da čujem od ministra. Hvala.

Predsjedavajući:

zahvaljujem zastupniče Stojanoviću. Ministre izvolite odgovorite.

Ministar Faruk Kapidžić:

evo mogu da odgovorim. Znači to se dešava od 2009 pa do prošle godine, se to dešavalo, dakle izmijenjalo se i ministara i direktora u Fondu ne znam na koji način bih ja mogao sada da dadnem odgovor da li je bilo većih prioriteta od toga. Ja to ne mogu znati. Mislim mogao je i ministar iz vaše Vlade napraviti reviziju i provjeriti to. Naravno da ja, ovo je već završena stvar u tom smislu, možda se prošle godine moglo djelovati ali sada sigurno ne. Dakle to što se dešavalo proteklih godina ja ne mogu uticati na to niti provjeravati da li je bilo tada većih prioriteta 2009. mislim pitanje je malo čudno za mene. Jer mi smo Vlada koja je došla i vjerovatno sada kada bi se pojavilo da bih dobro iskalkulisao i vidio ko je veći prioritet od onoga ko dolazi na red. Mislim to je tako.

Predsjedavajući:

zahvaljujem ministre Kapidžiću. Otvaram raspravu. Prvi se javio uvaženi zastupnik Stojanović. Izvolite kolega Stojanoviću.

Poslanik/zastupnik Igor Stojanović.

Pa hvala ministru na odgovoru pa ja sam mislio na osnovu njegovog iskustva da nam kaže da li možda sada po nekoj rang listi može se procijeniti da li je tada recimo Salmir Kaplan mogao biti prioritet u odnosu na evo neko sadašnje vrijeme. Ja bih ministra Damira Filipovića koji je bio u prošloj Vladi sigurno da je ova tačka bila na dnevnom redu pitao da sam uopšte znao da j gospodin Salmir Kaplan kao nekadašnji ministar uopšte kandidat da kupi preko Fonda. Ali eto nisam znao. Ovo je sada došlo na dnevni red, i to je tako. Ja zahvaljujem na odgovoru. Moja diskusija se odnosi generalno na Fond koji se zove dakle Fond Kantona Sarajevo za izgradnju stanova za članove porodica Šehida, poginule borce, RVI, demobilizirane borce i prognane osobe. U ovom naslovu i u nazivu ovog Fonda je sav besmisao ove dodjele stana. Vjerujem da je gospodin Kaplan Salmir neko ko je prema čitavoj proceduri legalno dobio stan ali to govori o besmislu svega što smo mi uradili poslije rata, od boračkih udruženja, organizacija gdje sjede ljudi koji nisu naši najbolji borci, a neki oni koji su najviše dali za ovu državu nisu uopšte dobili bilo kakvu vrstu pomoći, e tako je u ovom Fondu. Fond ne samo u ovoj odluci za gospodina Salmira Kaplana nego i na našoj prekinutoj 28 sjednici od 28. jula, mi imamo situaciju u kojoj aktuelni ministar Adi Kalem također treba iz ovog Fonda da dobije stan i ja vjerujem da je on u potpunosti sigurno ispunio sve uslove. Ali ja želim vama svima da skrenem pažnju, nije ovaj fond osnovan da se ovako zove, da bivši ili sadašnji ministri ili zastupnici ili bilo ko iz vlasti dobijaju stanove, nego najugroženije kategorije porodica šehida, poginulih boraca, RVI, demobiliziranih boraca i prognanih osoba. Dakle vi ovdje odnosno svi mi zajedno proteklih 25 godina napravili smo ove fondove da bi olakšali i dali beneficije nekim ljudima koji uopšte nisu prioritet. I oni se stalno koriste ovim beneficijama i mi smo došli u potpunu besmisao. Niti znamo danas ko su rang liste, uvažavajući gospodina Kapidžića ministra, dakle trebali bi da znamo ko su danas prioriteti i za prve stanove koji se

pojave da znamo ko je to prioritet kojem se treba dati stan. Mi danas nemamo pojma jel bolje da neko ko ima veze sa Fondom i sa politikom da preko Fonda dobije određenu beneficiju i olakšicu i dođe do stana. To je ljudi besmisleno. Ove organizacije više nemaju nikakvog smisla i služe i preko kantonalnih i državnih institucija i Vlada samo za pranje para i za grabljenje nekakvih poena i da bi ostvarili beneficije neki ljudi koji uopšte možda to i ne trebaju. Odnosno oni koji trebaju su i dalje gladni a ovi koji imaju vrlo dobre plate i možda bi mogli dobiti i neki kredit direktno iz neke komercijalne banke sada će ostvariti neke posljedice, ovaj neke povlastice. Nema to nikakvog smisla. Ja mislim da ozbiljno trebam da razmotrimo šta se radi, šta se dešava preko ovih fondova pa i po cijenu da ih ugasimo. Jer ovo je ljudi više besmisleno. Dakle niti država ima svrhu niti smo riješili probleme i na kraju krajeva dolazi do ogromnih političkih zloupotreba. Ja mislim da je ovo već krajnji indikator kada imamo jednog bivšeg i jednog sadašnjeg ministra koji preko ovakvog fonda kupuju stanove, da sjednemo i da dobro razmislimo šta j budućnost ovakvih organizacija i kada je kraj podizanja novca za fondove i samim tim za boračka udruženja gdje se iz godine u godinu povećava broj korisnika isto ko da se rađaju novi borci a ko da ovi koji su sa godinama faktički borci 25 godina poslije rata, kao da ne gube živote, kao da stalno dobijamo neke nove. Besmisleno je ljudi to. To je zloupotreba i nema nikakvog smisla, mi samo stvaramo od sebe socijalnu državu, koja daje, daje sve više novca i dobijamo budžete i na nivou FBiH a evo i na nivou Kantona gdje se 70% novca izdvaja za socijalne kategorije. Nema to nikakvog smisla i mislim da ćemo morati napraviti jedan rez koji će vjerovatno biti bolan. Socijalno i teško će ga biti objasniti i građanima, ali ako želimo da se izvučemo, pogotovo nakon korona virusa iz jedne teške ekonomske situacije bit će nužno da to uradimo. Hvala.

Predsjedavajući:

zahvaljujem uvaženi zastupniče Stojanoviću. Kolega Suljević se javio. Imate riječ kolega.

Poslanik/zastupnik Samir Suljević:

hvala predsjedavajući. Moram vam reći da sam vrlo, vrlo razočaran i uputno je moja daljnja bilo kakva podrška ovom Fondu, jer razmišljam ako neko čeka 11 godina stan, koje su to beneficije? Uplatiš 2009 i čekaš 2020 da dobiješ stan i ko zašto? Volio bih da pitam ministara, maloprije je malo bio pa da kažem, ne znam kako da kažem, ali malo i drzak „mogao je vaš ministar”. Ovdje ne pita niko jel mogao naš ili vaš ministar, mogli su 11 godina razni ministri i direktori ovo riješiti. Mene interesujete da mi javno danas kaže da mi kada je gospodin Kaplan prijavljen u Fond na Kantonu Sarajevo. Ja koliko imam informaciju nije bio do prošle godine ali možda ja nemam dobru informaciju. Druga stvar priča o uslovima da su mladi isto u toj kategoriji. Za mlade ide posebna konkurs i posebni su uslovi. Mi imamo borce kao što je Zijo Aljević RVI koji traži i moli da se negdje smjesti a neki drugi dobivaju stane. Znae šta je razočaravajuće koja je 92 godine se udala u januaru i na Poljinama je izgubila muža u petom mjesecu trudnoće, dobila je tu djevojčicu koja je nedavno završila fakultet. 25 godina ne rješava joj se stambeno pitanje, a danas se rješava stambeno pitanje političaru koji je 95.000 maraka 2009 dao za stan. Ovo je stvarno po meni sramotno. Hvala.

Predsjedavajući:

zahvaljujem uvaženi zastupniče Suljeviću., druga diskusija kolega Stojanović. Izvolite, imate riječ.

Poslanik/zastupnik Igor Stojanović:

da ne bude da nešto imam protiv ministra Salmira Kaplana. Imam protiv ovog sistema. Evo upravo sam pronašao podatak u kojem je Salmir Kaplan u trenutku 2009 za koje nam je ministar Kapidžić rekao da je podnio zahtjev za kupovinu tog stana i ušao uopšte u proceduru, bio savjetnik ministara civilnih poslova na državnom nivou i bio je to sve do 2011 godine kada je imenovan za ministra kulture i sporta. Dakle ako je savjetnik državnog ministra najugroženija kategorija i treba preko Fonda za šehide i poginule borce da kupi stan, onda to u

potpunosti potkrepljuje moju diskusiju kakav je besmisao sistema koji smo stvorili za 25 godina. Zato molim zastupnike da u skorije vrijeme razmislimo o gašenju ovakvih fondova jer ovo prelazi isključivo u zloupotrebu i ni u kakvu korist za bilo kojeg borca ili šehidsku porodicu ili za izbjeglicu ili za bilo šta drugo. Hvala.

Predsjedavajući:

zahvaljujem. Obzirom da nemamo više prijavljenih zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI STANA U STAMBENO – POSLOVNOM OBJEKTU “O-2”, IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (KAPLAN SALMIR).

Molim zastupnike da glasaju. Još 30 sekundi za glasanje. Molim zastupnike da glasaju. Zaključujem glasanje.

ZA JE GLASALO 15 ZASTUPNIKA, PROTIV 8 I SUZDRŽANIH 3
KONSTATUJEM DA SKUPŠTINA NIJE DONIJELA OVU ODLUKU.

Prelazimo na realizaciju tačke dvadeset i jedan:

AD – 21.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI STANA U STAMBENOM OBJEKTU 3C, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (POLUNIĆ NADA)

Materijal ste dobili uz poziv za sjednicu. Da li predlagač ima potrebe za uvodnim napomenama? Ukoliko nema da li predstavnici radnih tijela žele riječ? Ima li pitanja? Ukoliko nema, otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI STANA U STAMBENOM OBJEKTU 3C, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (POLUNIĆ NADA).

Otvaram glasanje. Zaključujem glasanje.

ZA JE GLASALO 26 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke dvadeset i dva:

AD – 22.

PRIJEDLOG ODLUKE O DAVANJU NAZIVA SAOBRAĆAJNICI U IZGRADNJI (I TRANSVERZALA) NA PODRUČJU OPĆINE CENTAR

Materijal ste dobili u dopunskom materijalu. Molim predstavnika predlagača da podnese

uvodne napomene, ukoliko je potrebno. Ukoliko nije, da li predstavnici radnih tijela žele riječ? Ima li pitanja?

PRIJEDLOG ODLUKE O DAVANJU NAZIVA SAOBRAĆAJNICI U IZGRADNJI (I TRANSVERZALA) NA PODRUČJU OPĆINE CENTAR

Molim predstavnika predlagača da podnese uvodne napomene.

Poslanik/zastupnik Elvis Vreto:

hvala predsjedavajući. Komisija je na za obilježavanje, čuvanje i njegova historijskih događaja i ličnosti Skupštine Kantona Sarajevo na sjednici održanoj dana 10.09.2020.godine razmatrala mišljenje Općinskog vijeća Centar kao i Zaključak Općinskog vijeća Centar o davanju naziva saobraćajnici u izgradnji Prva transverzala na području općine Centar, isti usvojila jednoglasno. Prijedlog ove Odluke uputila u skupštinsku proceduru sa cjelokupnom dokumentacijom na razmatranje i usvajanje. Radi se o imenovanju po našem istaknutom pripadniku ARBIH Mustafi Hajrulahoviću Talijanu. Eto toliko hvala.

Predsjedavajući:

zahvaljujem predstavniku Predlagača. Da li predstavnici radnih tijela žele riječ? Ima li pitanja? Nema. Otvaram raspravu. Za raspravu se javio kolega Poturak. Imate riječ. Izvolite.

Poslanik/zastupnik Dževad Poturak:

zahvaljujem predsjedavajući. Želim prokomentarisati da davanje naziva ulici po generalu Mustafi Hajrulahoviću Talijanu mislim da je najmanje što mi kao Skupština, Kanton Sarajevo i država BIH možemo učiniti za ovakvog čovjeka, borca i komandanta koji je svoj život i svoje znanje i sposobnosti bez ikakve sebičnosti i u potpunosti stavio na raspolaganje svojoj domovini BIH i (gubi se ton).

Predsjedavajući:

kolega Poturak gubi vam se signal. Možete ponoviti.

Poslanik/zastupnik Dževad Poturak:

dobro ovom prilikom želim da pozovem sve nas zastupnike u Skupštini (gubi se signal).

Predsjedavajući:

kolega Poturak zaista.

Poslanik/zastupnik Dževad Poturak:

da li se sada čujemo?

Predsjedavajući:

e sada vas čujemo, molim vas da ponovite jer zaista ste čuli sve u prekidima.

Poslanik/zastupnik Dževad Poturak:

želim reći sve najbolje ovo što ste čuli, sasvim je dovoljno. Dajem veliku podršku ovakvom činu. Toliko od mene ovaj put, malo je veza loša pa gubi se.

Predsjedavajući:

zahvaljujem uvaženi zastupniče Poturak. Kolega Marjanović se prijavio. Kolega Marjanoviću imate riječ.

Poslanik/zastupnik Damir Marjanović:

zahvaljujem se. Samo kratko uz punu podršku inicijativi da jedna ulica nosi uvaženog generala i komandanta. Nadam se da će nas ovo ime sada natjerati da konačno i završimo tu ulicu, bilo bi mnogo bolje da završenim i gotovim ulicama dajemo imena. No što je tu je, u

svakom slučaju puna podrška inicijativi.

Predsjedavajući:

zahvaljujem. Ukoliko se više niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU NAZIVA SAOBRAĆAJNICI U IZGRADNJI (I TRANSVERZALA) NA PODRUČJU OPĆINE CENTAR.

Sekretara da napravi anketu, zastupnici da pristupe glasanju. Otvaram glasanje. Zaključujem glasanje.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke dvadeset i tri:

AD – 23.

PRIJEDLOG ODLUKE O IZMJENI NAZIVA DIJELA-KRAKA ULICE, ODNOSNO PREIMENOVANJU DIJELA-KRAKA ULICE NA PODRUČJU OPĆINE VOGOŠĆA

Materijal ste dobili u dopunskom materijalu. Molim predstavnika predlagača da podnese uvodne napomene ukoliko je potrebno. Predsjednik Komisije Vreto Elvis je nešto htio da kaže, ukoliko nema potrebe. Da li predstavnici radnih tijela žele riječ. Imate riječ predsjedavajući Komisije.

Poslanik/zastupnik Elvis Vreto:

Na istoj sjednici komisije razmatrali smo navedeni zahtjev. Komisija isto tako jednoglasno podržala zahtjev. Radi se o našem šehidu, pripadniku ARBIH, Zlatnom ljljanu. I ono što je bitno ispoštovana je kompletna procedura za dobivanje ulice. Tako da imamo ova dva, nekako svijetla primjera naziva saobraćajnice, i u ovom slučaju navedene ulice. Toliko hvala.

Predsjedavajući:

Zahvaljujem predsjedavajućem Komisije. Da li predstavnici radnih tijela žele riječ? Ima li pitanja? Ukoliko se niko ne javlja za pitanja otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENI NAZIVA DIJELA-KRAKA ULICE, ODNOSNO PREIMENOVANJU DIJELA-KRAKA ULICE NA PODRUČJU OPĆINE VOGOŠĆA .

Otvaram glasanje. Zaključujem glasanje.

ZA JE GLASALO 31 ZASTUPNIK, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke dvadeset i četiri:

AD – 24.

PRIJEDLOG ODLUKE O DAVANJU SAGLASNOSTI NA PROGRAM RADA JAVNE USTANOVE "SLUŽBA ZA ZAPOŠLJAVANJE KANTONA SARAJEVO" SARAJEVO ZA 2020. GODINU

Materijal ste dobili u dopunskom materijalu. Molim predstavnika predlagača da podnese uvodne napomene, ukoliko je potrebno. Zahvaljujem. Da li predstavnici radnih tijela žele

riječ? Ima li pitanja? Imamo, uvažena zastupnica Vildana Bešlija a neka se spremi uvažena zastupnica Dizdarević Neira.

Poslanik Vildana Bešlija:

Hvala predsjedavajući. Jel me čujete? OK. Ovako, ja bih postavila pitanje, mislila sam da ćemo imati neko uvodno izlaganje, ali evo neke kolege zastupaju zastupnike pa u više navrata govore kako ne treba. Mene interesuje u Programu V na strani 10 Programa rada Službe za zapošljavanje da će se planirati određene mjere za podsticaj zapošljavanja i u cilju sprječavanja ekonomskih posljedica izazvanih pojavom epidemije korona virusa a sve u cilju nastavka trenda smanjivanja broja nezaposlenosti osoba na evidenciji Službe za zapošljavanje. Znači mene interesuje koje su to mjere, iz kojih izvora za finansiranje, kojih kriteriji, rokovi za realizaciju svake pojedinačne mjere, jer to je tačno navedeno u tom dijelu da se treba uraditi. Ono što sam primijetila i isto bih voljela da mi se odgovori, s obzirom da je danas već kraj 28. Septembar, usvajamo plan za 2020 godinu, malo je čudno bilo čitati ovakav plan u nekom, pisan futuristički a suštini vjerovatno toga dosta se ili desilo ili nije realizovano. Zato bih voljela da se malo prokomentariše posebno ova stavka i kažem eto očekivala sam neko izlaganje, pa bih zamolila pogotovo kada je u pitanju pandemija i ova stavka da mi se obrazloži. Hvala vam.

Predsjedavajući:

Zahvaljujem uvažena zastupnice, kolegica Dizdarević Neira je tražila riječ. Kolegice izvolite, imate riječ.

Poslanik/zastupnik Neira Dizdarević:

Hvala predsjedavajući. Ja imam jedno pitanje za premijera a odnosi se na sva tri ova programa rada, pa ću iskoristiti ovu priliku. Dakle, za Službu za zapošljavanje i za Dom za socijalno zdravstveno zbrinjavanje osoba sa invaliditetom i Kampus. Da li su ostale ustanove iz oblasti socijalne zaštite dostavile programe rada na Vladu ili je zaista neka čudna slučajnost da su danas pred nama samo programi onih ustanova u kojima ste smijenili direktore? Toliko.

Predsjedavajući:

Zahvaljujem uvažena zastupnice. Molim premijera ili nekoga od članova Vlade da odgovori na postavljena pitanja.

Ministrica Jasna Agić.

Zahvaljujem predsjedavajući. Hvala. Evo ja ću ovdje su i sa mnom v.d. direktori ove tri ustanove. Pa će oni detaljnije. Ja ću samo na pitanje uvažene zastupnice Neire Dizdarević da odgovorim. Sve ustanove su, svih osam ustanova u nadležnosti našeg Ministarstva su dostavili svoje planove rada i finansijske planove, međutim samo su ove tri i one su prošle na Vladi. Ali iz nekog razloga su samo ove tri uvrštene za današnji dnevni red ove Skupštine. Evo na drugo pitanje uvažene zastupnice Vildane Bešlije će odgovoriti v.d. direktorica Službe za zapošljavanje Edina Ljebuškić.

Predsjedavajući:

Samo neka se predstavi molim vas radi stenograma.

v.d. direktorica Službe za zapošljavanje Edina Ljebuškić:

ja sam Edina Ljebuškić, v.d. direktorica JU Služba za zapošljavanje Kanton Sarajevo. Vezano za program koji je uvažena zastupnica tražila koji je vezan za ovu situaciju u Kantonu Sarajevo, odnosno u cijeloj FBiH Služba za zapošljavanje Kantona Sarajevo je planirana četiri programa. Jedan program je već realizovan, to je Program zapošljavanja medicinskog kadra u JU socijalne zaštite, JU zdravstvene zaštite. Program se realizuje, Program je za 102 medicinska kadra, od toga 30 ljekara, odnosno medicinskog osoblja sa VSS, i 72 medicinske

sestre odnosno sa SSS. Taj će se projekat realizovati u narednih šest mjeseci, s tim da će na UO Službe za zapošljavanje Kantona Sarajevo sutra biti liste koje ide na Vladu Kantona Sarajevo i program počinje sa realizacijom već u narednih desetak dana. Imamo još tri programa koje planirano uraditi u narednom periodu. To je program Posao za sve, koji će trajati godinu dana gdje ćemo subvencionirati dio plate i dio poreza i doprinosa. Program javnih radova i program zapošljavanja asistenata u nastavi gdje ćemo obuhvatiti nekih 20 asistenata u nastavi. Vrijednost ova tri programa koja će tek ići je nekih cca 2,5 miliona KM. Zašto nismo ranije raspisivali programe samo iz jednog razloga, zato što je u Kantonu Sarajevo u periodu od 18.03. pa i sada imamo rast stepena nezaposlenosti u Kantonu Sarajevo i novčana naknada za nezaposlena lica sa mjesecom augustom smo zaključno imali otprilike cca 14 miliona sredstava koja smo potrošili, a u Planu poslovanja za 2020 godinu planirali smo sredstva od 12,5 miliona KM. Znači sva sredstva koja su nam bila na raspolaganju usmjerili smo na novčanu naknadu jer je to u principu osnovni zadatak Službe da obezbijedi materijalnu i socijalnu sigurnost nezaposlenih osoba.

Predsjedavajući:

Zahvaljujem uvažena direktorice. Obzirom da smo odgovorili na postavljena pitanja otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA JAVNE USTANOVE "SLUŽBA ZA ZAPOŠLJAVANJE KANTONA SARAJEVO" SARAJEVO ZA 2020. GODINU.

Molim sekretara da napravi anketu. Zaključujem glasanje.

ZA JE GLASALO 27 ZASTUPNIKA, PROTIV NIKO I SUZDRŽANIH 3. KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke dvadeset i pet.

Segmedina Srna poslovnička intervencija, izvolite kolegice.

Poslanik/zastupnik Segmedina Srna Bajramović:

Zahvaljujem predsjedavajući. Pa evo ja zapravo čisto zbog učinkovitosti predlažem i ono što smo uradili kod Zakona o policijskim službenicima i Zakona o unutrašnjim poslovima, da objedinimo tačke 25 i 26. U raspravi, a odvojeno ćemo naravno glasati. Zahvaljujem.

Predsjedavajući:

Zahvaljujem, evo kolegica sekretarka će napraviti prijedlog zaključka za glasanje da se objedinjena rasprava vodi za tačku 25 i 26, da se glasanje radi odvojeno. Molim zastupnike da se izjasne o prijedlogu uvažene zastupnice Segmedine Srne Bajramović. Zaključujem glasanje.

ZA JE GLASALO 27 ZASTUPNIKA, PROTIV I SUZDRŽANIH NIJE BILO.

KONSTATUJEM DA SMO USVOJILI PRIJEDLOG DA SE TAČKA 25 I 26 VODI OBJEDINJENA RASPRAVA, POJEDINAČNO DA SE GLASA.

Prelazimo na tačke 25 i 26.

AD – 25.

PRIJEDLOG ODLUKE O DAVANJU SAGLASNOSTI NA PROGRAM RADA I FINANSIJSKI PLAN KANTONALNE JAVNE USTANOVE "DOM ZA SOCIJALNO ZDRAVSTVENO ZBRINJAVANJE OSOBA SA INVALIDITETOM I DRUGIH OSOBA" ZA 2020. GODINU

PRIJEDLOG ODLUKE O DAVANJU SAGLASNOSTI NA PROGRAM RADA I FINANSIJSKI PLAN JAVNE USTANOVE TERAPIJSKA ZAJEDNICA – KAMPUS KANTONA SARAJEVO ZA 2020. GODINU

Materijal ste dobili u dopunskom materijalu. Molim predstavnika predlagača da podnese uvodne napomene, ukoliko je potrebno. Ima li potrebe za uvodnim napomenama. Nema. Da li predstavnici radnih tijela žele riječ? Ima li pitanja? Nemamo pitanja, imamo prijavljenu uvaženu zastupnicu Segmedinu Srnu Bajramović. Otvaram raspravu i dajem riječ uvaženoj zastupnici Segmedini Srni Bajramović.

Poslanik/zastupnik Segmedina Srna Bajramović:

Hvala još jednom predsjedavajući. Pa evo, svaki put sam u dilemi, uvijek su ove tačke na kraju poslovnički, naravno, na kraju dnevnog reda ali zaista zaslužuju nužnu pažnju. No, ne znam da li po ovim materijalima uopšte diskutovati. Mislim da je izlišno. Zašto? Za tri mjeseca se završava kalendarska godina i vrijeme je da se polako sumiraju rezultati rada a ne da se za godinu na izmaku usvajaju programi rada. A tek su sadržaji programa rada ove dvije ustanove pa najblaže rečeno, zanimljivi, prevashodno zbog predloženih programskih aktivnosti u odnosu na korisnike. Prema programu Terapijska zajednica kao ustanova socijalne zaštite će se, sve su prilike reformisati u ustanovu za izvršenje izrečenih mjera i sankcija. U Programu ustanove, navodi se da su obezbijedili zakonske pretpostavke još 2016 za izvršenje mjere obaveznog liječenja i osposobljavanja djece, ali da će četiri godine nakon usvajanja Zakona o socijalnoj zaštiti dalje na tome raditi. Izvršavat će ova ustanova i mjeru obaveznog liječenja od ovisnosti koja će se izricati počiniocima nasilja, a već izvršava izrečenu sankciju rad u humanitarne svrhe. Zašto li će izvršavati tu mjeru izrečenu počiniocima nasilja ako se ona izvršava redovno u Zavodu za alkoholizam i druge ovisnosti i zašto jedna ustanova socijalne zaštite zaboravlja navesti u Programu rada aktivnosti zbog kojih je stavljena u funkciju. A u prvi plan stavlja aktivnosti koje, prema mom sudu, nikako ne bi trebala ni obavljati. Dakle, umjesto jasnih programskih aktivnosti usmjerenih na postizanje vidljivih promjena kod korisnika, mi trošimo vrijeme opet na opise djelatnosti organizacionih jedinica Terapijske zajednice, i edukativne informacije po fazama rada sa korisnicima. E pa to, rekla bih, nije ni iznenađenje ako se na ime plata i drugih obaveza za zaposlenike izdvaja 1.680.648 KM a nema pokazatelja o broju korisnika na cjelodnevnoj brizi. Koliko se sjećam iz izvještaja za 2019 godinu taj broj nije prelazio 50 korisnika. Za razliku od Doma za socijalno zdravstveno zbrinjavanje osoba sa invaliditetom koji ima četiri puta veći broj korisnika i gotovo isti iznos sredstava na ime plata i drugih troškova koji se odnose na zaposlenike. Ponavljam ja ove stvar i ponavljat ću ih. Nastojim da zainteresiram druge kako bi se odgovornije pozabavili činjenicama koje su pred nama, svake godine, kako bi smo konačno počeli raditi na reformama sistema socijalne zaštite u Kantonu Sarajevo. Tih reformi se malo dotakao Program KJU Dom za socijalno i zdravstveno zbrinjavanje osoba sa invaliditetom i drugih osoba, ali očito nisu to na pravi način u Programu i planirali. Naime u programu ove ustanove pominje se deinstitutionalizacija ustanova, te da je za istu potrebno puno toga. Na žalost nisu u Programu pokušali postaviti barem prvu fazu deinstitutionalizacije. Naravno, ta faza prema mom mišljenju uključuje radnje koje također ponavljam bar jedanput godine a to je: kategorizacija korisnika, utvrđivanje usluga koje ti korisnici trebaju, stručnih kadrova koji mogu pružati usluge, cijene usluga i ukupno potrebnih sredstava za pružanje predmetnih usluga. Ovo se naravno odnosi na Terapijsku zajednicu kao i druge ustanove socijalne zaštite koji na cjelodnevnom boravku imaju korisnike. Žao mi je, to ću reći na kraju, zaposleni u ovim ustanovama koji predano, zaista predano i odgovorno rade svoj posao nemaju potrebnu stručnu podršku kako bi pristupili ozbiljnijim reformama kako bi sebi obezbijediti kvalitetnije

uslove rada a korisnicima o kojima tako predano brinu, ugodnije uslove života i boravka tamo. Toliko zahvaljujem.

Predsjedavajući.

Zahvaljujem uvažena zastupnice Segmedina Srna Bajramović. Ukoliko se više niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN KANTONALNE JAVNE USTANOVE "DOM ZA SOCIJALNO ZDRAVSTVENO ZBRINJAVANJE OSOBA SA INVALIDITETOM I DRUGIH OSOBA" ZA 2020. GODINU.

Otvaram glasanje i molim zastupnike da glasaju u viber grupi. Zaključujem glasanje.

ZA JE GLASALO 29 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Prelazimo na izjašnjavanje po tački 26.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN JAVNE USTANOVE TERAPIJSKA ZAJEDNICA – KAMPUS KANTONA SARAJEVO ZA 2020. GODINU.

Otvaram glasanje. Zaključujem glasanje.

ZA JE GLASALO 30 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Ja se izvinjavam uvaženom zastupniku Nikšiću, njegova inicijativa je otišla na drugi mail, tako da kolega Emira je ovu inicijativu zaboravio dostaviti na izjašnjavanje. Pa evo ja vas lijepo molim da uvažite ispriku uvaženi zastupniče Nikšiću. Zastupnička inicijativa se odnosila.

Poslanik/zastupnik Damir Nikšić.

Mogu li samo da spomenem da sam ponovo poslao ispravljeni tekst, samo sam jednu riječ dodao. Vrlo mi je bitno to ali sam ponovo izgleda poslao na taj isti pogrešan mail, pa da provjerite tamo.

Predsjedavajući:

Na koji ste mail poslali uvaženi zastupniče?

Poslanik/zastupnik Damir Nikšić.

Skupština Kantona. Samo na kraju rečenice piše „u izvornom obliku“. Eto to sam dodao.

Predsjedavajući.

Evo sačekat ćemo. Predlažem da se Skupština Kantona Sarajevo izjasni u inicijativi za proglašenje arhitektonskog kompleksa Skenderija za arhitektonsko i kulturno naslijeđe prvog reda, u izvornom obliku.

Evo sada ćemo mi to dobiti. Samo da sačekamo da se sekretar napravi anketu. Izašao je zaključak odnosno zastupničku inicijativu, ja vas lijepo molim uvaženi zastupnici da se strpate, sekretara molim da napravi anketu. Ja sam već pročitao samo nam je još bitno da se, hajte vi napravite anketu. Zahvaljujem. Molim zastupnike da glasaju. Kolegica Bilsena Šahman je također podnijela jednu inicijativu ali nemamo je kolegice, nismo dobili zaista. Možda je danas ovo napravilo se tako da imamo problema u komunikaciji. Ali evo, ako je vaša inicijativa poslana na mail, možete li ponoviti molim vas na ovaj mail koji je sekretar Skupštine već naveo da se dostavljaju mailovi.

Molim zastupnike da glasaju za inicijativu uvaženog zastupnika Nikšića. Zaključujem glasanje. Za je bilo 22 zastupnika, protiv i suzdržanih nije bilo. Konstatujem da smo usvojili zastupničku inicijativu uvaženog zastupnika Nikšića.

Zastupnička inicijativa uvažene zastupnice Bilsene Šahman. Da se prestane sa štampanjem materijala za sjednicu Skupštine.

Molim sekretara da napravi anketu. Otvaram glasanje.

Molim zastupnike da glasaju. Zaključujem glasanje. Za je glasalo 21 zastupnika, protiv i suzdržanih nije bilo. Konstatujem da smo usvojili ovu inicijativu.

Obzirom da smo iscrpili sve tačke današnje sjednice zaključujem rad na 29. Radnoj sjednici i zahvaljujem se uvaženim kolegicama i kolegama.